

HISTORY OF UZBEKISTAN

O'ZBEKİSTON TARIХI

1/2016





O'ZBEKISTON
FANLAR AKADEMIYASI



1
2016

Jurnalga 1998-yil iyulda
asos solindi.

Bir yilda to'rt marta
chiqadi.

O'ZBEKISTON TARIXI

Илмий журнал

МУНДАРИЖА

Тарих масалалари

Н. Аллаева. Хива хонлигининг Даشتி Қипчоқ билан ўзаро алоқалари тарихининг айрим жиҳатлари 3

Ш. Хўжаева. Россия империясининг Осиё департаменти маҳфий топшириқлари тарихидан: П.И. Демезоннинг Бухоро амирлигига «саёҳати» 11

Н. Исматова. Самарқанд вақф хўжалигига мутавалли лавозимига тайинлаш: анъанавий тартиб ва янги тизим амалиёти 19

М. Тўхтаева. XX асрнинг 20-йилларида Ўзбекистон рассомлари дастлабки ижодий уюшмалари тарихидан 30

С. Нуржанов. XX асрнинг 30-йилларида Қорақалпогистон матбуоти ва оммавий онг 37

Тарихшунослик ва манбашибнослик

О. Маҳмудов. Толедо тадқиқот мактабида Шарқ олимларининг таржима қилинган асарлари хусусида 47

Этнология

Х. Жуманазаров. Ўзбек халқ табобатида устоз-шогирдлик анъаналари 61

Фикр ҳақида фикр

А. Асқаров. «Ўзбек халқининг келиб чиқиш тарихи» асари бўйича билдирилган мулоҳазаларга жавоб 69

Юбилей

А. Анарбаев. Академик Аҳмадали Асқаровнинг Ўзбекистон археология фани ривожига қўшган ҳиссаси 78

Ёш тадқиқотчи минбари

О. Жайнаров. Туркистонда банк тизимининг шаклланиши ва ривожланиши масалалари: мустақиллик даври илмий адабиётлари обзори 83

Илмий ҳаёт

Ж. Адилов. «Ўзбекистон Республикаси Марказий давлат архивининг манбашибнослик соҳаси ривожидаги роли». 2015 йил ҳамкорликда бажарилган нашрлар семинар-тақдимоти хусусида 93

ЭКЗ
№ 1

СОДЕРЖАНИЕ

Вопросы истории

Н. Аллаева. Некоторые аспекты истории взаимоотношений Хивинского ханства с Даши Кипчаком 3

Ш. Хужаева. Из истории секретных поручений Азиатского департамента Российской империи: «путешествие» П.И. Демезона в Бухарский эмират 11

Н. Исматова. Назначение на должность мутавалли в Самаркандском вакфном хозяйстве: традиционный порядок и практика новой системы 19

М. Тухтаева. Из истории первых творческих объединений художников Узбекистана в 20-е годы XX века 30

С. Нуржанов. Пресса Каракалпакстана 30-х годов XX века и массовое сознание 37

Историография и источниковедение

О. Махмудов. Переводы трудов ученых Востока в исследовательской школе Толедо 47

Этнология

Х. Жуманазаров. Традиции наставничества в узбекской народной медицине 61

Мнение о мнении

А. Аскarov. Ответ на суждения о книге «Ўзбек халқининг келиб чиқиши тарихи» 69

Юбилей

А. Анарбаев. Вклад академика Ахмадали Аскарова в развитие археологической науки Узбекистана 78

Трибуна молодого исследователя

О. Жайнаров. Вопросы формирования и развития банковской системы в Туркестане: обзор научной литературы периода независимости 83

Научная жизнь

Ж. Адилов. «Роль Центрального государственного архива Республики Узбекистан в развитии источниковедения». О работе семинара-презентации по совместным публикациям 2015 г. 93

Таҳрир ҳайъати:

Дилором Алимова

(бош муҳаррир)

Равшан Абдуллаев

Баҳром Абдуҳалимов

Мирзуэрт Абусеитова

(Қозоғистон)

Бахтиёр Бабаджанов

Алишер Дониёров

Доно Зияева

Мирсодик Исҳоқов

Сурайё Каримова

(бош муҳаррир ўринбосари)

Нодира Мустафаева

Зоя Орифхонова

Мирзоҳид Раҳимов

Эдвард Ртвеладзе

Ильза Сиртаутас (АҚШ)

Рустам Сулаймонов

Темур Ширинов

Нозим Ҳабибуллаев

Назокат Қосимова

Шоира Асадова

(масъул котиб)

Манзилимиз:

100060, Тошкент ш.,
Шаҳрисабз 5-тор кӯчаси.

Журнал Ўзбекистон
Матбуот ва ахборот агентлиги
томонидан рўйхатта олинган.
Гувоҳнома № 0051

Теришга берилди 18.04.2016.
Босишига рұхсат этилди 30.05.2016.

Қоғоз бичими 70×100^{1/6}.
Таймс гарнитура. Офсет босма.
Офсет қоғози. Ҳисоб-нашриёт т. 6.0.
Шартли босма т. 7.8. 250 нусха.
Буюртма № 43.
Келишилган нарҳда.

Оригинал-макет «ILM ZIYO»
МЧЖ нашриёт уйидаги тайёрланди.
Тошкент ш., Навоий кӯчаси, 30-ий.
«PAPER MAX» XК
босмахонасида чоп этилди.
Тошкент ш., Навоий кӯчаси, 30-ий.

ТАРИХ МАСАЛАЛАРИ**Н. АЛЛАЕВА****ХИВА ХОНЛИГИНИНГ ДаШТИ ҚИПЧОҚ БИЛАН ЎЗАРО
АЛОҚАЛАРИ ТАРИХИНИНГ АЙРИМ ЖИҲАТЛАРИ**

Худудий жиҳатдан чегарадош бўлган мамлакатлар тарихи бир-бири билан муносабатларни боғлиқлар. Шу жиҳатдан Хива хонлиги унга туташ кўшни Даشت аҳолиси билан доимо яқин ижтимоий-иқтисодий ва маданий алоқада бўлиб келишган. Бир худуддаги ижтимоий-сиёсий жараёнлар иккинчи худудга, уларнинг ўзаро муносабатлари эса, минтақадаги умумий вазиятга бевосита таъсир кўрсатган.

XV аср охири — XVI асрнинг бошлари Марказий Осиё минтақасида янги давлатларнинг, жумладан, ўзбек ва қозоқ хонликларининг ташкил топиши ҳамда кучлар нисбатининг тез-тез ўзгариб туриши билан характерланади. Шундай экан, хонликларнинг ташкил топиш жараёнидан бошлаб, кейинги тарихий тараққиёт босқичларигача бўлган ҳолатларда ўзаро алоқадорликни кузатиш мумкин.

XVI аср бошларида (1511 й.) ташкил топган Хива хонлиги ва шу муносабат билан содир бўлган воқеа-ҳодисаларда Даشت Қипчоқдан Хоразмга кириб келган кўчманчи уруф вакилларининг фаол иштирок этганлиги тарихдан маълум. Шу жиҳатдан, совет тарихшунослигига вужудга келган концепцияга кўра, Даشت Қипчоқдан Хоразмга кириб келган Арабшоҳийлар/Шайбонийлар¹ сулоласи вакиллари Элбарс ва Билбарс (Бийбарс) сultonларнинг Хива хонлигига асос согланликлари таъкидланади. Аксарият адабиётларда бу жараёнга қисқагина тўхтаб ўтилган бўлиб, унда воқеаларнинг асосий ҳаракатлантирувчи кучи бўлган маҳаллий аҳолининг ўрни эътибордан четда қолиб келди². Мустақиллик йилларида юзага келган Ўзбекистон давлатчилиги тарихига янгича ёндашув туфайли бу масалага ҳам дикқат қаратила бошланди. 1993, 2012 йилларда нашр этилган фундаментал ишларда ҳамда 2013 йилда чоп этилган «Хорезм в истории государственности Узбекистана» ва бошқа қатор адабиётларда хонликнинг ташкил топишида маҳаллий кучларнинг роли, уларнинг ташабуси кўрсатиб берила бошланганлиги алоҳида аҳамият касб этади³. Бу адабиётларда «Шажараи турк»,

¹ Ю. Брегель кўрсатганидек, кўпгина замонавий олимлар ўз номини Жўчининг бешинчى ўғли Шайбоннинг авлоди бўлган Арабшоҳ ибн Пўлоддан олган бу сулола вакилларини Арабшоҳийлар деб ҳам атайди: Bregel Y. «Arabshahi». Encyclopaedia Iranica, ed. E. Yarshater. Vol. II (3). 1987. P. 243–245.

² Бартольд В.В. Хорезм. Сочинения. Т. 3. Москва, 1965. С. 549; ўша муаллиф. Узбекские ханства. Сочинения. Т. 2 (1). Москва, 1963. 268-б.; Bregel Yu. The Sarts in the Khanate of Khiva // Journal of Asian History. Vol. 12. №. 2. Wiesbaden, 1978. P. 123.

³ История Узбекистана. (XVI — первая половина XIX в.). Т. III. Ташкент, 1993, 476-б.; История Узбекистана (XVI — первая половина XIX в.) Т. 4. Ташкент: Фан АН РУз, 2012. 775-б.; Хорезм в истории государственности Узбекистана. Ташкент, 2013. 336-б.

«Фирдавс ул-иқбол» сингари маҳаллий манбалардаги маълумотлар асосида Хива хонлиги ташкил топиш жараёнининг жонли манзараси кўрсатиб берилди. Ҳусусан, манбаларнинг гувоҳлик беришича, мазкур тарихий жараёнларнинг бош ҳаракатлантирувчи кучи маҳаллий аристократия бошчилигидаги ўтроқ аҳоли бўлган. Жумладан, «Шажараи турк»да келтирилишича, 1510 йилда Хоразм ерларини ўз ҳукмронлигига киритган Эрон Сафавийларидан озод қилиш ва мустақил давлат тузиш учун бошланган ҳаракатнинг асосий ташаббускори Вазир шаҳрининг қозиси «Умар отлиқ ақли ва олим қори киши» бўлган. Абулғози-хоннинг маълумот беришича, Умар қозининг даъвати билан шиа мазҳабининг тарғиботчиси бўлмиш Исмоил шоҳга қарши ҳаракат бошланган. Бу ҳаракатнинг ташаббускорларидан яна бири бўлган Боқирғондаги Сайд Ота наслидан Сайд Ҳисомиддин қаттолнинг тавсиясига кўра, Элбарс билан иниси Билбарс Дашиб Қипчоқдан Хоразмга таклиф этилган. «Шажараи турк»да баён қилинишича, Вазир аҳолиси шаҳардаги қизилбош қўшинини бартараф этгандан сўнггина, шаҳар ташқарисида кутиб турган Элбарс сultonни таклиф этишади ва «улуг тўй қилиб ... [уни] хон кўтаришади»⁴.

Хива хонлиги ака-ука Элбарс ва Билбарс томонидан ташкил этилганлигини қайд этган М. Абусеитова ҳам, улар маҳаллий сўфий шайхларининг таклифига кўра, кўчманчи ўзбекларнинг кичик бир гуруҳи билан Хоразмга кириб келганлигини таъкидлайди⁵.

Элбарсхон вақт ўтиши билан Дашибда қолган ўз қариндошларини Хоразмга таклиф этиш учун бекларга маслаҳат солғанлиги унинг кейинги жараёнларда ҳам маҳаллий амалдорлар билан келишиб иш тутганлигини кўрсатади. «Шажараи турк»да қайд этилишича, «бир кун Элбарсхон бекларин чақириб айтибдур: бир оз эл бирлан мунда келдук. Элимизнинг кўпи қариндошларимиз қатида қолди. Эмди сизларга ўҳшаса [маъқул келса], қариндошларимизни чақирсан деймиз» дега, маслаҳат солган⁶.

Кўриниб туриблики, Хоразмдаги Эрон қўшинларига қарши жанг қилиб, уларни аввал Вазир, сўнг Урганч ва бошқа шаҳарлардан чиқиб кетишини таъминлашда, бу билан мустақил давлат тузиш учун керакли шароитни яратишда маҳаллий аҳоли ва уларнинг бошлиқлари алоҳида роль ўйнаган. Чингизхон ўғли Жўчи авлодидан бўлган Арабшоҳийлар/Шайбонийлар сулоласи вакили Элбарсхоннинг Хоразм тахтига таклиф этилишини эса, ҳокимиятнинг легитимлигини таъминлашдаги муҳим сиёсий тадбир эди, деб изоҳлаш мумкин. Шу жиҳатдан, Мовароуннаҳр, Хоразм ва Хурросон ерларини ҳарбий йўл билан қўлга киритган Муҳаммад Шайбонийхондан фарқли ўлароқ, Дашиб Қипчоқдаги

⁴ Абулғозий. Шажараи турк / Нашрга тайёрловчилар К. Муниров, К. Маҳмудов. Тошкент, 1992, 121-б.

⁵ История Казахстана и Центральной Азии. Учебное пособие / Абусеитова М.Х. и др. Алматы: Дайк-Пресс, 2011. 288-б.

⁶ Абулғозий. Шажараи турк 123-б.

кўчманчи уруғларнинг 1511 йилда Хоразмга кириб келишини истилочилик ҳаракати эмас, балки маҳаллий аристократия ва аҳолининг розилиги билан уюштирилган ижтимоий-сиёсий воқеа сифатида талқин қилиш мумкин.

Шу ўринда, кўрсатиб ўтиш жоизки, Мовароуннаҳр, жумладан Бухородагидан фарқли ўлароқ, Арабшоҳий Шайбонийларининг Хоразмга кириб келиши қурол кучи билан эмас, маҳаллий элита ташабbusи билан амалга оширилганлиги тўғрисидаги фикр У. Абдурасулов томонидан ҳам илгари сурилган. Унинг қайд этишича, маҳаллий элитанинг кўллаб-кувватлаши, аниқроғи ташабbusи билан Хоразмда ҳокимият тепасига келган янги сулола вакиллари «жанубда Сафавийлар ва шарқда Шайбонийлар [Бухоро Шайбонийлари]нинг истилочилик ҳаракатига нисбатан ўз ўрнида қўйилган муқобил сифатида қўрилган эди»⁷.

Шу билан бирга, масаланинг моҳиятини фақаттина ташқи омиллар билан боғлаш кифоя эмаслигини қайд этган ҳолда, унинг ички жиҳатларига ҳам эътибор бериш лозим. Хусусан, Арабшоҳийлар сулоласи вакилларининг Хоразм таҳтига таклиф этилиши Эрон Сафавийлари ва Мовароуннаҳр Шайбонийларининг истилочилик сиёсатига нисбатан муқобил ҳаракат сифатидагина қаралмасдан, бу тадбир асосан, мамлакат аҳолиси, айниқса юқори табақа вакиллари орасида ҳукмдор ҳокимиятини мустаҳкамлаш, унинг қонунийлиги ва давомийлигини таъминлаш билан боғлиқ бўлганлигини кўрсатиб ўтиш зарур.

«Шажараи турк»да қайд этилишича, Вазир акобирлари дастлаб, Сайид Ҳисомиддин қаттолга бориб, «сизни подшоҳ қиласи, тақи қизилбошни қирали», деб мурожаат қилишган. Масалани кенгроқ мушоҳада қилган Сайид Ҳисомиддин қаттол бу таклифни рад этган эди. Ҳокимиятнинг легитимлиги унинг давомийлиги ва мустаҳкамлигини таъминлашда муҳим аҳамиятта эга эканлигини яхши тушунган бу зот «менинг подшоҳлигимни халқ букун қабул қиласалар ҳам, сўнг қойил қолмаслар [кейинчалик тан олмаслар], ... мен бир асл яхши подшоҳ топиб берайин», деган фикр билан Элбарс сultonни хон қилиш таклифини ўртага қўйган эди⁸. Шу тариқа, Хива хонлигининг ташкил топишидек муҳим жараёнда Хоразм ва Даҳти Қипчоқ халқлари ҳамда юқори табақа вакилларининг ўзаро ҳамкорлиги ёрқин манзараларда намоён бўлади. Шу ўринда икки ҳудуд муносабатларининг ҳарактерини, унинг муҳим хусусиятларини белгилашда катта таъсирга эга бўлган ички ва ташқи омилларни кўрсатиб ўтиш мумкин.

Сулолавий курашлар, ҳокимиятнинг тез-тез алмашинуви, халқ чиқишлиари — булар ўрта асрлар жамиятига хос ҳолат бўлиб, айнан улар бир-бирига қўшни бўлган давлатлар ўртасидаги муносабатларни мустаҳкамлашни, ўз ўрнида ҳарбий-сиёсий иттифоқчилик алоқаларини йўлга қўйишни тақозо этган. Ана шундай сиёсий бекарорлик даврида бевосита Хива ва Қозоқ хонлари ўртасидаги дипломатик алоқалар «Шажараи турк» ва «Фирдавс ул-иқбол» асарларида хронологик жиҳатдан XVII аср биринчи чорагида тилга олинади.

⁷ Хорезм в истории государственности Узбекистана 150-б.

⁸ Абулғозий. Шажараи турк 121-б.

Хусусан, тарихчи Муниснинг кўрсатишича, Хива хони Исфандиёрхон (1623–1643)нинг юритган сиёсати туфайли унга мухолиф бўлиб қолган ўзбек уруғларининг турли ҳудудларга, шу жумладан қозоқлар олдига кетиб қолиш ҳоллари авж олган⁹. Хоннинг укаси, Абулғозихоннинг ўзи ҳам унинг тазиёки остида мамлакатдан чиқиб кетишга мажбур бўлган эди. Бу жараёнда у вақтингча Қозоқ хонлари, жумладан Эшимхон ҳузурида бўлган¹⁰. Абулғозихоннинг ўзи бу ҳақда: «Шариф Муҳаммад (укаси) Бухорога кетти. Мен қозоқга кетдим, Туркистонда Эшимхон қатинда уч ой турдим», деб маълум қилади¹¹.

«Шажараи турк»да келтирилишича, «Тошкентда бўлган қозоқнинг хони Турсунхон» Туркистонга келган вақтда Эшимхон унинг ҳузурига Абулғозихонни олиб борган. Хива султонини танишириар экан:

«... бу Ёдгорхоннинг ўғли Абулғози турур. Ҳеч қачон бизга келиб бу жамоатдин киши қўноқ бўлғони йўқ эди. Биздин борган кўп турур. Бу сизнинг хизматингизда бўлғани яхши», дея таъкидлаган¹².

Шундан сўнг, Абулғозихон Тошкентда Турсунхон ҳузурида яна икки йил яшаб қолган.

Келтирилган маълумотдан холоса қилиш мумкинки, Хива хонлари хонадонидан шу пайтга қадар ҳеч ким қозоқлар ҳудудига юборилмаган бўлса-да, у томондан Хоразмга келиб-кетувчилар кўп бўлган. Зеро, қозоқ султонлари ҳам Даشتдаги ўзаро ички курашларда Хива хонларининг қўллаб-кувватлашидан манфаатдор бўлишган.

Хива хони Шерғозихон даврида (1714–1728) унинг ҳарбий ютуқлари овозаси атрофга тарқалганда, қўшни ҳудуд ҳукмдорлари ва қабила бошлиқлари қаторида қозоқ сардорлари ўз элчиларини Хивага юборишган. «... Ул жумладин қазоқия тавоифидин Фўлод тўра ва Қабон бий ва Бароқ бий подшоҳлиқфа лойиқ пешкашлар била оstonбўслиқфа келдилар», деб таъкидланади «Фирдавс ул-иқболда»¹³.

Айниқса, Хивада сиёсий барқарорликни таъминлаб, хон ҳокимиятини мустаҳкамлашга муваффақ бўлган кўнғиротлар сулоласи ҳукмдорлари даврида уларнинг қозоқ жузларига таъсири катта бўлган. Жумладан Муҳаммад Раҳимхон I (1806–1825) кўп ҳолларда у ёки бу қозоқ султонлари ва хонларини қўллаб-кувватлаган ҳамда бунинг эвазига Сирдарё бўйидаги қозоқ овуллари Хивага солиқ тўлаб турган. «Фирдавс ул-иқбол»да кўрсатишича, хон билан муносабатларини янада мустаҳкамлашга интилган Кичик қозоқ жузи хонларидан Шерғозихон «қазоқ ашрофи била бир қизинким, ҳазрат аълоҳоқонға пешкаш келтуруб, итоат ва убудият маросимин тақдимға еткур»ган¹⁴.

⁹ Мунис ва Оғаҳий. Фирдавс ул-иқбол. Тошкент: Янги аср авлоди, 2010. 89-б.

¹⁰ Ўша манба, 90-б.

¹¹ Абулғозий. Шажараи турк 174-б.

¹² Ўша жойда.

¹³ Мунис ва Оғаҳий. Фирдавс ул-иқбол 98-б.

¹⁴ Ўша манба, 442-б.

Кўриб ўтилган ички омиллар билан бирга турли ташқи таъсирлар, хусусан, қўшни давлатларнинг истилочилик ва мустамлакачилик сиёсати Хива-Қозоқ алоқаларини мустаҳкамлашни тақозо этган омиллардан яна бири ҳисобланади.

XVIII асрнинг иккинчи чораги Хива хонлиги учун ҳам, қозоқ жузлари учун ҳам ички парокандалик ва сиёсий тарқоқлик, шу билан бирга қўшни давлатларнинг йирик истилочилик юришларига дучор бўлган даври ҳисобланади.

Жунфорлар хужуми ҳамда Россиянинг «Шарқ сиёсати» ва унинг Дашиб ҳудудидаги сиёсий-иқтисодий манфаатлари Қозоқ хонлигидаги вазиятни оғирлаштирган ташқи таъсирлар эди.

1723 йил Қозоғистон тарихига «Актабан шубрынды» («Великое бедствие»), яъни катта ҳалокат сифатида кирган эди. Ана шундай даврда қозоқлар турли шаҳарларда, жумладан Хоразм ерларида паноҳ топишган. Ч. Валихоновнинг қайд этишича, «қутурган жунфорлар»нинг қувгини оқибатида қозоқлар «хуркиган сайғоқлар подаси» сингари жанубга қочарди: Ўрта жуз Самарқанддан, Кичик жуз аҳолиси эса, Хива ва Бухородан паноҳ топган¹⁵.

Ана шундай шароитда Дашиб Қипчоқ ҳудуди, жумладан қозоқ жузлари ҳаётида Россия империяси фуқаролигини қабул қилиш масаласи пайдо бўлди. Натижада, бу давр Хива-Қозоқ муносабатларида рус ҳукуматининг аралашуви яққол кўзга ташланади. Бу масала Хива-Қозоқ алоқалари тарихининг катта бир қисмини ва муҳим йўналишини ташкил этгани боис, уни алоҳида тадқиқотда кўриб чиқиши лозим бўлади. Бу даврда Хива хонлигига таҳдид солган энг катта ташқи хавф сифатида эса, Эрон шоҳи Нодиршоҳнинг юришини кўрсатиб ўтиш мумкин. Айнан шу даврдан бошлаб, Хива хонлигидаги сиёсий инқизоруз куҷайиб, тарихда «хонбози» деб ном олган ҳолатни юзага келтирган эди.

Эрон ҳукмдори Нодиршоҳнинг Ўрта Осиё, жумладан Хива хонлигига юриши (1740) бу ерда марказий хон ҳокимиятининг инқизорини охирига етказган эди. Шу жиҳатдан, сиёсий майдонда катта нуфузга эга бўлган «оталиқ», «иноқ», «бий» сингари юқори лавозим эгалари, ҳарбий саркардалар марказий ҳокимиятни кўлга киритиш ҳамда ўзларининг сиёсий мавқенини тиклашга интилар эди. Шу ўринда эслатиб ўтиш жоизки, мӯгуллар истилосидан кейин Марказий Осиё ҳудудида давлатнинг олий ҳукмдори, асосан, Чингизийлар авлодига мансуб хонлар сулоласидан бўлиши лозим эди. Шунинг учун, Хоразмда бундай шахслар бўлмаган ҳолларда, хон ҳокимиятининг легитимлигини таъминлаш мақсадида Чингизхон авлодларига мансуб Қозоқ хонлари Хива таҳтига таклиф этилган. Чингизийлар авлодига мансуб шаҳзодалар бу даврда Эрон давлати ва Бухоро хонлигига ҳам мавжуд эди. Аммо, ўзаро сиёсий вазият ҳамда ижтимоий-иқтисодий ҳолатдан келиб чиқиб, Хоразм элитаси Хива хонлиги таҳтига номзодларни, асосан, Дашиб Қипчоқдан таклиф этишган.

¹⁵ Басин В.Я. Казахстан в системе внешней политики России в первой половине XVIII века // Казахстан в XV–XVIII вв. (Вопросы социально-политической истории) / Отв. ред. Б.С. Сулейменов. Алма-Ата, 1969. 74-б.

Кўғирчоқ хон сифатида Хива хонлиги таҳтига ўтқазилган қозоқ султонларининг тез-тез алмасиб туриш ҳолатини воқеалар замондоши бўлмиш Аbd ал-Карим Бухорий топқирлик билан «хонбози» («хон бўлиш ўйини») деб атаган эди¹⁶.

1819–1820 йилларда хонликда бўлган рус элчиси Н. Муравьев қозоқ султонларининг Хива таҳтига ўтқазилиши борасида нотўғри хulosага келган эди. Рус элчиси «илгарилари қирғиз-қайсоқ [қозоқ] хонлари хиваликларнинг заифлигидан фойдаланиб, уларга катта таъсир ўтказишган, шу боис ўрда [қозоқ жузи]дан одам чақириб, тобелик рамзи сифатида ўзларининг хони деб эълон қилиш расм бўлган эди» деб, маълумот беради¹⁷. Лекин, ўша даврнинг машҳур тарихчиси Н. Веселовский Н. Муравьевнинг фикрлари асоссиз эканлиги ҳамда қозоқ хонлари номигагина таҳтда ўтириб, маҳаллий аристократия вакиллари улардан хон ҳокимияти легитимлигини таъминлашдагина фойдаланишганлигини уқтиради¹⁸.

Н. Веселовский Хива таҳтидаги «қўғирчоқ хон»ларнинг ҳолати ва мавқеи масаласига тўхталар экан, «ворисийлик асосида эмас, бошқа ҳалқлардан сайланган хонлар, табиийки сайловчи шахсларга маълум даражада қарам бўлиши керак эди», деб таъкидлайди¹⁹.

Рус асири Яков Петровнинг хотиралари «қўғирчоқ хон»ларнинг амалдаги мавқеи ва ҳолати ҳақида аниқроқ тасаввур ҳосил қилишга ёрдам беради:

... барча ишларни Аваз иноқ бошқаради, қандайдир қорақалпоқ [қирғиз-қайсоқ/қозоқ] эса хон деб ҳисобланар эди. У фақаттана хон номига эга холос, бошқарувга эса аралаштиришмайди. Фақат «ўлим жазоси»ни тасдиқлашдагина унинг иштироки керак. Бундай ҳолларда Аваз иноқ унга мулоzамат билан «хон ҳазратлари» деб мурожаат этади ва масалани баён қиласи. Бу қорақалпоқ [қирғиз-қайсоқ/қозоқ] эса, «ўзларингта ҳавола биродарлар» дея, қўл силтаб қўяди²⁰.

Албатта, бундай сохта мулоzамат ва хоннинг «давлат ишларидаги иштироки» ҳалқнинг кўз ўнгидаги ҳокимият қонунийлигини таъминлаш ҳамда уларни хотиржам қилиш учун керак эди. Н. Веселовский таъкидлаганидек, шу боис ҳам хон йилда уч маротаба ҳалқ олдига кўринишга олиб чиқилган ва гарчи

¹⁶ Абдурасулов У. От Арабшахидов к Кунградам: динамика и политический ландшафт Хорезма в период правлений двух династий // O'zbekiston tarixi, 2013. № 2. 21–22-б.

¹⁷ Путешествие в Туркмению и Хиву в 1819 и 1820 гг. гвардейского Генерального Штаба капитана Николая Муравьева, посланного в сии страны для переговоров. Москва, 1822. Ч. II. 44–45-б.; Веселовский Н.И. Очерк историко-географических сведений о Хивинском ханстве от древнейших времен до настоящего. С-Пб., 1877. 269-б.

¹⁸ Веселовский Н.И. Очерк историко-географических сведений о Хивинском ханстве 269-б.

¹⁹ Ўша манба, 212-б.

²⁰ Ўша манба, 245-б.

сохта бўлса-да, лозим бўлган эҳтиром кўрсатилган. Барча муҳим ишлар хоннинг муҳрисиз амалга оширилиши мумкин эмас эди, айниқса, «ўлим жазоси»-ни тайинлашда хоннинг тасдиги зарур бўлган. Расмий қайдномаларга таянган муалифнинг кўрсатишича, «барча фармон ва ҳукмлар хон номидан чиқарилишига қарамай, унинг ўзи бу ҳақда ҳеч нарса билмас эди»²¹.

Яков Петров ҳеч нарсадан бехабар ва давлат ишларига бефарқ бўлган хоннинг «беташвиш» ҳаёти ҳақида яна шуларни маълум қилган:

... у шаҳар ташқарисидаги ўзига белгиланган ва маҳсус қоровул тайинланган уйда яшайди ва ундан ташқарига чиқа олмайди. Бу одам ёш бўлиб, ҳеч қандай юмушсиз ҳовлида болалар билан ўйнаб юради. Унинг бир нафар хотини бор эди, кейин бошқасини хоҳлаган эди, уни олиб беришиди. [Юртда] бадавлат кишилар тўй қилишса, уни ҳам таклиф этишади. Шунда унга ҳашаматли парчали либос кийдиришиб, отга ўтқазишади ва маросим билан шаҳар бўйлаб олиб ўтишади. Зиёфатда ярим соатча ўтиргач, уни ортига қайтаришиб, яна қамаб қўйишади²².

«Фирдавс ул-иқбол»да келтирилган маълумотлар ҳам қозоқ хонларининг аҳволи ҳақида атрофлича тасаввур ҳосил қиласди. Гарчи, давлатни мустақил равишда бошқаришга интилган бўлса-да, бунга эриша олмаган Фойибхоннинг ҳукмронлик даври (1746–1756) ҳақида:

анинг замонида ... мулкнинг ҳаллу ақди [давлат бошқаруви] Хўрзекнинг қабзаи иқтидор ва сарпанҷай ихтиёрида эрди. Ва Фойибхонда маҳзи отдин бошқа нима йўқ эрди. Бу жиҳатдин хон баоят саргардон эрди, дея таърифланади манбада²³.

Қайд этиш лозимки, маҳаллий аристократиянинг ҳар қайси гуруҳи ўзларига ён босадиган «қўғирчоқ хон»ларни таҳтга ўтқазишга ҳаракат қилиши оқибатида ички курашлар авж олиб кетган эди. Бу курашлар XVIII аср 70-йилларида янги Қўнғиротлар сулоласи томонидан ҳокимиятнинг эгалланишига қадар давом этди. XIX аср бошларида марказий ҳокимиятнинг мустаҳкамланиши Хива-Қозоқ алоқаларининг ҳам янги босқичга ўтишига сабаб бўлдики, бу масала алоҳида талқиқотни талаб этади.

Юқорида келтирилган маълумотлар асосида хулоса қилиб кўрсатиш мумкинки, Хива хонлигининг ташкил топиш жараёнида маҳаллий ўтроқ аҳоли ва аристократия вакиллари бош ролни ўйнаган. Даشت лидерлари ушбу жараёнда фаол иштирок этиб, ҳокимиятнинг легитимлигини таъминлашда муҳим ўрин тутган. Даشتни Қипчоқдан кўчманчи уруғларнинг Хоразмга кириб келишини истилочи-

²¹ Веселовский Н.И. Очерк историко-географических сведений о Хивинском ханстве 248-б.

²² Ўша манба, 246-б.

²³ Мунис ва Оғаҳий. Фирдавс ул-иқбол 105-б.

лик ҳаракати эмас, балки маҳаллий аҳоли билан ҳамкорликда содир бўлган сиёсий жараён сифатида баҳолаш мумкин. Хива хонлиги ва қўшни Даشت халқлари тарихини ўзаро алоқадорликда ўрганиш давлатчилик масалаларини чукурроқ тушуниб етишга хизмат қилади. Хива-Қозоқ алоқалари Марказий Осиё минтақасидаги сиёсий, ижтимоий-иктисодий вазиятга катта таъсир кўрсатган. Икки ҳудуд муносабатлари асосан «ўзаро манфаатли муносабатлар» кўринишида намоён бўлган. Шунингдек, Хива-Қозоқ муносабатларининг ҳолатига таъсир кўрсатган асосий омиллар сифатида ички сиёсий воқеалар (марказий ҳокимият учун ўзаро курашлар, халқ чиқишилари) ва ташқи таъсирлар (қўшни давлатларнинг истилочилик ҳаракатлари) ҳамда табиий-икълимий ўзгаришларни қайд этиш мумкин.

N. ALLAEVA

ХИВА ХОНЛИГИНИНГ ДАШТИ ҚИПЧОҚ БИЛАН ЎЗАРО АЛОҚАЛАРИ ТАРИХИНИНГ АЙРИМ ЖИҲАТЛАРИ

Мақола 1511 йилда ташкил топган Хива хонлигининг Даشتி Қипчоқ халқлари, жумладан кўчманчи ўзбек уруғларининг бошликлари ҳамда XVII–XVIII асрларда қозоқ жузлари билан ўзаро алоқалари тарихини ёритишга багишланган. Унда «Хива хонлигининг ташкил топишида Даشت лидерларининг иштироки» (XVI аср бошлари) ҳамда «Қозоқ хонларидан Хива таҳтига ўтқазилган қўғирчоқ ҳукмдорлар: «хонбози» ҳолати» (XVIII асрнинг иккинчи чораги – XIX аср бошлари) масалалари таҳлил этилган.

Калим сўзлар: Хива хонлиги, Даشتி Қипчоқ, қозоқ жузлари, қўғирчоқ хонлар, хонбози, хон бўлиш ўйини, Хива-Қозоқ алоқалари.

N. ALLAEVA

НЕКОТОРЫЕ АСПЕКТЫ ИСТОРИИ ВЗАИМООТНОШЕНИЙ ХИВИНСКОГО ХАНСТВА С ДАШТИ КИПЧАКОМ

В статье раскрываются взаимосвязь Хивинского ханства, образовавшегося в 1511 г., с Даشت-и Кипчаком и его отношения с Казахскими джузами в XVII–XVIII вв. Проанализированы вопросы участия Даشت-и Кипчакских лидеров в формировании Хивинского ханства (начало XVI в.), а также период «марионеточных» Казахских ханов на троне Хивинского ханства: «ханбази» — игра в ханы.

N. ALLAEVA

SOME ASPECTS OF THE HISTORY OF INTERRELATIONS BETWEEN THE KHIVAN KHANATE AND DASHT-I QIPCHAQ

The paper illuminates the interrelations of the Khanate of Khiva, which was established in 1511, with Dasht-i Qipchaq and the Kazakh Hordes in 17–18th centuries. It analyzes the question of participation of Dasht-i Qipchaq's leaders in the process of establishment of the Khivan Khanate (beginning of the 16th century) and the period of «puppet» Kazakh khans in the throne of Khiva: «khanbazi» — a game of being khan (the end quarter of the 18th century — the beginning of the 19th century).

III. ХЎЖАЕВА

РОССИЯ ИМПЕРИЯСИННИГ ОСИЁ ДЕПАРТАМЕНТИ МАХФИЙ ТОПШИРИҚЛАРИ ТАРИХИДАН: П.И. ДЕМЕЗОННИНГ БУХОРО АМИРЛИГИГА «САЁХАТИ»

XIX асрнинг биринчи ярмига келиб, Ўрта Осиёдаги иқтисодий, ижтимоий-сийесий вазият Россия империяси учун нафақат Бухоро амирлиги, балки бутун Ўрта Осиё ҳудуди ҳақида батафсил маълумотлар тўплаш мақсадида турли рус олимлари, сайдёнлар, савдогарлар, ҳарбийлар ва ҳатто асиrlар хизматидан фойдаланишга катта имкон яратган эди. Бунда Россия империясининг асосий мақсади Ўрта Осиёда ўз ҳукмронлигини ўрнатиш ва минтақадаги ўз мавқеини мустаҳкамлашга қаратилган эди.

Жумладан, рус шарқшунос олимларидан бири Петр Иванович Демезоннинг Бухоро амирлигига 1833 йилда уюштирилган «саёхати» юқоридаги мулоҳазаларга мисол бўла олади. Россия ҳукумати П.И. Демезонни ҳар томонлама муҳофаза қилиш учун унга «Мирзо Жаъфар» исмини бериб, уни Бухоро амирлигига татар мулласи қиёфасида юборган. Унинг мусулмон мулласи сифатида танилиши, шарқ тилини ҳамда шарқона урф-одатларни билиши унга юқлатилган маҳсус топшириқларни бажаришда жуда кўл келган. Шу боисдан, П.И. Демезон ўз кундалигига «агар мени мусулмон мулласи сифатида танишмаганида, мен қўп нарсани билмас эдим», — деб ёзган эди¹. Мирзо Жаъфар Бухоро амирлигидаги энг йирик масжид ва мадрасаларга ташриф буюриб, у ердаги талабаларнинг турли мавзулардаги баҳс-мунозараларида иштирок этган ҳамда замонасининг илфор фикрли зиёлилари билан танишган.

1833 йил 11 ноябрда Россиянинг Орск шаҳридан рус савдогарларининг куз мавсумидаги охирги савдо карвони билан татар мулласи қиёфасида Мирзо Жаъфар ҳам йўлга чиққан. Бу савдо карвонининг карвонбошиси бухоролик Ниёз Муҳаммад бўлиб, унинг йўлбошловчиси тажрибали қозоқ Алмат бўлган. Мазкур савдо карвони Бухоро амирлигига салкам 45 кун деганда, яъни 1833 йилнинг 26 декабрида етиб борган². П.И. Демезон карвон йўлларида юрганидаёт ҳар бир ҳудудлардаги ер майдонлари, карвон йўлларидағи сув қудуқларининг жойлашган ўрни, ўрмон ёки бутазорлар, дарёларни айланиб ўтиш йўллари, дашт ҳудудида яшайдиган маҳаллий халқлар ҳақида жуда муҳим ҳарбий-стратегик маълумотларни ҳам тўплаган.

1834 йил январь ойида Масжиди Калонга кириб келиб, ўзини татар мулласи Мирзо Жаъфар деб таништирган 30 ёшлардаги П.И. Демезон тожик тилида ва ўзбек тилининг татар шевасида бемалол сўзлаша олган. Унинг ўзини тутишидан гўёки бой зодагон оиласига мансублиги ва асл насаби ашрофлардан экани

¹ ЎзР МДА, Р-2681-фонд, 1-рўйхат, 60-ийғмажилд, 8-вараг.

² В еселовский Н.И. История Имперского Русского Археологического общества за первые 50 лет его существования. 1846–1896. С-Пб., 1900. 24-6.

яққол кўриниб турган. Тез орада Россиядан бир татар мулла келгани бутун Бухоро шаҳри бўйлаб овоза бўлиб кетган. Сўнгра бухороликлар уни масжид ва мадрасаларда, тим ва тоқ каби йирик бозорларда, китоб расталари, шаҳарликларнинг турли тадбирларида кўрадиган бўлишган.

Шу ўринда Мирзо Жаъфар номи билан Бухорога келган рус сайди, олимининг шахси ҳақида тўхталиб ўтиш ўринлиди.

П.И. Демезон 1807 йили Сардиния қироллигидаги Шамбери³ шаҳрида шифокор оиласида туғилган. Унинг Россия давлатига қандай келиб қолганлиги ҳақидаги маълумотлар ўрганилган архив хужжатлари ичida топилмади. 1824 йили П.И. Демезон олий маълумот олиш учун Россия халқ маорифи министри фармойиши билан давлат ҳисобидан ўқитиладиган талаба сифатида Қозон университетига ўқишига қабул қилинган⁴. Олий ўқув юртини тамомлаши билан Петр Иванович машҳур шарқшунос олим Г.М. Влангалидан шарқ тилларини ўрганиш учун Россиянинг йирик шаҳарларидан бири бўлган Санкт-Петербург университетига мустақил изланувчи илмий тадқиқотчи сифатида юборилган. Санкт-Петербург университетида П.И. Демезон шарқ тилларидан ташқари бошқа турли дунёвий фанлар бўйича ўқиладиган маърузаларда ҳам фаол иштирок этган.

1829 йилнинг 1 апрелидан П.И. Демезон ўзининг педагогик фаолиятини Қозон университетида шарқ тилларидан талabalарга маърузалар ўқишидан бошлаган. Петр Иванович педагогик фаолияти билан бирга шарқ тиллари бўйича илмий изланишлар ҳам олиб борган. Шу боисдан, П.И. Демезон Қозон университетида шарқ адабиётидан оғзаки ва ёзма имтиҳонларни аъло баҳоларга топшириб, 1831 йил 20 февралда шарқ тиллари бўйича филология фанлари номзоди илмий унвонини олишга муваффақ бўлган.

П.И. Демезон 1831 йилнинг 26 февралидан Россия Халқ маорифи вазирининг руҳсати билан олти йиллик муддатга Оренбургдаги Н.И. Неплюев кадет корпусига (ҳарбий билим юртига) давлат ҳисобидан ўқитиладиган талabalарга араб ва форс тилларидан дарс бериш ва тарбиячи сифатида хизмат мажбуриятини бажариш учун юборилган.

Оренбург шаҳрида талabalарга мураббийлик қилиши билан бирга П.И. Демезон 1831 йилнинг 4 сентябридан Оренбург чегара комиссиясида шарқ тилларидан таржимонлик фаолиятини ҳам бошлаган⁵. Ўз илмий фаолияти давомида шарқ тиллари, Ўрта Осиё халқларининг урф-одатлари ҳамда мусулмон этикети бўйича билимларини бойитиб бориши П.И. Демезонга Ўрта Осиёдаги тарихий воқеаларни тўғри тушуниши ва таҳлил этишида жуда катта ёрдам берган.

³ Сардиния қироллиги ҳудудига киритилган Шамбери шаҳри Франция давлатининг жануби-шарқий қисмида жойлашган бўлиб, 1798 йилдан 1814 йилгача Франция давлатидаги Наполеон Бонапарт тузган империя таркибида бўлган — Ш.Х.

⁴ Оренбург вилояти давлат архиви. Р-6-фонд, 7-рўйхат, 778-ийғмажилд, 1-2-варақ. (Россия Федерациясида сақланаётган архив маълумотлари илмий маслаҳатчи, профессор Ш. Воҳидов томонидан тақдим этилган — Ш.Х.).

⁵ Веселовский Н.И. История Имперского Русского 23—26-б.

Бу борада Россия давлати Ташқи ишлар вазирлиги архивида сақланаётган архив ҳужжатлари қимматли маълумотларни беради⁶.

Ушбу ҳужжатлар жамланмаси Оренбург ҳарбий губернатори В. А. Перовскийнинг 1833 йил 26 сентябрда Осиё ташқи ишлар департаменти директори К.К. Родофиникинга ёзган мактубидан бошланган.

Мазкур мактубда «Бу ўлканинг чегара ортидаги савдо-сотиқ алоқаларининг ахволи, қўшни давлат халқлари билан ўзаро муносабатлар, божхоналар фаолияти ҳамда Ўрта Осиёнинг барча вилоятларида содир бўлаётган воқеалар ҳақида аниқ ва батафсил маълумотлар» тўплаш зарурлиги алоҳида қайд этилган. Шунингдек, В.А. Перовский Ўрта Осиё бозорларида Ҳиндистон ва Афғонистондан келтирилган инглиз савдо моллари кўпайиб бораётганидан ташвишланаётган эди. Шунинг учун ҳам ҳарбий губернатор элчилар ҳукумат томонидан эмас, балки маҳаллий бошқарма томонидан юборилса ҳар доим қониқарсиз бўлган, осиёликлардан олинган маълумотларнинг узоқ ушланиб қолишининг олди оли нар ҳамда турли тушунмовчиликларга барҳам берилиши мумкин бўларди деб ҳисоблаган.

П.И. Демезонга Оренбург ҳарбий губернатори В.А. Перовскийнинг мактубини Бухоро амири Бош вазири, яъни қўшбегининг шахсан ўзига топшириш вазифаси ҳам юклатилган. Шу мактуб орқали россиялик Мирзо Жаъфар Бухоро амирининг Бош вазири билан учрашиш имкониятига эга бўлган. Ушбу мактубда В.А. Перовский Бухоро ва Россия ўргасидаги ўзаро муносабатларни ва савдо-иқтисодий алоқаларни ривожлантиришдаги барча тўсиқларни бартараф этиш чораларини кўриши баён этилган. Шу билан бирга Мирзо Жаъфар орқали Бош вазир — қўшбегининг шахсан ўзи учун ҳарбий губернаторнинг алоҳида эслалик совғалари ҳам бериб юборилган⁷.

Бухоро амирлигига Мирзо Жаъфар олти ой саёҳатда бўлиб, ўзига юклатилган вазифаларнинг деярли барчасини бажаришга ҳаракат қилган. Жумладан, бир неча бор Бухоро амирининг қўшбегиси, шайхулислом ҳамда йирик амалдорлари билан учрашиб суҳбатлашган ва яқиндан танишган. Амирликнинг ички ва ташқи савдо-иқтисодий алоқалари, ҳарбий кучлари, шаҳар ва қишлоқ аҳолисининг ижтимоий турмуш тарзи ҳақида ҳам тарихий фактлар асосида қизиқарли маълумотлар тўплаган.

Оренбург ҳарбий губернатори В.А. Перовский томонидан П.И. Демезонга Бухоро амирлигидаги «саёҳати» даврида амал қилиши лозим бўлган 25 та бўлимдан иборат расмий кўрсатма берилган. Бироқ, ушбу мақолада мазкур масалага оид архив ҳужжатларидан олинган олтига кўрсатма ҳақида батафсил маълумотлар келтирилади.

Жумладан, биринчи кўрсатма Бухоро амирлигининг умумий ахволини аниқлашга қаратилган бўлиб, унда:

⁶ Россия Ташқи ишлар вазирлиги архиви. (Дело об отправлении переводчика Оренбургской пограничной комиссии П.И. Демезона в Бухару, 1834). Ҳужжат № 1, 26-варақ.

⁷ Оренбург вилояти давлат архиви, Р-6-фонд, 7-рўйхат, 778-йигмажилд, 11-варақ.

а) бухороликларнинг Россия империясида жойлашиш тартиби, амирлик давлатининг ўзига хос жиҳатлари ҳамда улар норозиликлари сабабларини аниқлаш;

б) Бухоро давлати бошқарувида иштирок этган шахсларни ва катта таъсир кучига эга бўлган мансабдорларни билиб олиш;

в) пахта ва ипак хомашёларини ишлаб чиқаришни ривожлантириш қай даражада кучайтирилганлигини аниқлаш каби тавсиялар берилган⁸.

Иккинчи кўрсатма Бухоро амирлигининг айрим қўйини давлатлар билан савдо муносабатларига таалуқли бўлиб, унда:

а) Бухоро амирлигининг Шарқий Туркистон, Кўқон хонлиги, Афғонистон, Бадаҳшон ўлкаси (Тожикистон) ва Эрон давлатлари билан олиб борган савдо алоқаларини;

б) Оренбург ҳукуматини қизиқтирган, амирликнинг қирғизлар билан турли савдо молларини айирбошлиши ҳар икки томон учун ҳам фойдали бўлган ёки бўлмаганлигини;

в) Россия-Бухоро савдо алоқаларида нима учун бухоролик савдогарлар металдан ясалган буюмларни эмас, балки металнинг ўзини кўпроқ олиб кетаётганлигини ўрганиш;

г) Россиядан олиб кетилаётган савдо моллари турини кенгайтириш имкониятлари мавжудлигини аниқлаш зарур бўлган.

Учинчи кўрсатма Оренбург ҳарбий бошқармаси учун алоҳида аҳамиятга эга бўлган Бухоро амирлигининг Буюк Британия билан ўзаро муносабатларига тегишили бўлиб, унда:

а) амирлик аҳолисининг инглизлар ва Ост Индия компанияси ҳақидаги фикрларини билишга;

б) Бухорода бўлган инглизлар хатти-ҳаракатлари таъсири нималардан иборатлигига;

в) Бухорога бир йил мобайнида инглиз моллари ва Эрон, у орқали Туркия давлатларидан қанча миқдорда савдо моллари келтирилганлигига;

г) келтирилган турли савдо молларининг сифати қандайлиги, қандай нархларда сотилганлиги ҳамда бу молларнинг ҳаммаси сотиб олинган ёки олинмаганлиги ҳақида тўлиқ маълумотлар тўплашга алоҳида эътибор қаратилган.

Тўртинчи кўрсатма Хива хонлигининг сиёсий-ижтимоий аҳволини ўрганишга қаратилган бўлиб, унда:

а) хивалик савдогарлардан кўчманчи қозоқлар олган маълумотта кўра, Амударё ўз оқимини ўзгартириб Каспий дengизига қуйилаётганлиги;

б) Хивада ўтган ёз ойидаги сув тошқини туфайли Амударё ўз оқимини ўзгартирганлиги ва бу талофат сабабли буғдой экилган майдонлар катта зарар кўрганлиги;

⁸ ЎзР МДА, Р-2681-фонд, 1-рўйхат, 60-йигмажилд, 4-варақ.

в) қозоқлар маълумотига кўра, Хивада қимматчилик, нон танқислиги ва очарчилик туфайли ўтган қиши ойида маҳаллий аҳоли шаҳарни тарқ этганилиги ҳамда аҳоли сони кескин камайиб кетганилиги;

г) Хива хонлигининг бу табиий оғатни бартараф этишдаги ожизлиги сабаблари кўрсатиб берилиши;

д) Эрон шоҳи Аббос Мирзо Хива хонлигидаги вазиятни инобатга олган ҳолда хиваликларни жазолаш ҳақидаги фармонини бекор қилгани ҳақидаги мишишларнинг тўғри ёки нотўғрилигини аниқлашга алоҳида эътибор қаратилган⁹.

Бешинчи кўрсатма Сирдарё бўйи аҳолисининг иқтисодий ҳолатини ўрганишига қаратилган бўлиб, унда:

а) 1830 йилнинг бошиданоқ, Оренбург ҳарбий бошқармаси томонидан бу туманлар ўрганила бошлаганлиги;

б) иқтисодий ўзгаришлар ва маҳаллий кўчманчи қозоқ аҳолисининг Кўқон феодаллари жабр-зулмидан озод этилиши;

в) келажакда Сирдарё бўйи туманларида рус аҳолиси учун уй-жойлар куриш режаси тузиб қўйилганлиги ҳақида маълумотлар тўплаш зарур бўлган.

Олтинчи кўрсатма Сирдарё бўйидаги кўчманчи аҳолининг ҳаётни ва рус асиirlари ҳақида маълумотлар тўплашга қаратилган бўлиб, унда:

а) кўчманчи аҳоли ўз савдо моллари ва ғалла маҳсулотларини қаерда айирбошлишини;

б) кўчманчи қозоқ аҳолисига Хива хонлигининг тинимсиз жабр-зулм қилиши ва улар аҳволини янада оғирлаштиргани;

в) кўчманчи қозоқларнинг Россия империясига яқин ҳудудларда кўчманчилик билан ҳаёт кечиришга розилигини;

г) Сирдарё бўйларида пахта ва бугдой экинларини етиштириш мумкинлиги ва уларни суфориш учун Сирдарёдан тармоқли каналлар чиқариш имконияти бор ёки йўқлигини аниқлаш ҳамда улар билан мулоқотда жуда эҳтиёт бўлиш тавсия этилган¹⁰.

Шу боисдан ушбу кўрсатмада, П.И. Демезон томонидан Сирдарё бўйи туманлари ривожланишидаги иқтисодий имкониятларнинг ҳар томонлама кенг ўрганилиши Россия империясининг Қозоғистоннинг бу ҳудудида ҳам рус аҳолиси жойлашишига қуляй шарт-шароит яратишга интилаётганилигидан далолат берган.

Мирзо Жаъфар ўзига юклатилган расмий кўрсатмаларни амалда муваффақиятли бажариб, 1834 йил июнь ойи охирида Бухоро сафаридан Оренбург

⁹ ЎзР МДА, Р-2681-фонд, 1-рўйхат, 60-ийғмажилд, 5-варақ.

¹⁰ Ўша манба, 6-варақ.

шахрига қайтиб келган. П.И. Демезон Бухорога саёҳати даврида ўз даври учун ўта муҳим бўлган турли сиёсий ахборот, амирликнинг ички ва ташқи сиёсати ҳақидаги бой маълумотлар ҳамда ҳарбий-стратегик жиҳатлардан зарур бўлган хабарларни тўплаб департаментга етказади. Унинг миссияси муваффақиятли якун топганидан хабар топган В.А.Перовский дарҳол Осиё департаменти раҳбари К.К. Родофиникинга мактуб йўллаб, унда рус сайёҳи ўзига юқлатилган маҳфий топшириқни муваффақиятли бажаргани учун уни орден ва пул мукофоти билан муносиб тақдирлаш лозимлигини ёзиб юборган¹¹. Оренбург ҳарбий губернатори тавсияси билан К.К. Родофиникин Россия императори Николай I га рус сайёҳи П.И. Демезонни мукофотлаш ҳақидаги илтимоснома билан мурожаат этган. Россия императори ушбу илтимосни инобатга олиб, Петр Ивановичи III даражали Анна ордени ва уч минг рубль кумуш ва қофоз пул билан мукофотланишига руҳсат берган¹².

Мирзо Жаъфарнинг Бухоро амирлиги ҳақидаги ойлик расмий ҳисоботлари ва саёҳат тафсилотлари баён этилган кундаликлари йирик мемуар асар ҳисобланади. Чунки П.И. Демезон тўплаган маълумотлар Бухоро амирлиги ҳаётининг барча жабҳаларини қамраб олган. Жумладан, Бухоро амирлигининг ижтимоий-сиёсий тизими, ҳарбий қўшини, ички ва ташқи савдо алоқалари, бозорлар, карвонсаройлар, аҳолиси таркиби, майший турмуш тарзи, урф-одатлари, уйжойлари, мадрасалар, мачитлар, диний уламолари ҳақидаги маълумотлар аниқ фактларга асослангандир.

П.И. Демезон Оренбург шаҳридаги олти йиллик хизмат вазифасини бажариб бўлгач, 1836 йилнинг баҳоридан Петербург шаҳрига юборилган. Шу йилнинг 18 апрелидан П.И. Демезон Россия Ташқи ишлар вазирлигининг Осиё департаменти таркибидаги шарқ тиллари ўкув бўлимига профессор унвонида ишга жалб қилиниб, талабаларга форс ва турк тилларида машғулотлар олиб борган¹³.

П.И. Демезоннинг илмий ишлари унинг дипломатик фаолияти билан чамбарчас боғлиқ бўлган. У 1840–1841 йиллари рус миссияси таркибida Эрон давлати пойттахи Техрон шаҳрида бўлиб, Эрон шоҳи томонидан иккинчи даражали Қўёш ва Шер ордени билан тақдирланган. 1841 йилнинг декабрь ойида Осиё департаментида юқори дипломатик лавозим — «иккинчи драгоман», яъни «иккинчи таржимон»га тавсия этилиб тайинланган¹⁴.

¹¹ Оренбург вилояти давлат архиви, Р-6-фонд, 7-рўйхат, 187-йигмажилд, 1–2-варақлар.

¹² Россия Ташқи ишлар вазирлиги архиви. (Дело об отправлении переводчика Оренбургской пограничной комиссии П.И. Демезона в Бухару, 1834). Ҳужжат № 1, 120–варақ.

¹³ Веселовский Н.И. История имперского Русского... . 25-бет.

¹⁴ Ўша жойда, 26-б. Драгоман арабча сўз бўлиб, таржимон деган маънони англатган.

1843 йилнинг бошидан Петр Иванович Осиё департаменти шарқ тиллари ўкув бўлими мудирлигига тайинланиб, шу йилдан рус фуқаролигини қабул қилган. Рус шарқшуноси Н.И. Веселовскийнинг сўзларига кўра, П.И. Демезон 1846 йилдан Рус археология жамиятини тузувчилардан бирига айланган. 1848 йилда у V даражали амалдор мансабига, 1850 йилда Осиё департаментидаги V даражали дипломатик таржимон лавозимига эга бўлган¹⁵.

Рус сайёҳи ва дипломати П.И. Демезон 1857 йилдан тақдир тақозоси билан Франция давлатининг Париж шаҳрида яшай бошлаган. У ерда Хива хони Абулгозийхоннинг «Шажараи турк» асари кўлёзмасининг француз тилига таржимаси ва матннинг танқидий нашри устида иш олиб борган. Бироқ, рус шарқшунос олими бу илмий ишларини охирига етказа олмаган ва уни академик П.И. Лерх якунлаб тўплам ҳолатида чоп этган¹⁶.

П.И. Демезон 1873 йилда Париж шаҳрида вафот этади.

Хулоса қилиб шуни таъкидлаш лозимки, П.И. Демезоннинг Бухоро амирлиги ҳақидаги «саёҳат» даврида тўплаган турли мавзулардаги маълумот ва ахбороти рус олимлари томонидан берилган дастлабки маълумотлар доирасига киради.

Шунингдек, Мирзо Жаъфарнинг ўз «саёҳати» даврида тўплаган маълумотлари бир томондан, нафақат Бухоро амирлигининг давлат бошқаруви тизими, балки унга қўшни Хива хонлигининг сиёсий-ижтимоий ҳолатини ҳамда Сирдарё бўйидаги маҳаллий ва кўчманчи аҳолининг ижтимоий-иқтисодий аҳволини батафсил ўрганиш имконини беради. *Иккинчи томондан*, ушбу маълумотлар Бухоро амирлигининг айрим қўшни давлатлар билан савдо-сотиқ алоқаларига ҳам тааллуқли бўлиб, унда Бухоро амирлигининг Буюк Британия ва Россия давлатлари билан ўзаро иқтисодий муносабатлар ўрнатишига алоҳида эътибор қаратилган.

Шу боисдан, П.И. Демезоннинг маълумотлари бугунги кунда ҳам ўз аҳамиятини йўқоттан эмас ва унинг фикр-мулоҳазалари, «саёҳати» натижасида олинган маълумотлари муҳим илмий ва манбавий аҳамиятга эга.

¹⁵ Веселовский Н.И. История Имперского Русского... . 27-6.

¹⁶ Histoire des Mogols et des tatars par Aboul-Ghazi Behadour-khan, publiee, traduite et annotee par le Baron Desmaisons. St.-Pbg. I., 1871. II. 1874.

Ш. ХҮЖАЕВА

**РОССИЯ ИМПЕРИЯСИННИГ ОСИЁ ДЕПАРТАМЕНТИ МАХФИЙ
ТОПШИРИҚЛАРИ ТАРИХИДАН: П.И. ДЕМЕЗОННИНГ
БУХОРО АМИРЛИГИГА «САЁХАТ»**

Мазкур мақола Мирзо Жаъфар номи билан Бухоро амирлигига 1833–1834 йилларда саёҳат қилган рус шарқшунос олими П.И. Демезоннинг сафар тафсилотларига бағишиланган. Ушбу мақолада П.И. Демезоннинг таржима ҳоли, илмий фаолияти ҳамда у жамлаган маълумотларнинг Бухоро-Россия муноса-батларидаги аҳамияти ҳақида муҳим маълумотлар берилган.

Калит сўзлар: Россия империяси, мустамлакачилик, Мирзо Жаъфар, амирлик, қўшибеги, драгоман, агент, ҳарбий-стратегик, орден.

Ш. ХУЖАЕВА

**ИЗ ИСТОРИИ СЕКРЕТНЫХ ПОРУЧЕНИЙ
АЗИАТСКОГО ДЕПАРТАМЕНТА РОССИЙСКОЙ ИМПЕРИИ:
«ПУТЕШЕСТВИЕ» П.И. ДЕМЕЗОНА В БУХАРСКИЙ ЭМИРАТ**

Статья посвящена поездке русского ученого-востоковеда П.И. Демезона в Бухарский эмират под видом татарского муллы Мирзы Джрафара в 1833–1834 гг.

Также даются некоторые заметки о биографии и научной деятельности П.И. Демезона, значение его сведений в Бухарско-Российских отношениях.

SH. KHUAEEVA

**FROM THE HISTORY OF A SECRET TASK OF THE ASIAN DEPARTMENT
OF THE RUSSIAN EMPIRE: A TRAVEL OF P. I. DEMEZON
TO BUKHARAN EMIRATE**

This article is devoted to the trip of the Russian scientist-orientalist P.I. Demezon to the Bukharan Emirate as Tatar mullah Mirza Jafar in 1833–1834. In this article some notes are given on the biography and scientific activity of P.I. Demezon, as well as the meaning of his information on Bukhara-Russian relations.

Осьб кенгашине курордидардан тақдим этилган маколада, шундайда, ошта маколада да келинган тақдим эттилган маколада.

“Осьб кенгашине курордидардан тақдим этилган маколада, шундайда, ошта маколада да келинган тақдим эттилган маколада.

“Осьб кенгашине курордидардан тақдим этилган маколада, шундайда, ошта маколада да келинган тақдим эттилган маколада.

“Осьб кенгашине курордидардан тақдим этилган маколада, шундайда, ошта маколада да келинган тақдим эттилган маколада.

“Осьб кенгашине курордидардан тақдим этилган маколада, шундайда, ошта маколада да келинган тақдим эттилган маколада.

Н. ИСМАТОВА

**САМАРҚАНД ВАҚФ ХЎЖАЛИГИДА МУТАВАЛЛИ
ЛАВОЗИМИГА ТАЙИНЛАШ: АНЬНАВИЙ ТАРТИБ
ВА ЯНГИ ТИЗИМ АМАЛИЁТИ***

Ислом дунёсида, хусусан, Ўрта Осиёда мулкчиликнинг муҳим тури сифатида намоён бўлиб келган вақф моҳиятига кўра, хайр-эҳсон мазмунини касб этади. Мазкур мулкчилик асрлар давомида шаклланиб, ўзига хос йирик тизим сифатида жамиятнинг нафақат маънавий, ижтимоий-иқтисодий, балки сиёсий ҳаётида ҳам алоҳида ўрин тутган. Унинг ишлаш механизми, структураси ва юз берган ўзгаришларни ўрганишда эса, вақф маъмурияти, ишлаш принципи ҳамда вақф хўжалигидаги ўзаро ижтимоий муносабатлар масаласи алоҳида аҳамиятга эга. Шариат қоидалари ҳамда ижтимоий амалиётлар қоришувида шаклланиб келган вақф хўжалиги бошқарув тизимида Россия империяси мустамлакачилиги даврида бир қатор ўзгаришлар содир бўлди.

Россия империясининг Туркистондаги вақфларга нисбатан қўллаган сиёсатини акс эттирувчи қатор ишлар мавжуд¹ бўлиб, улар орасида, С.Н. Абашин томонидан нашр этилган Самарқанддаги Даҳбид мадрасаси вақф иши ҳужжатлари, У.А. Абдурасуловнинг вақф хўжалигидаги анъанавий тартиб ва янги тизим ўртасида юзага келган муаммолар таҳтилини ёритувчи ҳамда Ў. Султоновнинг Тошкентдаги Кўкалдош мадрасаси вақф маъмурияти фаолиятини акс эттирувчи тадқиқотларини алоҳида кўрсатиб ўтиш лозим². Аммо шунга қарамай, вақф хўжалиги таркибий қисмини ташкил этувчи шахсларнинг фаолияти

* Мазкур тадқиқот Германиянинг Герда Хенкел фонди гранти доирасида амалга оширилди.

¹ Болтабоев С.Д. Туркистондаги вақф мулклари тарихи. Наманган, 2005; Кутубиаев З.А. К истории вакуфных владений Ходжа Ахрара и его потомков. Дисс. на соиск. уч. степ. канд. ист. наук. Ташкент, 1970; Маллабаев Б.Б. Чоризмнинг Туркистонда вақф мулкчилик сиёсати (Хожа Ахрор авлодлари мисолида). Т. ф. н. даражасини олиш учун дисс. автореф. Тошкент, 2004; Алимов И. Ўзбекистонда вақф мулклари нинг тугатилиши (1917–1929 йиллар). Тошкент: Фан, 2009; Мухамедов Ш.Б. Историко-источниковедческий анализ государственного регулирования ислама Российской империей в Туркестане (1864–1917). Ташкент: Baktria Press, 2013.

² Абашин С.Н. Ислам в бюрократической практике царской администрации Туркестана (Вакуфное дело даҳбитского медресе. 1892–1900) // Сборник Русского Исторического Общества. М.: Русская панорама, 2003. № 7, 163–191-б.; Абдурасулов У.А. Вакфы Ташкента и их социальное пространство (на основе архивных материалов конца XIX – начала XX вв.) // Социальная жизнь народов Центральной Азии в первой четверти XX века: традиции и инновации. Материалы международной конференции. Ташкент, 2009, 86–89-б.; Sultonov U. Waqf Administration in Tashkent Prior to and After the Russian Conquest: A Focus on Rent Contracts for the Kukeldas Madrasa // Der Islam, 2012. Bd. 88. 324–351-б.

ва уларнинг ўзаро ижтимоий муносабатлари, Россия империяси томонидан жорий қилинган янги тизим қоидаларининг ушбу шахсларга таъсири ва натижада юзага келган жараёнлар чуқур ёритилмаган.

Шу ўринда мутавалли лавозими ва унга тайинлашнинг анъанавий тартиби ҳамда Россия империяси даврида содир бўлган ўзгаришлар алоҳида эътиборга лойик. Бу ҳолат Самарқанд мисолида ҳам яққол кўринади. Самарқанд Бухоро амирлигидан Туркистон генерал-губернаторлигига ўтган ҳудудлар орасида энг нуфузли шаҳар эди³. У дастлаб 1868 йилда генерал-губернаторлик таркибида ташкил этилган Зарафшон округининг, 1887 йилдан эса Самарқанд вилояти-нинг маъмурий, иқтисодий ҳамда савдо маркази сифатида ҳам алоҳида ўринга эга бўлган. Шу жиҳатдан, Самарқанд Бухоро амирлигидаги анъанавий вақф хўжалигидаги тартиб ҳамда Туркистон вақф хўжалигига юз берган ўзгаришларнинг ёрқин кўрсаткичи бўла олади.

Масалани ёритишга хизмат қилган манбалар. Самарқанд вақф хўжалигига мутавалли тайинлашнинг анъанавий ҳамда янги тизим тартибларини ёритища икки тизим амалиётларини ҳам кўрсатиб берувчи манбалар — маҳаллий ва рус маъмурияти хужжатларининг қиёсий таҳлили алоҳида аҳамият касб этади.

Маҳаллий хужжатлар — вақфномалар вақф мулкларининг ҳуқуқий асосини белгилаб берган. Вақфномалар қозихонада, гувоҳлар иштироқида тузилиб, асосан қозининг, шунингдек, амирликдаги юқори амалдорлардан ҳисобланган раис ҳамда айрим ҳолларда ҳукмдор муҳри билан тасдиқланган. Ўзбекистон Республикаси Марказий давлат архивининг И-323 «Вақф ёлиқлари коллекцияси»да сақланбаётган вақф хужжатларининг аксарияти Бухоро амирлигига тегишли бўлиб, форс тилидаги ушбу хужжатларнинг 17 таси Самарқанд вақф хўжалигига алоқадордир. Шунингдек, Самарқанд музейи фонdlарида⁴ ҳам ушбу ҳудудга мансуб бир неча вақфномалар сақланади.

Бундан ташқари, бевосита мутавалли лавозимига тайинлаш ҳақидаги фармонлар ҳам олинган масалани ёритиша алоҳида аҳамият касб этади. Сарой девонхонасига мансуб бўлган мазкур турдаги хужжатлар форс тилида ҳукмдор номидан тузилган⁵. Жумладан, Россия Фанлар академияси Шарқ қўлэзмалари институтида рус шарқшуноси А.Л. Кун (1840–1888)нинг шахсий фондида XIX асрда Самарқанд вақф хўжалигига мутавалли тайинлаш ҳақида фармонлар мавжуддир⁶.

³ Бу ҳақда қаранг: З и я е в а Д. Ўзбекистон шаҳарлари (XIX асрнинг иккинчи ярми — XX аср бошларида). Тошкент, 2013. 108–109-б.

⁴ Самарқанд музейи Самарқанд давлат бирлашган тарихий-меъморчилик ва бадиий музей қўриқхонаси бўлими ҳисобланади. Ушбу музей фонdlарида сақланбаётган хужжатлар ҳақида қаранг: Welsford T., Tashev N. A Catalogue of Arabic-Script Documents from the Samarkand Museum. Samarkand-Istanbul, 2012.

⁵ Бу ҳақда батағфисил қаранг: К а з а к о в Б.А. Документальные памятники Средней Азии. Ташкент: Узбекистан, 1987. 17–18-б.

⁶ РФА ШИ, «Шарқшунослар архиви», 33-фонд, 1-рўйхат, 165-йифмажилд.

Рус маъмурияти ҳужжатлари — Ўзбекистон Республикаси Марказий давлат архивининг «Зарафшон округи бошлиги девонхонаси» номли И-5 ҳамда И-18 «Самарқанд вилояти бошқармаси» фондларида мутавалли тайинлаш ҳақида маълумот берувчи йифмажиллар сақланади. Йифмажиллардаги ҳужжатлар рус тилида, маҳаллий аҳоли томонидан ёзилган арзнома, иттифоқномалар⁷ эса эски ўзбек тилида араб алифбосида бўлиб, ёнида рус тилидаги таржимаси билан берилган. Мазкур ҳужжатларда вақф муассасасига мутавалли тайинлаш жараёнлари босқичма-босқич ёритилган бўлиб, уларнинг энг аҳамиятли томони Самарқанд вақф хўжалигига мутавалли тайинлаш механизми ҳақида комплекс маълумот олиш имконини беради. Шунингдек, ҳудуднинг маъмурий тизими, маъмурият органларида ишловчиларнинг ишлаш тартиблари ҳақида ҳам кенг тасаввур ҳосил қиласди.

Ўрта Осиёда мутавалли функцияси ҳақидаги илмий қарашлар

Мутавалли сўзи араб тилидан таржима қилинганда «ишбоши», «бошқарувчи» деган маъноларни англатиб, ислом тарихида вақф мулкига ва ундан келадиган даромадга васийлик қилувчи, уни тақсимловчи диний амалдордир⁸.

Таъкидлаш лозимки, адабиётларда мутавалли лавозими алоҳида тадқиқот обьекти сифатида ўрганилмаган. Шунга қарамай, Ўрта Осиёдаги вақф мулкчилиги тарихи ёритилган бир гуруҳ тадқиқотлар ҳамда бирламчи манбалар таҳлилига кўра, мутавалли ўзининг асосий функциясидан келиб чиқиб, воқиф⁹ томонидан қўйилган шартларга амал қилиши, вақф мулкларидан келадиган даромадни тўғри тақсимлаши, шунингдек, вақф масаласи бўйича юзага келган муаммоларни ҳал этиши лозим бўлган¹⁰. Мутаваллилар воқиф томонидан қўйилган шартларга қараб бир қатор имтиёзларга ёки чекловларга ҳам эга бўлишлари мумкин эди. Хусусан, О.Д. Чехович XII асрнинг иккинчи ярмида яшаб ўтган бухоролик шайх Сайфиддин Боҳарзий мақбараси ва хонақоҳига қилинган XIV асрга тегишли вақф ҳужжатини таҳтил қиласди экан, мазкур хонақоҳ вақф мулклари мутаваллиси вақф мулкларини мустақил бошқариш ҳукуқига эга

⁷ Тадқиқ этилаётган ҳужжатларда рус тилида «приговор» ва ўзбек тилида «иттифоқнома» деб келтирилган, яъни вақф муассасаси ходимлари ўзаро келишиб, бирор кишини мутаваллиликка сайлаб иттифоқнома тузгандар.

⁸ Ислом энциклопедияси. Тошкент: Ўзбекистон Миллий энциклопедияси, 2004. 168-б.

⁹ Воқиф — ўз мулкини вақф қилган шахс.

¹⁰ Вяткин В.Л. Вакуфный документ «Ишратхана». В кн.: «Мавзолей Ишратхана». Ташкент, 1958. 109–136-б.; Чехович О.Д., Вильданова А.Б. Вакф Субханкулихана Бухарского, 1693 г. Москва: Наука, 1979; Чехович О.Д. Бухарские документы XIV в. Ташкент: Фан, 1965; Чехович О.Д. Самаркандские документы XV–XVI вв. (О владениях Ходжи Ахрара в Средней Азии и Афганистане). Москва: Наука, 1974; Мукминова Р.Г. К истории аграрных отношений в Узбекистане XVI в. По материалам Вакфнаме. Ташкент: Фан, 1966; Джурاءва Г.А. Вакфные грамоты как источник по социально-экономической истории Бухары в XVI–XVII вв. Автореф. дисс. на соиск. уч. степ. канд. ист. наук. Ташкент, 1985.

бўлмаганлигини, мутаваллининг вақф мулклари устидаги ҳуқуқи нафақат воқиф тарафидан қўйилган шартлар, балки ҳар бир хатти-ҳаракатида хонақоҳда яшовчилар томонидан сайланадиган икки хизматчининг розилигини олиш мажбурияти билан ҳам чегараланганини таъкидлайди¹¹.

Баъзи вақфномалар орқали эса, XVI асрда айрим мутаваллиларнинг ниҳоятда кенг ваколатларга эга бўлганлигини кўриш мумкин. Таъкидлаш мумкини, бу мутаваллилар жамиятда юқори мавқега эга бўлган шахслар ҳисобланган. Хусусан, Р. Мукминованинг қайд этишича, Самарқанд шаҳридаги қўш мадраса фойдасига тузилган XVI асрга оид вақфномада Муҳаммад Шайбонийхоннинг келини воқиф Мехр Султон хоним томонидан қўйилган шартлардан бирида унинг ўзи бутун умри давомида вақф мулкларини назорат қилиши, яъни ўзи мутавалли бўлиши белгилаб қўйилган¹². Мехр Султон хоним мутавалли сифатида ниҳоятда катта ваколатларга эга бўлганлиги вақф шартларида акс этган. У вақф мулкларини бошқаришда ҳеч ким аралашмаслиги, мулкларни хоҳлаган вақтда сотиши¹³ ва ўзи хоҳлаган вақтда вақф ҳужжатига ўзгартириш киритиши мумкин эди. Шу билан бирга бу чекланмаган ваколатлар ундан кейинги мутаваллилар учун жорий этилмаслигини ҳам алоҳида таъкидлайди.

XIX асрнинг иккинчи ярмида Ўрта Осиё вақфларини ўрганган рус муаллифларидан бири М.Н. Ростиславовнинг ёзишича, мутавалли вақфнинг хўжалик қисмини бошқарадиган, унинг иқтисодий ишлари билан шуғулланадиган ҳамда вақфдан келадиган даромадларни тақсимловчи шахс бўлган¹⁴. Шунингдек, мутаваллининг мажбуриятига вақф ерларига ижаарачиларни топиш ҳамда улар билан битим тузиш вазифаси ҳам кирган¹⁵.

XIX асрда Хива хонлигидаги пул вақфининг ишлаш механизмини тадқиқ этган А. Халияровнинг таъкидлашича, бу даврда мутаваллилар пул вақфларини аҳолига қарз бериш орқали мунтазам равишда иқтисодиётга сармоя киритиш имконига ҳам эга бўлганлар ҳамда аҳоли орасида қарз берувчи сифатида ҳам танилганлар¹⁶.

Мутавалли ҳақида билдирилган фикр-мулоҳазалар шуни кўрсатадики, у ўз функцияларига кўра, иш юритувчи сифатида вақф хўжалигининг бошқарув ҳамда иқтисодий тизимида муҳим роль ўйнаган.

¹¹ Чехович О.Д. Бухарские документы XIV в 26-б.

¹² Мукминова Р.Г. К истории аграрных отношений 65-б.

¹³ Шариатта кўра маълумки, мулклар вақфга айлантирилгандан сўнг эгалик хуссиятини йўқотади, яъни уларни сотиши ёки сотиб олиш тақиқланади. Лекин бу ўринда муаллиф вақф ерларини сотиши деганда унинг ўзини эмас, балки ундаги сукниётларни сотиши назарда тутилганлигини таъкидлайди.

¹⁴ Ростиславов М.Н. Несколько слов о важности вакуфных документов в историческом отношении // Туркестанские ведомости. 1873, № 42.

¹⁵ Абдураимов М.А. Очерки аграрных отношений в Бухарском ханстве в XVI – первой половине XIX века. Ташкент: Фан, 1970. 67–68-б.

¹⁶ Бу ҳақда батафсил қаранг: Халияров А. Хива хонлигидаги пул вақфининг ҳуқуқий ва иқтисодий асосларига доир // O'zbekiston tarixi, 2014, № 4. 12–23-б.

Мутавалли тайинлашнинг анъанавий тартиби

Аввало шуни тъкидлаш лозимки, вақф мулкларига мутавалли тайинлаш воқиф ихтиёридаги ҳуқуқ ҳисобланган. Воқиф ўзига тегишили мулкларини вақф этиб, уни ҳуқуқий жиҳатдан қозихонада ҳужжат сифатида расмийлаштирган. Мазкур расмийлаштирилган ҳужжатда, яъни вақфномада воқиф мутаваллини ва ундан кейин бўладиган мутаваллиларни ҳам тайин этган.

Вақф ҳужжатлари таҳлили шуни кўрсатади, аксарият ҳолларда воқифлар вақф қилиб берган мулкларига ўzlари ёки ўғилларини, уларнинг вафотидан сўнг эса кейинги авлод вакилларини мутавалли сифатида тайинлаганлар. Жумладан, 1805 йил 27 август—24 сентябрь/ҳижрий 1220 йилнинг жумодул соний ойида тузилган вақфномада қайд этилишича, қози Иноятуллоҳ Хўжа ўзига тегишили тахминан 507 таноб мулки ҳурри холис¹⁷ ерини Самарқанддаги Офаринкент тумани Совғонжи қишлоғида жойлашган хонақоҳга ҳамда бир-бири билан ёндош оиласи ҳилхона фойдасига вақф этган. Воқиф мазкур вақфнинг мутаваллиси этиб ўзини, вафотидан кейин эса ўғли, сўнгра ўғил авлодларидан қайси бири тақводор ҳамда маълумотли бўлса, ўша бўлишини шарт қилган¹⁸. Вақфлар, асосан, хайр-эҳсон характеристига эга бўлиши билан бирга уларнинг давомийлиги ва дахлислигини таъминлаш воқиф зими масига катта масъулият юклаган. Шу жиҳатдан юқоридаги тартиб орқали кишилар ўз мулклари хавфсизлигини таъминлашга ҳаракат қилганлар ва амалда нафақат вақф мулкларининг, балки бу мулклар берилган муассасанинг ҳам эгаси бўлиб қолаверганлар.

Бир неча йиллардан бери фаолият юритиб келаётган вақф муассасаларига мутаваллилар тайинлаш тартибини бевосита тасвирловчи маълумотлар илмий адабиётларда ҳам, вақф ҳужжатларида ҳам учрамайди. Шунга қарамай, мутавалли лавозимига тайинлаш ҳақидаги ҳукмдор номидан чиқарилган фармонларни ўрганиш асосида Самарқанд вақф хўжалигига мутавалли тайинлаш механизми ҳақида маълум тасаввур ҳосил қилиш мумкин. Жумладан, мутавалли лавозимига тайинлаш тўғрисидаги 1842 йил 12 май—9 июнь/ҳижрий 1258 йилнинг рабиул соний оидаги фармонда қайд этилишича, Мирсиддиқ Хўжа ясувунинг сарой девонхонасига қилган мурожаатига биноан Шердор ҳамда Тиллакори мадрасалари мутаваллиси воқифнинг шартига мувофиқ аввалдан Махдуми Аъзам¹⁹ авлодларидан бўлиб келган экан. Ой Хўжа исмли киши Махдуми Аъзам авлодлари ва мадраса ходимларининг хоҳиши билан, шунингдек, ўзи

¹⁷ Мулки ҳурр — солиқлардан озод ер. Бу ҳақда батафсилоқ қаранг: Чехович О.Д. Бухарские поземельные акты XVI—XIX вв. // Проблемы источниковедения, IV. Москва, 1955. 237—242-б.

¹⁸ Ушбу вақфнома ҳақида қаранг: Welsford T., Tashev N. A Catalogue of Arabic-Script Documents 272—273-б.

¹⁹ Махдуми Аъзам — асл исми Саййид Аҳмад Ҳожаги ибн Саййид Жалолиддин Косоний Даҳбедий (1463/64—1542), мовароуннаҳрлик аллома, йирик диний арбоб, нақшбандийлик тариқати шайхларидан бири. Ислом энциклопедияси 153-б.

ҳам ушбу авлоддан бўлганлиги сабабли мутавалли лавозимига лойиқ кўрилган. Ушбу фармонда мазкур вақфлардаги корандалар ва деҳқонлар Ой Хўжани мутавалли билиб, «сафид-бари», «кабуд-бари»дан²⁰ олинадиган ҳосилнинг вақф ҳиссасини ҳамда белгиланган тартиbdаги пул маблагини беркитмай топширишлари, мутавалли эса уларни йигиб, зарурий эҳтиёжларга [таомилга мувофиқ] сарфлаши лозимлиги таъкидланган²¹.

Шунингдек, 1859 йил 27 октябрь—25 ноябрь/хижрий 1276 йилнинг рabiул соний ойида қайд этилган ҳужжат мазмунига кўра, Иброҳимбий парвоначининг аризасига мувофиқ ҳазрат Дониёл алайҳиссалом [мақбараси] вақфлари мутаваллиси Файзи Хўжа вафот этиб, вақф муассасаси ходимларининг ҳоҳишига кўра, унинг ўрнига биродари Олим Хўжа тайинланган. Бу ҳужжатда ҳам корандалар дон экинларидан олинадиган ҳосилларнинг вақф улушини ҳамда белгиланган пул маблагини мутаваллига беришлари, мутавалли эса уларни керакли харажатлар учун [таомилга мувофиқ] сарфлаши ёзилган²².

Демак, бирор-бир вақф муассасаси мутаваллисиз қолса, ўша муассаса ходимлари ўзаро келишиб, бир кишини мутавалли этиб сайлаганлар. Албатта, бу жараёнда воқифнинг шартларидан четта чиқмаган ҳолда мутаваллини танлаганларини ҳам ҳисобга олиш лозим. Вақф муассасаси ходимлари сайлаган мутаваллиларини тасдиқлатиш учун сарой девонхонасидан ёрлиқ олиб беришини сўраб амалдорларга мурожаат қылганлар. Амалдорлар ўз навбатида девонхонага мурожаат этганлар ҳамда ҳукмдорнинг амри билан вақф муассасини текширганлар. Сўнгра сарой девонхонасига ариза ёзганлар. Ушбу аризага мувофиқ сарой девонхонасидан мутаваллини тасдиқлаш ҳақида фармон чиқарилган²³.

Ҳужжатлар таҳлили шуни кўрсатадики, Бухоро амирлигига, жумладан, Сармарқанд вақф хўжалигига мутавалли лавозимига тайинлаш ўзига хос тартибли

²⁰ М.А. Абдураимовнинг ёзишича, «Сафид-бари» ва «Кабуд-бари» атамалари амир Ҳайдарнинг хатларига мувофиқ дон экинларини англацган. «Сафид-бари» экинлари турига кузги ва баҳори бугдой, кузги ва баҳори арпа, зиғир, ясмиқ, нўхат, мош каби экинлар кирган. «Кабуд-бари» эса қолган дон экинлари, шунингдек, қайта экилган галла ҳамда полиз маҳсулотларини билдирган. Абдураимов М.А. Вопросы феодального землевладения и феодальной ренты в письмах эмира Хайдара. Ташкент: Фан, 1961. 74-б.

²¹ РФА ШИ, «Шарқшунослар архиви», 33-фонд, 1-рўйхат, 165-ийғмажилд, 46-варақ.

²² Ўша жойда, 62-варақ.

²³ Ушбу фикр нафақат таҳлил этилаётган фармонлар, балки «Бухоро амирлиги кўшбегиси» номли И-126 фондда сақланаётган ҳужжатлар орасида Бухоро амирлигидаги амалдорларнинг бирор кишини мансабга тайинлашини сўраб амирга ёзилган аризалари мазмунидан келиб чиқиб ҳам билдирилди. Хусусан, мазкур фонднинг 1-рўйхат, 11-ийғмажилд, 5-варақдаги аризада қайд этилишича, Мулла Абдулшукур Садр ҳукмдорнинг амрига мувофиқ, Мулла Қосим Хўжа исмли киши Саржўй ва Сариосиё вилоятларига муфти ҳамда раисликка муносабилитини текшириб, сўнгра амир номига ушбу лавозимларга тайинлашини сўраб ариза ёзган.

механизм асосида амалга оширилган. Бундан ташқари, мазкур турдаги хужжатлар мутавалли лавозимига тайинлаш ҳақида маълумот беригина қолмай, балки йирик вақф муассасалари бошқаруви жамиятда қайси тоифадаги кишилар қўлида бўлганлигини ёритиш имконини ҳам яратади.

Мутаваллиларни тайинлаш тартибидаги ўзгаришлар

Туркистон ўлкаси Россия империяси томонидан забт этилгандан сўнг унинг худудида, хусусан Самарқандда ҳам вақф характери, уни ташкил қилиш ҳамда бошқарувидаги сезиларли ўзгаришлар яққол кўзга ташланади²⁴. Бу ўзгаришлар Самарқанд вақф хўжалигида мутаваллини тайинлаш ёки лавозимидан олиш жараёнларида ҳам ўз аксини топган. Масалан, XIX асрнинг иккинчи ярмида Улуубек мадрасаси ходимлари ҳамда муллалари Зарафшон округининг Самарқанд бўлими бошлиғи вазифасини бажарувчиси Ш.Ш. Сиртлонов²⁵ номига мадраса вақф мулкларини бошқарувчи мутаваллининг ўрнига ўзлари танлаган бошқа кишини тайинлашларини сўраб қўйидагича арзнома ёзишган:

«Иzzатлу ҳурматлу Самарқанд ҳукуматдори ҳоким тўрамизға арзимиз шулдурки, бизларки, ... жами ўттуз нафар аҳли вазойиф ва муллолар ҳозирмиз Мулла Абдурасул мутавалли Абдулмўмин ўғлини бекорликиға ва Мулла Яҳё Хўжса Мулло Ҳомид Хўжса ўғлини мутаваллиликға хоҳлаб қўйумиз қўйуб отларимизни биттук ...»²⁶.

Шундан сўнг Ш.Ш. Сиртлонов Улуубек мадрасаси ходимлари ҳамда муллаларининг хоҳишлари ҳақида Зарафшон округи бошлиғи генерал-майор А.К. Абрамовни хабардор қилиш мақсадида 1873 йилнинг 9 январида билдиришнома ёзган. Унда қайд этилишича, мадрасадаги 30 нафар киши мазкур мадраса мутаваллиси Мулла Абдурасулнинг 3 йилдан бери мутавалли бўлиб, муллаларга пул бермай ўз фойдасига ишлатгани, шунингдек, вафот этган 2 нафар мударрислар ҳақини ва бўш турган 12 та хужрадан тушган пулларни газнага топширмай, ўзи фойдалангани ҳақида арз қилганлар. Шу сабабдан унинг ўрнига Мулла Яҳё исмли кишини мутавалли этиб тайинлашларини сўраганлар²⁷. Мулла Абдурасулга қўйилган айловларни текшириш учун Самарқанд бўлими бошлиғи в.б. томонидан бўйруқ берилади. Натижада мадраса мутаваллисига қўйилган айловлар рост эканлиги маълум бўлади. Бундан келиб чиқиб, Ш.Ш. Сирт-

²⁴ А б д у р а с у л о в У.А. Вакфы Ташкента и их социальное пространство 87-б.

²⁵ Сиртлонов Шоҳайдар Шохгардович — Россия империяси таркибидаги Уфа губернияси Давлат думаси депутати. Тадқиқ этилаётган даврда Самарқанд шаҳар ҳокими ҳамда Самарқанд бўлими бошлиғи вазифасини бажарувчиси бўлиб хизмат қилган.

²⁶ Маҳаллий тилдаги хужжатларнинг асл нусхаларида тиниш белгилар қўйилмаган. Ўқувчиларга тушунарли бўлиши учун зарур жойларда тиниш белгилардан фойдаланилди. ЎзР МДА, И-5-фонд, 1-рўйхат, 209-йифмажилд, 4-варак.

²⁷ ЎзР МДА. И-5-фонд, 1-рўйхат, 209-йифмажилд, 2–3-вараклар.

лонов ўз маълумотномасида Мулла Абдурасулни мутаваллилик лавозимидан олиб, юқоридаги аризачилар томонидан танланган Мулла Яҳъёни бу лавозимга тасдиқлаб, ёрлиқ беришини сўрайди²⁸. Мазкур маълумотнома Зарафшон округи девонхонасига келиб тушгандан сўнг округ бошлиғи томонидан Мулла Яҳъёни мутавалли лавозимига тасдиқлаш ҳақида ёрлиқ берилади. Шунингдек, ёрлиқда Яҳъё Хўжага мадрасанинг барча мулклари ҳамда даромадларини бошқариш ҳуқуки берилиши, у эса ўз навбатида вақфдан келадиган даромадларни мадраса ходимлари ўртасида вақфномага биноан тақсимлаши кераклиги алоҳида таъкидланади²⁹.

Бироқ Улуғбек мадрасасига бошқа мутаваллиниңг тайинланиши мадрасанинг собиқ мутаваллиси Мулла Абдурасулниңг норозилигига сабаб бўлади. У норозилигини ҳамда ўзига қўйилган айбловларниңг ёлғонлигини Зарафшон округи бошлиғи номига ёзган ҳамда 1874 йилниңг 14 май ойи билан қайд этилган аризасида шундай изоҳлайди:

«Иzzatlu va ҳурматлу ва фазилатлу Зарафшон вилоятини(нг) ҳокими генерол Абрамуф [Абрамов] тўрамга Мулла Абдурасулни(нг) арзи шулдорки, дуогўйлари олти йилдин бери жанобларига ростлик билан хизмат қилиб хизматим ўзларига маълум бўлуб эрди. Бир неча вақт сизни(нг) амрингиз билан туманларга чиқиб, амлодорларни таҳқиқ этиб [текшириб], ростлигим сизга маълум бўлуб эрди, шул сабабдин яхши хизмат қилдинг деб ... мадраса-и Мирзо Улуғбекка мутавалли қилиб сарафроз этиб эрдингиз ... Мани иғвогарлар иғво қилиб қўлумдин олдилар ... ҳужраларига истиқомат қилмагон одамлар ва ўқумайтиғон одамлар ҳужраларини пойда [фойда] учун олиб қўйгонлар, бизларга ҳужра бергин деб хасм [норози] бўлдилар. Ман айттим, сизларга неча мартаба ҳужра бердим истиқомат қилмадингизлар, ҳужраларингни ижарага қўюб юрубсизлар, сизларга вақф бермоқлиқ ҳаромдур. Эмди ҳазинаға берурман деб, олти юз саксон тангани давлатхоҳлиғим женерол [генерал] тўрамга маълум бўлсун деб, ҳазинаға элтиб бердим. Шул сабабдин манга хасм бўлуб, Зарафшон вилоятини ҳокимиға давлатхоҳлиқ қилди деб, бизларни(нг) ҳужрамизни вақфини ҳазинаға берди эмди хоҳламаймиз деб, Абдулғаффорбекка³⁰ бориб маъқул қилибдурлар. Абдулғаффорбек буларга мани бекор қилмоқ учун мутасадди бўлуб ман бекор қилурман деб, Сиртлонўф тўраға бориб мани ёмон қилиб вақф берегони йўқ деб маъқул қилибдур. Сиртлонўф тўра мандин сабабини сўрамай, сизга ариза қилиб бекор қилдурди ... Мени(н)г жойимга мутавалли бўлгон одам мадрасага келмайдур ва мадрасага қарамайдур, мадраса ҳароб бўлубдур, ҳужраларига истиқомат қилмагон муллалар билан иттифоқ қилиб мадрасани вақфини ҳеч кимга бермай, мадрасага қарамай, ҳужралари беодам бўлуб ётибдур. Мени(н)г ҳам мазкур мадрасага ҳужрам бор, менга ҳам вақф бермайдур. Мени(н)г ростлигим жанобларига ва тўраларга ва фуқароларга маълумдур ...»³¹.

²⁸ ЎзР МДА. И-5-фонд, 1-рўйхат, 209-ийғмажилд, 2–3-варақлар.

²⁹ Ўша жойда, 1-олд, орқа варақлар.

³⁰ Абдулғаффорбек — шаҳардаги амалдорлардан бири.

³¹ ЎзР МДА, И-5-фонд, 1-рўйхат, 209-ийғмажилд, 36-варақ.

Тадқиқ этилган ҳужжатлардан кўринадики, Мулла Абдурасул томонидан ёзилган юқоридаги арзнома инобатга олинмаган³². Арзномада келтирилган далиллар қанчалик асосли ёки асоссиз эканлиги алоҳида масала бўлиб, биз учун аҳамиятли томони шундаки, бу ҳужжат орқали мутавалли тайинлашнинг механизми ҳақида маълум бир тасаввурга эга бўламиз. Хусусан, Улугбек мадрасаси ходимлари ҳамда муллалари мадраса мутаваллисидан норози бўлиб, Абдулғаффорбекнинг олдига борадилар ва ўзаро келишиб ўзларига маъқул бўлган бошқа кишини мутавалли сифатида танлайдилар. Сўнгра Самарқанд бўлими бошлиғи номига арз этадилар. Самарқанд бўлими бошлиғи вазифасини бажарувчи Ш.Ш. Сирғлонов тафсилотларни ўрганиб, ўз навбатида Зарафшон округи бошлиғи А.К. Абрамовга маълумотнома жўнатади. А.К. Абрамов маълумотлар асосида Улугбек мадрасасига танланган янги мутаваллини тасдиқлаб, ёрлиқ беради.

Шу ўринда таъкидлаш жоизки, 1870 йиллардан бери рус маъмурлари орасида Туркистонда вақфларнинг ҳуқуқий ҳолати қандай бўлиши кераклиги хусусида баҳс-мунозаралар давом этиб келаётган эди³³. XIX асрнинг охирларига келиб, бунга қўшимча сифатида вақф муассасалари мутаваллилари ким томонидан тасдиқланиши хусусидаги савол ҳам алоҳида масала сифатида ўртага қўйилади. Бунга сабаб эса, империя маъмурияти томонидан ишлаб чиқилган қоидаларнинг амалиётда ўз ифодасини топа олмаётгани эди. Хусусан, 1890 йилнинг 8 январида Самарқанд уезди бошлиғи томонидан Самарқанд вилоят бошқармаси номига ёзилган ахборотномада вафот этган ҳамда турли сабабларга кўра, ўз лавозимидан воз кечган вақф муассасалари мутаваллиси лавозимида шахслар ким томонидан тасдиқланиши кераклиги ҳақида сўрайди. Уезд бошлигининг яна таъкидлашича, шу вақтгача кишилар мутавалли лавозимида тақдим этилган иттифоқнома асосида уезд бошлиғи томонидан тасдиқланар эди. Ваҳоланки, «Туркистон ўлкасини бошқариш тўгрисидаги Низом»нинг 267-моддасига мувофиқ вақфларнинг тузилиши, улардан келадиган даромадларни тасарруф этиш ҳамда сарфлаш вазифаси вилоят бошқармаси зиммасига юклатилган эди³⁴.

Шундан сўнг ушбу масала 1890 йилнинг 11 январида Самарқанд вилоят бошқармасининг умумий йиғилиш журналида қайд этилади. Йиғилиш натижасига кўра, Самарқанд вилоятининг барча уезд бошлиқлари мутавалли лавозимида тайинлаш ҳақидаги иттифоқномаларни ўзларининг мулоҳазаларини билдирган ҳолда бундан бўён Самарқанд вилоят бошқармасига кўриб чиқиш ҳамда тасдиқлаш учун тақдим этишлари кераклиги таъкидланади³⁵. Мазкур йиғилиш журнали Самарқанд вилоят ҳарбий губернатор вазифасини бажарувчиси томонидан кўриб тасдиқлангандан сўнг Самарқанд вилояти бошқармаси томонидан

³² ЎзР МДА, И-5-фонд, 1-рўйхат, 209-йигмажилд, 34-варақ.

³³ А б а ш и н С.Н. Ислам в бюрократической практике 165–166-б.

³⁴ ЎзР МДА, И-18-фонд, 1-рўйхат, 5751-йигмажилд, 1-варақ.

³⁵ Ў ша ж о й да, 3-олд, орқа варақлар.

барча уезд бошлиқларига 676-рақам остида фармойиш жўнатилади³⁶. Ҳужжатларда келтирилган маълумотта кўра, мутавалли лавозимига тайинлаш тўғрисидаги иттифоқномаларни тузиш ҳуқуқи вақф муассасасининг вақфномасида кўрсатилган шахсларга берилган³⁷.

Юз берган ўзгаришларнинг ижобий томони сифатида шуни кўрсатиб ўтиш лозимки, ушбу даврда вақф муассасаларига мутавалли тайинлаш босқичлари тизимлаштирилиб, яхшигина тартибга солинган. Лекин бу ҳолат узоқ муддатли жараён бўлганлигини ҳам таъкидлаш жоиз. Жумладан, архив ҳужжатларидан бирида қайд этилишича, 1892 йилнинг сентябрь ойида ўзларини Ҳўжа Аҳмад Яссавийнинг авлодлари деб ҳисобловчи бир гуруҳ кишилар ўзаро келишган ҳолда Яссавий авлодлари фойдасига қилинган вақфларга мутавалли танлаб иттифоқнома тузадилар:

« ... бизлар тубинда қўлларимиз қўюб муҳрларимиз босқучи ҳазрат Ҳўжса Аҳмад Яссавий алаихи авлодлари дурмиз. Мазкур вақфларимизни(нг) мутаваллиси Ибн Ямин Ҳўжса Кутбиддин Ҳўжса ўғлидан авлоди вақфларимизни тақсими тўғрисига хиёнатлар зоҳир бўлғон(и) сабабли мазкурни(нг) бекор бўлмоқини ҳурматлу Самарқанд уездини ҳокимидан хоҳши қилиб, мазкурни(нг) ўрнига Маҳмуд Ҳўжса Муҳаммад Ҳўжса ўғлини ўз ихтиёр ва розилигимиз илан мутаваллиликга хоҳлаб ҳурматлу уезд ҳокимидан имтинос қиласмизким, мазкур Маҳмуд Ҳўжсани мутаваллилиги тўғрисига қилғон иттифоқномаларимизни қабулга олсалар, деб қўлларимизни қўйуб муҳрларимиз бостук»³⁸ .

1892 йилнинг 27 декабрь куни деярли уч ойдан сўнг Самарқанд уезди бошлиғи томонидан билдиришнома ёзилиб ҳамда ушбу иттифоқнома илова қилиниб, Самарқанд вилояти бошқармасига мутаваллини тасдиқлатиш учун юборилади. Билдиришномада Самарқанд уезди бошлиғи собиқ мутавалли Ибн Ямин Ҳўжса Кутбиддин Ҳўжса ўғлини ножоиз ишлар қилгани ва бу Самарқанд Халқ Судъяси томонидан ҳам текширилиб, ўз тасдигини топганлигини таъкидлар экан, Маҳмуд Ҳўжса Муҳаммад Ҳўжса ўғлини мутавалли этиб тайинлашга ҳеч қандай эътирози йўқлигини қайд этади³⁹. Янги мутаваллини тайинлаш ҳақида ги мазкур масала 1893 йилнинг 7 январида Самарқанд вилоят бошқармасининг умумий йиғилишида кўриб чиқилиб, Самарқанд вилояти губернатори томонидан тасдиқланган⁴⁰.

Кўриниб турганидек, Россия империяси даврига келиб, мутавалли лавозимига тайинлаш механизми янада кўп босқичли мураккаб жараёнга айланган. Шунингдек, империя маъмурияти вақф ҳўжалигининг ички ишларида ҳам бевосита ўз таъсирини кучайтириб, бу ҳўжаликда фаолият юритган ходимлар-

³⁶ ЎзР МДА, И-18-фонд, 1-рўйхат, 5751-йигмажилд, 2, 5-варажлар.

³⁷ Ўша жойда, 7-варақ.

³⁸ Ўша жойда, 55-варақ.

³⁹ Ўша жойда, 53–54-варақлар.

⁴⁰ Ўша жойда, 55-орқа варақ.

ни лавозимиға тасдиқлаш ҳуқуқига ҳам эга бўлган. Бу эса империя ҳуқуматига маҳаллий аҳолининг ижтимоий-иқтисодий ҳаётида муҳим ўрин тутган вақф хўжалиги ҳамда мазкур хўжаликни бошқарган мутавалли фаолиятини тўла назоратда тутиш имконини берган.

Шунингдек, Самарқанд вақф хўжалигига мутавалли тайинлаш ҳақидаги маҳаллий ҳамда рус маъмурияти ҳужжатларини таҳлил этиш ҳудуднинг маъмурӣ тузилиши, маъмуриятнинг ишлаш принципи ҳақида ҳам кенг маълумотлар олиш ҳамда мутлақо янги тарихий ҳужжатларни илмий истеъмолга киритиш имкониятини беради.

N. ИСМАТОВА

САМАРҚАНД ВАҚФ ХЎЖАЛИГИДА МУТАВАЛЛИ ЛАВОЗИМИГА ТАЙИНЛАШ: АНЪНАВИЙ ТАРТИБ ВА ЯНГИ ТИЗИМ АМАЛИЁТИ

Ушбу мақола XIX асрда Самарқанд вақф хўжалигига мутавалли лавозимиға тайинлашнинг анъанавий тартиби ҳамда Россия империяси мустамлакачилиги даврида рўй берган ўзгаришларни ёритишга бағишиланган. Хусусан, маҳаллий ҳамда рус маъмурияти ҳужжатларини таҳлил этиш орқали икки тизим амалиётлари кўрсатиб берилган.

Калит сўзлар: Самарқанд вақф хўжалиги, мутавалли, Туркистон генерал-губернаторлиги, Бухоро амирлиги, вақфнома, фармон, рус маъмурияти ҳужжатлари, Зарафшон округи, Самарқанд уезди, Самарқанд вилояти.

N. ИСМАТОВА

НАЗНАЧЕНИЕ НА ДОЛЖНОСТЬ МУТАВАЛЛИ В САМАРКАНДСКОМ ВАКФНОМ ХОЗЯЙСТВЕ: ТРАДИЦИОННЫЙ ПОРЯДОК И ПРАКТИКА НОВОЙ СИСТЕМЫ

Статья посвящена изучению традиционного порядка назначения на должность мутавалли в Самаркандинском вакфном хозяйстве в XIX в. Также рассмотрены изменения, происходившие в период после завоевания Туркестана Российской империей. На основе анализа местных и русских административных документов представлена практика двух систем.

N. ISMATOVA

APPOINTMENT TO THE MUTAWALLI POST IN SAMARQAND WAQF ECONOMY: TRADITIONAL PROCEDURE AND PRACTICE OF THE NEW SYSTEM

The article is devoted to the study of a traditional procedure of appointment to the mutawalli post in Samarkand waqf economy in the 19th century and changes in the colonial period of the Russian Empire. On the basis of local and Russian administrative documents there are presented some practices of the two systems.

M. TUXTAEVA

ИЗ ИСТОРИИ ПЕРВЫХ ТВОРЧЕСКИХ ОБЪЕДИНЕНИЙ ХУДОЖНИКОВ УЗБЕКИСТАНА В 20-Е ГОДЫ XX ВЕКА

В начале 20-х годов XX века курс либерализации экономики, получивший название новой экономической политики (НЭП), наметил отступление от социалистического пути развития. Отмена военного коммунизма, трудовой повинности, применение хозрасчета, самофинансирования, введение рыночных отношений, использование различных форм собственности привели к позитивным изменениям. Экономические реформы способствовали некоторому подъему благосостояния населения¹. Изменение политического курса повлияло на другие сферы жизни общества, в частности на процессы в области искусства. Художественная интеллигенция восприняла эти изменения с большим оптимизмом, что выразилось не только в ходе творческих исканий, но и в создании различных творческих объединений художников.

Первой организацией, работающей в самых различных жанрах живописи, скульптуры, графики, которая объединила художников Узбекистана, стала созданная в 1926 г. в Ташкенте Ассоциация художников революции (АХР). Она являлась филиалом Ассоциации художников революционной России (АХРР).

Создавая подобные союзы, власть рассчитывала сделать их инструментом быстрого внедрения официальной коммунистической идеологии в среду творческой интеллигенции и осуществления контроля над ней. Перед АХР ставилась задача пропаганды идей «героического реализма», привлечения и воспитания местных художников в духе революционной идеологии и направление их творческих сил на идейное воспитание масс².

Финансовое обеспечение филиала АХР согласно уставу осуществлялось за счет членских взносов, пожертвований, займов, доходов от организации выставок, лекций, субсидий правительственные и общественных организаций, доходов от реализации работ его членов. Все денежные средства расходовались на нужды филиала. Его руководство было обязано отчитываться перед бюро филиалов по всем финансовым вопросам. На содержание филиала Союзным Наркомпросом выделялось 6 тысяч рублей в год и добавочно на аренду помещения — 25 рублей в месяц³.

Архивные источники свидетельствуют, что АХР сыграла значительную роль в решении профессиональных и производственных проблем художников Узбекистана. Работу художников осложняло отсутствие доброкачественных материа-

¹ Ўзбекистоннинг янги тарихи. К. 2. Ўзбекистон совет мустамлакачилиги даврида. Тошкент: Шарқ, 2000. С. 387.

² Российский государственный архив литературы и искусства (РГАЛИ) Ф. 2941, оп. 1, д. 36, л. 23.

³ РГАЛИ. Ф. 2941, оп. 1, д. 61, л. 1.

лов на рынке, их дороговизна, ограничение в выборе цветов, изобилие всякого рода имитаций. Учитывая это, АХР наладила производство красок, которые отличались пластичностью, яркостью и полнотой цвета, строго соответствовали химической формуле веществ. Эти краски члены АХР могли приобретать со скидкой 20 % от назначеннной цены (от 50 копеек до 2 рублей).

Ташкентским филиалом АХР была открыта студия для молодых художников, которая к 1930 г. насчитывала 60 учеников.

Нельзя точно определить общее количество членов АХР в Узбекистане, но известно, что на 1 октября 1925 г. в Ташкенте насчитывалось 31 ее членов. Всего по союзу было открыто 15 отделений с общим количеством членов 250 человек⁴. В Самарканде под влиянием АХР были открыты две художественные группы, одна из которых АРИЗО с преобладанием в ней художников-самоучек, разделяющих идеи АХР.

В Ташкенте студия АХР была открыта при Центральном художественном музее. Первые результаты ее работы, согласно годовому отчету, были положительными. Отмечалось, что в мае 1925 г. была проведена выставка картин художника Д. Кежушке, где было представлено свыше 200 картин, отражающих быт, культуру и этнографию народов Востока. Особенным успехом пользовалась выставка работ Ташкентского молодого художника А. Николаева, в дальнейшем известного под именем Усто Мумин⁵.

Члены АХР принимали активное участие в культурной жизни страны, в частности, их работы были представлены на выставке «Жизнь и быт народов СССР» в Туркестанском павильоне. В принципе, молодые художники активно вступали в этот союз, так как это обеспечивало им участие в выставках, покупку материалов по заниженным ценам и в целом совместное общение.

Внутри АХР шел постоянный процесс ротации и количественный состав ее членов постоянно менялся. Так, в 1925 г. АХР в Ташкенте насчитывала 18 ее членов: И.С. Казаков, Н.В. Розанов, К. Земкин, И.И. Головин, Н. Розанов, Б.В. Челли, М.Е. Новиков, А.И. Гринцевич, Н.И. Рыков, А.В. Николаев, Л.М. Лебедев, М.О. Маркевич, Е.Г. Бурцов, К.И. Янин, А.Н. Волков А.И. Дохно, Н.Г. Карабахан, С.Н. Карлов⁶. Как видим, среди них представителей местной национальности не было. В правление вошли 9 человек: председатель — Казаков И.С. секретарь — Головин И.И., члены — Розанов И.В., Новиков М.Е., Рыков Н.И., Лебедев Л.М., Бурцов Е., Земкин К., Розанов Н⁷.

Члены АХР ставили своей целью обрести статус «всесоюзной художественной организации», однако центральная власть считала такой процесс нецелесообразным. Вскоре руководство страны, настороженное чрезмерной активизацией художников, осознало, что цель не достигнута, а созданная организация

⁴ РГАЛИ. Ф. 2941, оп. 1, д. 179, л. 3.

⁵ РГАЛИ. Ф. 962, оп. 19, д. 159, л. 40.

⁶ РГАЛИ Ф. 962, оп. 19, д. 159, л. 13.

⁷ РГАЛИ Ф. 2341, оп. 1, д. 36, л. 27.

«возрождает реакционные тенденции старого академизма»⁸. Поощряя деятельность АХР, власти полагали, что эта ассоциация будет служить средством организации революционного сознания, воспитания нового человека, коллективиста и борца, который будет «не рабски благоговеть перед природой, а переделывать ее», но увидели в ней угрозу идеологического характера, во-первых, потому что в нее влились представители старой художественной школы и, во-вторых, создаваемые ими художественные произведения не отвечали заданной политической конъюнктуре. Поэтому метод работы Ташкентского филиала АХР был подвергнут резкой критике. Было принято определение, что филиал АХР не смог в должной мере выполнить «социальное задание» и профессиональные требования. Естественно, что массовые чистки, затронувшие все сферы жизни общества, в том числе и искусство, коснулись и АХР. Наступление на АХР в Ташкенте началось со статьи «АХРовая реакция под красной этикеткой»⁹, опубликованной в 1930 г. в «Правде Востока». Автор под псевдонимом А. Ксандр подвергал критике работу студии, методы преподавания, отсутствие программы занятий и преподавательского состава, а также и учеников: *«В студии 60 учеников. Среди них 7 комсомольцев, кроме них много молодежи, кроме нее много просто барышень и дам, которые учатся рисованию потому, что так было когда-то принято — хорошо воспитанная женщина должна уметь и рисовать, и играть на пианино»*¹⁰. По мнению автора статьи, вместо того, чтобы выполнять свое прямое предназначение в воспитании новой генерации советских художников, АХР поощряет мещанство и старый буржуазный уклад, с которым боролась советская власть, и основная цель посещения студии — в приятном времяпрепровождении и возможности получения легких денег: *«Годика три проучусь здесь и стану деньги зашибать. Буду такие вывески делать, что держись!»*

Критике был подвергнут также и постановочный материал: *«рисуют Христа, апостола Павла ... молодые парни и девушки искренне потянувшиеся к искусству, коряят над черепом с вороной»*.

Основные обвинения в адрес АХР заключались в оторванности от народа. В статье отмечалось, что *«Ташкентский филиал АХР, основной лозунг которого «Искусство в массы», с производством, с рабочей массой, с рабочими клубами связан не больше чем папа римский с ташкентским Дворцом труда ... не случайно художники революции отдают предпочтение черепу с дохлой вороной»*¹¹. Не ограничиваясь критикой, автор статьи призывал органы власти обратить внимание на деятельность студии, очистить ее состав от вредных элементов, *«а заодно выяснить, чем занимаются «христосики» из АХРа»*, а также *«способствовать выдвижению художников из рабочего класса»*.

⁸ РГАЛИ Ф. 2341, оп. 1, д. 36, л. 7.

⁹ Правда Востока. 17 января 1930 г.

¹⁰ Там же.

¹¹ Череп с вороной был муляжом для рисования.

Общий смысл статьи заключался в последних двух предложениях: «*пора сдать в архив старенького учителя рисования*»¹², где под «стареньким учителем» подразумевались прежние принципы академизма в изобразительном искусстве.

Эта статья имела большой резонанс и стала предметом обсуждения на заседании Московского областного союза советских художников 6 февраля 1930 г., в ходе которого обсуждалась постановка работы Ташкентского филиала АХР. Чтобы разобраться в положении дел на месте, из Москвы в Ташкент прибыл председатель ревизионной комиссии АХР Пшеничников, который услышал самые неблагоприятные отзывы: «*Ревизионная комиссия настаивает на чистке АХР от всего классового, враждебного, идеологически реакционного и примазавшегося элемента, видя в этом залог для более четкой и идеологически выдержанной работы*»¹³. По результатам этой работы было выработано «Особое мнение», которое якобы показало наличие борьбы и внутри организации. Политическую неблагонадежность Ташкентской ассоциации Пшеничников усмотрел в классовой неоднородности состава организации, а также в «политической отсталости» многих членов и даже в аполитичности. В своем отчете он писал: «*Увлечение каким-либо направлением, будь то фотонатурализм, иллюзионизм, импрессионизм или какое-либо другое направление в АХР, не приемлемо*»¹⁴. Считалось, что на почве борьбы из-за направлений художники искажают действительность и отдаляются от «пролетарского искусства, курс на которое был взят в рамках борьбы с формализмом и отражен в постановлении 1-го съезда АХР»¹⁵.

Обвиненная в политической отсталости, АХР в Ташкенте была подвергнута чистке, и по результатам работы комиссии (протокол № 20 от 30.03.1930 г.) было принято постановление о ее закрытии¹⁶.

Одновременно с АХР в Ташкенте существовали и другие художественные объединения. Так, например, в 1927 г. возникло творческое объединение «Мастера Нового Востока», задачей которого было объединение Среднеазиатских художников для привлечения к искусству народа. Для осуществления этого «Мастера Нового Востока» должны были устраивать выставки, доклады, лекции, диспуты и организовать библиотеку. Общество состояло из действительных, почетных и соревновательных членов. Действительными членами являлись его учредители, почетными те, кто имел заслуги перед отечеством или приобретшие известность своими трудами, а членами-соревнователями могли быть все желающие оказывать содействие обществу согласно их письменному заявлению¹⁷.

¹² Правда Востока, 17 января 1930 г.

¹³ РГАЛИ. Ф. 2941, оп.1, д. 61, 1 об. л.

¹⁴ РГАЛИ. Ф. 2941, оп.1, д. 319, л. 4.

¹⁵ Там же, л. 5.

¹⁶ Там же, л. 20.

¹⁷ ЦГА РУз. Ф. Р-2487, оп. 1, д. 32, л. 75.

Правление общества «Мастера Нового Востока» являлось его исполнительным органом, председателем был *М. Курзин*, его заместителем — *С. Мальт*, казначеем — *А. Николаев* (*Усто Мумин*), членами правления — *В. Маркова*, *А. Волков*, *В. Гуляев*. Для всех членов общества был установлен обязательный членский взнос — 1 рубль и ежемесячные отчисления — 50 копеек¹⁸. Правление общества должно было представлять отчет о ежегодной деятельности общества путем публикации его в общественной печати. В случае отсутствия публикации в 3-месячный срок общество должно было прекратить свое существование.

Средства общества состояли из субсидий правительственные и общественных учреждений, членских взносов и пожертвований, доходов от продажи изданий, сборов за вход на лекции, выставки и других поступлений¹⁹.

В мае 1929 г. «Мастерами Нового Востока» была принята резолюция, которая отражала насущные и повседневные вопросы жизни художников, согласно чему они могли получать и выписывать книги и художественные материалы из-за границы, имели право на льготный железнодорожный проезд. Согласно данной резолюции ставилась задача направить художников на фиксирование моментов «революционной борьбы» Средней Азии при музее революции, вовлечение художников в конкурсы и художественные советы, комиссии по оформлению празднеств и издание открыток, гравюр, литографий²⁰. Однако изучение архивных материалов показывает, что зачастую декларируемые в резолюции постановления не получили реального воплощения в жизнь.

В 1929 г. в Ташкенте и Самарканде появилась Ассоциация работников изобразительного искусства (АРИЗО), которая просуществовала до 1932 г. В Ташкенте ее председателем был тот же М. Курзин, в Самарканде — О. Татевосян.

Такташ Р.Х. в книге «Изобразительное искусство Узбекистана» писал, что художники этого сообщества, в отличие от АХР, действительно придерживались принципов социалистического реализма. Однако анализ творчества М. Курзина, В. Марковой, О. Татевосяна показывает, что в 1929–1932 гг. эти художники находились в творческом поиске, сохраняли свою яркую индивидуальность и были далеки от принципов соцреализма.

АРИЗО также вскоре была обвинена в спаде общественной инициативы, в беспричинности и аполитичности, что вызвало протест наиболее активных ее членов. В Самарканде в это же время были созданы экспериментально-производственные мастерские, называемые «Изофабрика»²¹.

Следует отметить что списки членов и отчетность по деятельности всех существующих художественных организаций и обществ ежегодно представлялись в органы НКВД. Однако не всегда они успевали проследить за их деятельностью и исполнением предписанных им задач.

¹⁸ ЦГА РУз. Ф. Р-2487, оп. 1, д. 32, л. 79.

¹⁹ Т а м ж е, об. л. 75.

²⁰ РГАЛИ. Ф. 94, оп. 5, д. 514, л. 80–81.

²¹ Т а к т а ш Р. Х. Изобразительное искусство Узбекистана. Ташкент, 1972. С. 72.

Вскоре на основании постановления ЦК ВКП(б) «О ликвидации художественных группировок» от 23.04.1932 г.²² все существовавшие в стране объединения были ликвидированы. Созданные же новые профессиональные творческие союзы (художников, архитекторов, писателей и т. п.) были полностью в подчинении государства.

История творческих объединений художников, в частности АХР, «Мастера Нового Востока» и АРИЗО, показывает, что они были абсолютно новым явлением в культурной жизни Узбекистана. Эти организации объединяли достаточно талантливых художников, работающих в различных направлениях. Они явились неким маяком, вокруг которого была сосредоточена художественная интеллигенция Узбекистана.

Основное значение первых объединений художников Узбекистана состояло в том, что они не просто принимали участие в становлении и формировании изобразительного искусства, но и привнесли в этот процесс самые современные течения. Результатом их творчества стали уникальные, яркие, самобытные произведения, отражающие красоту и своеобразие Востока.

Немаловажно и то, что эти организации оказывали всемерную поддержку молодым художникам в решении их бытовых проблем. Они были призваны пропагандировать искусство «национальное по форме и социалистическое по содержанию», выражали в определенной степени свободу творчества, альтернативу подходов и были на первых порах проявлением институционального оформления изобразительного искусства Узбекистана, отражающего специфику художественной жизни 20-х годов XIX в.

Однако их история — это еще одно свидетельство того, как вытравливались альтернативная мысль и альтернативное поведение, не входящие в русло коммунистической идеологии советского режима.

²² ЦГА РУз. Ф. Р-2320, оп. 1, д. 26, л. 1.

M. ТУХТАЕВА

ИЗ ИСТОРИИ ПЕРВЫХ ТВОРЧЕСКИХ ОБЪЕДИНЕНИЙ ХУДОЖНИКОВ УЗБЕКИСТАНА В 20-Е ГОДЫ XX ВЕКА

В статье рассматривается история создания первых творческих объединений изобразительного искусства в Узбекистане — АХР, «Мастера Нового Востока», АРИЗО. На основе анализа протоколов заседаний, материалов периодической печати реконструированы их деятельность, цели и задачи создания, состав, а также показано влияние, которое они оказали на развитие искусства в Узбекистане. Также выявлены механизмы влияния (как позитивного, так и негативного) органов власти в вопросах культурной политики, прямого идеологического давления на творчество художников в рассматриваемый период.

Ключевые слова: ассоциация художников, изобразительное искусство в Узбекистане, интеллигенция, политика, АХР, Ташкент, «Мастера Нового Востока», АРИЗО, НКВД.

M. ТУХТАЕВА

XX АСРНИНГ 20-ЙИЛЛАРИДА ЎЗБЕКИСТОН РАССОМЛАРИ ДАСТЛАБКИ ИЖОДИЙ УЮШМАЛАРИ ТАРИХИДАН

Мақолада Ўзбекистонда ташкил этилган дастлабки санъат ижодий бирлашмаларининг тарихи баён этилган. Шунингдек, дастлабки уюшмаларнинг фаолияти, мақсад ва вазифалари, уларнинг Ўзбекистон тасвирий санъати ривожига қўшган ҳиссаси мажлис баённомалари, даврий матбуот материаллари асосида кўрсатиб берилади. Бундан ташқари, шу даврда маданият соҳасидаги сиёсатнинг рассомлар ижодига ижобий ва салбий таъсири, ҳукумат органлари томонидан мафқуравий босимнинг таъсир этиш механизmlари аниқланган.

M. TUKHTAEVA

FROM THE HISTORY OF THE FIRST CREATIVE ASSOCIATIONS OF UZBEKISTAN'S ARTISTS IN THE 20S OF THE 20TH CENTURY

The article examines the history of the first creative associations of fine arts in Uzbekistan. Besides that, the paper shows the activities, aims and tasks of associations and their contribution to the development of the fine arts of Uzbekistan based on archive documents and materials of periodicals. In addition, it finds out the mechanisms of influence of the authority (positive and negative) in a question of the cultural policy and ideological pressure on the work of the artists in that period.

C. НУРЖАНОВ

ПРЕССА КАРАКАЛПАКСТАНА 30-Х ГОДОВ XX ВЕКА И МАССОВОЕ СОЗНАНИЕ

Массовое сознание формируется на базе многовековых мироощущений и мировосприятия какой-либо общности, которое в течение времени подвергается воздействию событиями и явлениями общественно значимого характера. В начале XX в. одним из средств воздействия на массовое сознание стала периодическая печать. Массовое сознание, как явление многоструктурное и сложное, не являлось объектом изучения так же, как и периодическая печать Каракалпакстана. Робкие попытки ученых середины 1960-х годов и некоторые попытки анализа истории и жанровых особенностей печати Каракалпакстана в годы независимости не ставили вопрос в данном контексте. До сих пор газеты Каракалпакстана не становились даже объектом количественного и качественного анализа, когда как последнее дает возможность рассмотреть деятельность печатных периодических изданий как способ воздействия на массовое сознание, а также изучить внедрившиеся в массовое сознание идеологемы и факторы, способствовавшие их укоренению.

Сама система периодической печати Каракалпакстана была налажена к 1930 г. Возникшая в 1924 г. местная газета «Еркин қарақалпақ» на арабской графике, до 1930 г. переживала период становления и формирования. Тогда только формировались основы письменного каракалпакского литературного языка: в Ташкенте были выпущены учебники С. Маджитова¹ «Қарақалпақ тилинд әлипбе», «Егеделер саўтасы», «Оқыў китабы», он же являлся ответственным секретарем газеты. Она была единственной газетой, если не считать стенные газеты при областных учреждениях, в основном в г. Турккуле. Несколько раз сменялись редакторы газеты, материально-техническая база была слабой, поэтому «Еркин қарақалпақ» выпускалась нерегулярно: в 1924–1929 гг. было выпущено 147 номеров.

В сентябре 1927 г. ответственным секретарем Каракалпакского обкома назначается бывший заведующий Агитационно-пропагандистского отдела Казкрайкома П. Варламов². И в 1927/1928 г. в Каракалпакстане началась проверка областного и местного государственного аппарата, а после Тахтакупыр-

¹ Маджитов Сейфулгабит (1865–1938) — общественный деятель, известный просветитель, поэт и драматург, автор первых учебников на каракалпакском языке на арабской и латинизированной графиках. Один из первых редакторов газеты «Еркин қарақалпақ». Был арестован за «пропаганду националистических взглядов», т.н. «маджитовщину». Умер в тюрьме. Подробнее см.: Ба башев Ш. Қарақалпақстанлы зиялъялар устинен сиясий процесс. Нукус, 2012.

² Архив Президента Республики Казахстан. Ф. 141, оп. 1, д. 625.

ских событий 1929 г.³ началась чистка их рядов. Информационно-идеологическую поддержку должна была осуществлять пресса, при этом ставилась задача освещения мероприятий партии и государства, осуществления агитационно-пропагандистской работы, призванной обеспечивать лояльное общественное мнение в настоящем и формирование новых общественных отношений. Призываая к решительной борьбе с «контрреволюционными» элементами, правым и левым уклонами, оппортунизмом, советская власть через прессу активно продвигала новые идеологические ценности и социальные установки. Большое внимание уделялось укреплению материально-технической базы издательского дела и уже в 1928/1929 г. было выпущено 80 номеров газеты «Еркин қарақалпақ».

В 1930 г. в Каракалпакстане газета была переименована в «Мийнеткеш қарақалпақ» (с 1931 г. — «Қызыл Қарақалпақстан»), начали издаваться газеты «Советская Каракалпакия» и журнал «Қызыл қарақалпақстан», через год — газета «Қарақалпақстан комсомоллары» («Жас ленинши»), а еще через год — журнал «Мийнет әдебияты». Некоторое время существовала Турткульская районная газета «Колхозы» под редакцией Ж. Захирий. Только в 1932—1935 гг. было выпущено 624 номера «Қызыл Қарақалпақстан», тираж газеты достиг 7 тысяч экземпляров. В 1933 г. в республике издавалось 6 газет, а в 1936 г. их количество достигло уже 10: 5 республиканских («Қызыл Қарақалпақстан», «Советская Каракалпакия», «Жас ленинши», «Совет мугаллими», «Жеткиншек») и 5 районных («Колхоз күши» (Чимбай), «Балықшы» (Муйнак), «Социаллық курылыш» (Нукус), «Социализм жолы» (Кипчак), «Шопандар уни» (Тамды)), также журналы «Женис ҳаўзасы», «Коммунист Каракалпакии». Дальнейшее развитие получила сеть стенных газет при областных государственных учреждениях, особенно в Турткуле. Усилилось партийное руководство печатью, которое осуществляло сектор печати Каракалпакского обкома партии. Данный отдел курировал областной ЛИТО (Литературно-издательский отдел Наркомата просвещения ККАССР), образованный в 1931 г.⁴ ОбЛИТО осуществлял деятельность по подготовке и изданию учебников, книг, брошюр, а также периодических изданий на каракалпакском языке, осуществлял своего рода цензуру в издательском деле и, согласно инструкции, ККГИЗ каждый раз обязана была получать разрешение на все издаваемые газеты, брошюры и другие издания⁵.

³ В сентябре 1929 г. в Тахтакупыре вспыхнуло антисоветское вооруженное выступление, ставшее первым в цепи народных восстаний 1929—1931 гг. в Казахстане против советской власти. Подробнее см.: Аллан иязов Т. Контрреволюция в Казахстане: Чимбайский вариант. Алматы, 1999; Давлетова Г. Тахтакупырское восстание в Каракалпакстане 1929 года. АКД. Нукус, 2001. 24 с.

⁴ В 1919 г. в Москве при Наркомпросе РСФСР было учреждено Государственное издательство, централизовавшее цензуру в стране. В 1922 г. было организовано Главное управление по делам литературы и издательств (Главлит), которое осуществляло контроль над всеми печатными изданиями. Оно имело структурные подразделения во всех регионах, в том числе в ККАССР после вхождения ее в состав РСФСР.

⁵ Архив Жокаргы Кенеса Республики Каракалпакстан. Ф. 1, оп. 3, д. 389, л. 93.

Газеты в начале 1930-х годов получали огромные дотации и капиталовложения на укрепление материально-технической базы издательско-полиграфического дела, что позволяло расширить информационное пространство. Совместно с партийными органами редакции газет, особенно две центральные, — «Қызыл Қарақалпақстан» и «Советская Каракалпакия» — широко привлекали своих корреспондентов для действенного освещения всех процессов в каракалпакском ауле. В основном ими являлись советско-партийные работники и аульно-кишлачные учителя. В редакцию поступали в основном публикации, направленные против зажиточных слоев, духовенства и инакомыслящих. К середине 1930-х годов «Қызыл Қарақалпақстан» имела более 400 общественных корреспондентов (рабселькоров), проводились совещания рабселькоров при редакции газеты, выездные собрания с участием районного актива, созывались читательские конференции.

Анализ содержания показывает, что эволюция газетного дела в Каракалпакстане была тесно связана с форсированием классовой борьбы в обществе в этот период. Периодическая печать была назначена пропагандировать идеологемы новой власти, внедрять в массовое сознание идеологические принципы и социальные установки советской власти в условиях патриархального каракалпакского общества. Традиционные основы того общества опирались на религиозные догмы ислама, которые регулировали все стороны жизни общества и были глубоко укоренены в массовом сознании. Именно они определяли повседневный образ мышления, поведенческие стереотипы и социальные установки. Культурное, социальное и гендерное неравенство, экстенсивность ведения сельского хозяйства, догматизация всей системы общественных отношений привели к маргинализации общества.

Перманентная борьба религии и идеологии новой власти в каракалпакском обществе продолжалась до 1930-х годов. В это время ввиду отсутствия каких-либо реальных средств воздействия на массовое сознание религия все еще сохранила свои позиции в общественном сознании и повседневности. Советской власти приходилось считаться с такой ситуацией: какое-то время после установления советской власти некоторая часть зажиточных слоев была вовлечена в органы управления или была лояльна к властям, так как внешне, как считает Б. Рассел, большевики проповедовали идеи, понятные мусульманскому сообществу и близкие его умонастроениям⁶.

Анализ материалов газет показывает сущность политики центра, направленной в первую очередь на расширение базы сырья и усиление идеологической борьбы. Например, с начала 1930-х годов основными темами республиканских газет явились мобилизация усилий на сезонные сельскохозяйственные работы, связанные с выращиванием хлопка-сырца, и выполнение государственного плана по нему. Другой темой стала чистка советско-партийного аппарата всех уровней, которая проходила в два этапа — 1929–1930 и 1934–1935 гг.

⁶ Бертран Рассел. Практика и теория большевизма. Москва, 1991. С. 16.

В какое-то время эти две темы были тесно переплетены в публикациях изученного нами комплекса газет. Например, в 1934 г. республика не выполнила план по сдаче хлопка государству, в процессе хлопкозаготовок в отношении руководителей районов, не выполнивших задание, заводились «личные дела» и они подверглись первоочередной чистке. Решения и результаты работы республиканских и районных комиссий по чистке широко освещались в прессе. Например, в 1934 г. Шаббазский район отстал от всех районов республики по выполнению плана хлопкозаготовок (не более 50 % к 1 декабря т. г.). В начале декабря это обстоятельство стало предметом обсуждения в Бюро обкома и на заседании республиканской комиссии по чистке, которая признала в действиях руководства района «кулацкий саботаж и вредительство, примиренческое отношение к кулацким пособникам внутри партии». В газете были опубликованы выдержки из постановления Бюро Каракалпакского обкома о секретаре Шаббазского района Мирзаахмедове и само постановление районной комиссии по чистке с указанием всех его ошибок до этого дня и исключения его из членов партии⁷.

Работа республиканской комиссии по чистке широко освещалась в прессе. Постановления, решения и объявления о заседаниях комиссии постоянно публиковались в газетах. Например, в конце 1934 г. «Советская Каракалпакия» выделила целую страницу на «Заявление тов. К. Аvezова — бывшего председателя СНК ККАССР председателю республиканской комиссии по чистке каракалпакской парторганизации тов. Зайцеву» и постановление данной комиссии «О чистке тов. К. Аvezова — бывшего председателя СНК ККАССР» от 31.12.1934 г. Здесь К. Аvezова обвинили в участии в буржуазных националистических группировках в 1925 г. и в «группе 4-х», оппортунизме и либеральном отношении к кулакам, нерешительности и двурушничестве в разрешении вопросов хозяйственно-политического строительства в республике. Особым пунктом был выделен вопрос о его поддержке опального поэта-просветителя и драматурга С. Маджитова. В своем заявлении К. Аvezов признал свои ошибки, но это признание авторитетного и уважаемого всеми человека, стоявшего у истоков образования каракалпакской советской государственности, имело наибольший эффект в воздействии на массовое сознание.

Особой темой периодической печати первой половины 1930-х годов была борьба против «жат жамай» («чуждый элемент»). Границы этого понятия были достаточно широки: сюда относили бывших баев, ахун-ишанов, торговцев, арендодателей, бывших служащих царской администрации до таубов (зناхари), бахсы, спекулянтов, аферистов и пьяниц. Сюда относили даже ремесленников, скотоводов и дехкан, использующих наемный труд 1–2 человек. Круг этих лиц был определен партийным органом Каракалпакской автономной области еще в период выборов в местные советы 1927 г⁸. Публикации газет подобного харак-

⁷ Советская Каракалпакия. 1930, 4 декабря.

⁸ Нуржанов С. Каракалпакская автономная область: история в источниках. Нукус, 2014. С. 84.

тера находились на особом учете у контролирующих органов: среди документов архивов хранится большое количество вырезок из газет с публикациями о «жат жамай». Они тщательно прослеживались и наиболее значимые, по их мнению, публикации обсуждались партийно-советскими органами, а выполнение решений органов управления контролировалось Рабоче-крестьянской инспекцией.

Другим направлением деятельности редакции стало внедрение в массовое сознание идеологем новой власти. Идеологемы функционировали как в официальной, так и в неофициальной сфере жизни общества. В 1930-е годы они заключались в таких понятиях, как борьба против байства и духовенства, уничтожение частной собственности, поиск врага (внешнего (фашисты) и внутреннего («жат жамай»)), борьба с влиянием религии, отмена калыма, частная торговля и т. д. Например, «Қызыл Қарақалпақстан» публиковала материалы под рубрикой «Сообщения с мест», где формировался образ классового врага социально-политического (байи, ахуны, ишаны, торговцы) и обыденного уровня (растратчики, пьяницы). На этой основе газеты вели широкую борьбу против традиционных основ общежития и сложившихся общественных отношений. Особое внимание уделялось антирелигиозной пропаганде. В общественное сознание внедрялись такие понятия, как «саботажник», «вредитель» (зыянкес), «оппортунист» и т. п., которые вскоре превращались в своего рода клише. Примечателен материал в «Қызыл Қарақалпақстан» о совещании в Тахтакупыре в связи с подписной кампанией на республиканские издания. Прибывший из Турткуля член комиссии обвинил местные власти в оппортунизме, на что председатель исполнкома отреагировал мгновенно: «Уай-уай, бизиң сорымызды құртасанғой. Кемшилик бары ырас, оны мойнымызға аламыз, бирақ оппортунист деген сауданды қой, жора» (букв. «Вай-вай, ты нас погубишь. Есть недостатки, признаем, но огради нас от такой напасти, как «оппортунист», приятель»)⁹. Здесь не только непонимание значения данного понятия руководством района, но и страх перед нарождающейся системой всеобщего страха перед властью.

Такому состоянию способствовала именно периодическая печать: со странниц республиканских газет шло активное давление на функционирование взаимоотношений власти и общества. Например, в прессе активно муссировались материалы о последствиях за невыполнение партийных установок и директив («За отсутствие работы по реализации выводов комиссии — подвергнуть повторной чистке», «Решения партии о выдвиженцах игнорировали»), бездейственность местных органов управления, критиковались беззакония советско-партийных работников и комсомольцев, особенно активистов («Колхоз теперишлерин тәрбиялау керек», «Жат жамай кенес аппаратынан құйылса екен»).

Одновременно в прессе остро ставился вопрос об облике доморощенного активиста, называемого в ауле-кишлаке «бельсенди», «тепериш». Например, в первой половине 1930-х годов в газетах часто упоминалось о совместных меро-

⁹ Қызыл Қарақалпақстан. 1935, 29 январь.

приятиях в ауле и кишлаке (тоях, поминках) с участием аульно-кишлачного актива, что подразумевало либо «смычку», либо примиренческое отношение к байским элементам и их пособникам. Наиболее злостные подвергались чистке, но часто активисты из батрацко-бедняцкой среды получали выговор или их «ставили на вид». Тем самым акцентировалось внимание читателя на особое положение подобного рода активиста в обществе. При этом образовательный уровень этого новообразованного сословия оставался низким: в основном превалировали неграмотные и полусознательные батраки и бедняки. Например, во время чистки на вопрос: «Ты коммунист, в чем заключается твоя задача в колхозе?» член партии некто О. Курбанов ответил, что его задача «руководить и обеспечить выполнение различных планов». Показательно, что во время этой «беседы» О. Курбанов высказал заученное клише о своих общественных деяниях: о том, как помогал сироте, построил мост, работал в колхозе, а на вопрос «В какой партии состояишь?», ответил: «Не знаю, состоял в колхозе, колхоз советский, билет тоже советский»¹⁰.

Подобного рода анекдотические казусы освещались и на страницах газет. Например, автор, некто Далмен, пишет о поездке в колхоз «Большевик» аула Сахтыян Турткульского района. Он приводит интересный диалог с активистом колхоза по прозвищу «Большевик» — партийцем с 6-летним стажем. Материал в форме фельетона показывает уровень местного аульного актива (при этом недалеко от областного центра). На вопрос «Кто такой Сталин?» он не сразу, но отвечает: «Хозяин, а его задача — поручить колхозникам заполнить арбу удобрениями и отвезти куда надо»¹¹.

В целом, при изучении материалов газет формируется мнение, что в партию вступали, чтобы руководить и иметь привилегии. В партию принимали исходя из социального происхождения, из числа батраков и бедняков, от части и седняков, а партийный билет давал им многие возможности и преференции, в том числе возможность руководить и властвовать.

Справедливости ради укажем, что ряд публикаций в газетах был направлен и против таких явлений, как выдача несовершеннолетних девочек замуж, проституция, пьянство, противоборство процессу массовой ликвидации неграмотности и всеобщего культурного развития. Например, в традиционном обществе были распространены выдача 10–12-летних девочек замуж или же такая форма проституции, как «қаранғы қонақ» (букв. «темный гость», когда богатый или имеющий власть мужчина выбирает женщину на одну ночь, иногда против ее воли). Среди «европейцев» широко распространялось пьянство и высокомерное отношение к местным простолюдинам. Новоиспеченные местные активисты, так называемые «бельсенди» и «тепериш», довольно быстро усвоили эти «традиции» и нормы поведения, что стало объектом многих сообщений с мест. Этот

¹⁰ Архив Жокаргы Кенеса Республики Каракалпакстан. Ф. 1, оп. 4, д. 439, л. 44.

¹¹ Қызыл Қарақалпақстан. 1936, 30 январь.

вопрос даже рассматривался в Бюро обкома партии, а на V пленуме Каракалпакского обкома партии от 30 мая 1935 г. было принято постановление «О партийно-организационной и политико-воспитательной работе»¹².

Новый этап работы прессы в контексте нашей темы начинается с середины 1935 г., когда 16 июня в республиканских газетах было опубликовано постановление ЦК ВКП(б) «О пропагандистской работе в ближайшее время» и роли местных изданий в этом деле. Республикаинские издания стали чаще дублировать центральные, публикуя передовицы центральной газеты партийцев «Правда», а также сообщения с мест под «кричащими» заголовками («Выше классовую бдительность, изгнать из колхозов кулаков и их агентуру», «Зыянкеслердин қалдығын саплайы?», «Кулак саботажына ҳәм көз бояшылыққа қатты соққы беремиз» и т. п.). Наравне с ними превалировали материалы целенаправленного мобилизационного и направляющего характера. Например, в нескольких номерах республиканских газет публиковали ход московского процесса троцкистско-зиновьевского террористического центра в августе 1936 г. В «Қызыл Қарақалпақстан» и «Советская Каракалпакия» участились призывы к выявлению «врагов» — троцкистов и непримиримая борьба с ними. Пресса призывала к революционной бдительности, тем самым порождая всеобщий страх и подозрительность. Появилась рубрика «Помощь пропагандисту», где публиковались материалы о «внутреннем враге» («Двурушники-убийцы», «Троцкист — вредитель, диверсант, шпион», «Гнилые либералы — пособники врагов», «Подлеши из подлых» и т. п.), сюжет которых дублировался в материалах с мест («Когда враг не сдается — его уничтожают», «Уничтожить всех, посягающих на социализм», «Заслуженная кара врагам народа» — репортажи с митингов, общих собраний трудящихся республики, «Троцкист-двурушник Чихрадзе исключен из партии» — репортаж с митинга сотрудников областного Аптеокупирования).

Применялся вербальный и визуальный методы противопоставления «у них — у нас», «прошлое — сегодня» в форме публикаций, фотографий, рисунков. Прессой создавался облик новой окружающей среды обитания, нового мира: через фотографии демонстрировались еще неизвестные местному сообществу показательные образцы многоэтажных домов, магазинов, школ, библиотек, а также автомобили и трамваи; через подстрочки к портретам колхозников, заметки и статьи пропагандировались новые общественные ценности (коллективизм, всеобщий труд и колхозное благополучие). Шел активный процесс формирования образа современного советского героя: в условиях Каракалпакстана в газетах широко пропагандировались люди труда и постепенно выделявшаяся фигура советского руководителя как выходца из простого народа. После выполнения республикой плана хлопкозаготовок на 1935 г. лучшие представи-

¹² Советская Каракалпакия. 1935, 12 июня.

тели колхозов и руководители Каракалпакстана были награждены высокими правительственные наградами, вручение которых состоялось в Москве. На первых полосах были опубликованы портреты орденоносцев, освещались их встречи в Москве и на родине, прибытие в родной колхоз, публиковались фотографии и их речи, рассказы с восхвалением партий и лично Сталина. При этом создавалась иллюзия всеобщего, целого, преподносившегося как «наше, советское». На «всеобщность» претендовали летчики, перелетевшие через океан, покорившие Арктику, фотографии и репортажи о них давались на целые полосы местных газет. Как всеобщее преподносились подвиги Стаханова — рабочего-шахтера, вылившиеся затем в целое движение «стахановцев». Шла пропаганда «общих» социальных, но духовно-нравственных и культурных ценностей, игнорирующих традиционные. При этом в центре всего «созидательного» стояли партия и ее глава И. Сталин.

А в неудачах колхозного строительства и проблемах социально-экономического характера в сельском хозяйстве власти обвинили сначала зажиточные слои и духовенство, а после их ликвидации — их сообщников и двурушников уже внеклассовой принадлежности, то есть ими могли оказаться любые представители общества, кто выступал против воли властей. Одновременно государство начало поиск новых форм организации труда в колхозах. В публикациях газет начала 1937 г. была выдвинута новая фигура преобразований в сельском хозяйстве — бригадир. Создавалась своеобразная иерархия в управлении сельскохозяйственным производством, при этом ответственность налагалась на бригадира, который непосредственно отвечал за выполнение государственных планов. «Советская Каракалпакия» писала: «Бригадиру надо создать все условия для работы. Тогда бригада в целом и каждый колхозник в отдельности будет чувствовать ответственность за порученный участок работы»¹³. Газеты называли их «командирами колхозных полей», предоставляя им слово на страницах печати, направленной в первую очередь на усовершенствование производственных мощностей и получение экономических выгод с коллективных хозяйств. Противопоставляя прошлое с настоящим, через газеты шла активная пропаганда «колхозного будущего», затмевавшего собой издержки социального благоустройства жизни тружеников в настоящем.

Другой формой «противопоставления» стали материалы под рубрикой «Сырт еллерде» («За рубежом»), где публиковались сообщения о фашистской Германии, Итало-аббисинской войне, событиях в Испании, милитаристской политике Японии, сложной жизни простолюдина в США. Тем самым пресса внедряла в сознание читателей, что только в советском государстве и только в колхозах могут быть обеспечены благосостояние и благополучие, спокойствие и стабильность. Такой метод не потерял практики и в современной системе массовой коммуникации.

¹³ Советская Каракалпакия. 1937 год, 12 февраля.

К концу 1930-х гг. зависимость редакций газет от советско-партийного аппарата усилилась, их деятельность регламентировалась правовыми нормами, подвергалась цензуре. Газеты превратились в мощный инструмент воздействия и моделирования массового сознания и мировоззрения населения, осуществив информационно-пропагандистское сопровождение репрессивной политики советской власти. Факторами, способствовавшими успеху данного процесса на тот момент, явились агрессивная агитационно-пропагандистская кампания, трансформация существовавшей системы традиционного каракалпакского общества, непримиримость противоборствующих сторон (уничтожение бывших зажиточных слоев как класса, преследование противников советской власти и ликвидация малочисленных басмаческих группировок, с одной стороны, убийства «бельсенди», женщин-активисток, насильтственные действия бывшей верхушки общества в отношении простого населения — с другой) и др. Одновременно материалы газет указывают на неоднозначность общей ситуации в обществе.

Периодическая печать имела огромный агитационно-пропагандистский потенциал и сыграла большую роль во внедрении массового сознания идеологем и новых социальных установок советской власти. Расширение информационного пространства дало возможность сделать каждого объектом воздействия, при этом направленность идеологической пропаганды еще более усилила классовую непримиримость и раскол внутри общества, порождая всеобщий страх, а государственное насилие над личностью считая повседневной нормой.

В целом, анализ материалов печати позволяет расширить спектр изучаемых вопросов по истории нашего края. Разработка вопросов по поводу того, как воспринимался процесс коллективизации на обыденном уровне, как формировалось мироощущение простых людей, как закреплялась диктатура партии в общественных отношениях и повседневности и т. д., требует продолжения с привлечением других источников, актуализирует применение новых методов.

С. НУРЖАНОВ

ПРЕССА КАРАКАЛПАКСТАНА 30-Х ГОДОВ ХХ ВЕКА И МАССОВОЕ СОЗНАНИЕ

Периодическая печать Каракалпакстана в 1930-е годы становится активным проводником новых социальных установок, активно дискредитируя традиционные идеологемы. Печать создавала иллюзию всеобщего равенства и оправдывала репрессивную политику советской власти. В массовом сознании формировались поведенческие нормы и характер мышления, основанные на всеобщем страхе и тревожности.

Ключевые слова: периодическая печать Каракалпакстана, 30-е годы XX века, «Еркин қарақалпақ», «Қарақалпақ тилинде әлипбे», «Егеделер саўаты», «Оқыў китабы», «Қызыл Қарақалпақстан», идеологемы, газеты, журналы, массовое сознание.

С. НУРЖАНОВ

XX АСРНИНГ 30-ЙИЛЛАРИДА ҚОРАҚАЛПОҒИСТОН МАТБУОТИ ВА ОММАВИЙ ОНГ

1930-йилларда Қорақалпоғистон даврий матбуоти анъанавий ижтимоий қарашлар ва меъёрларни инкор этиб, янги ижтимоий механизм ва фаол ғоявий йўл кўрсатувчига айланди. Даврий нашрлар орқали барчанинг тенг эканлиги ҳақида хомхәёл тасаввур уйғотиб, совет ҳукуматининг қатағон сиёсатини оқлашга ҳаракат қилди. Омма онгига умумий қўрқув ва хавотирга асосланган хулқ нормалари ҳамда фикрлаш тарзи вужудга келди.

S. NURJANOV

THE PERIODICALS OF KARAKALPAKSTAN IN THE 30S OF THE 20TH CENTURY AND PUBLIC CONSCIOUSNESS

The periodicals of Karakalpakstan in the 1930s became an active conductor of ideologemes and new social installations, actively discrediting the traditional ones. The press created the illusion of general equality and justified the repressive policy of the Soviet authorities. In the mass consciousness the behavioral norms and nature of thinking were formed based on general fear and uneasiness.

ТАРИХШУНОСЛИК ВА МАНБАШУНОСЛИК

O. MAHMUDOV

ТОЛЕДО ТАДҚИҚОТ МАКТАБИДА ШАРҚ ОЛИМЛАРИНИНГ ТАРЖИМА ҚИЛИНГАН АСАРЛАРИ ХУСУСИДА

Ҳозирга қадар IX–XII асрларда яшаб ижод қилган Шарқ олимларининг илмий меросини ўрганиш борасида кўплаб изланишлар олиб борилиб, қатор ишлар эълон қилинган. Айтиш керакки, уларнинг аксари фундаментал тадқиқот даражасида. Аммо, шунга қарамай уларда алломалар асарларининг Европада таржима этилиши хусусидаги, айниқса, дастлабки таржималари тўғрисидаги маълумотлар умумий характерга эга. Яъни бу турдаги ишларда, гап бирор-бир аллома асарининг XII–XIII асрларда Европада таржима этилиши хусусида боргандা, кўпинча, асарнинг таржима қилинган асрини келтириш билангина чекланилади. Асар таржимони кимлиги, таржимачилик иши қандай услубда, қачон, қаерда амалга оширилгани, мазкур таржиманинг минтаقا илмлари ривожидаги аҳамияти қай даражада бўлгани хусусидаги масалалар эътибордан четда қолади. Шунингдек, бу тур тадқиқотларда маълумотларнинг асосий қисми ўтган асарнинг 70–80-йилларида нашр этилган биобиблиографик асарлардан тасарруф этилганлиги боис, улардаги мавзуга оид далиллар бир-бирига ўхшаш қайтариқлардан иборат бўлиб қолмоқда. Мазкур сабаблар айни соҳада чуқур илмий изланишлар олиб боришни тақозо этмоқда.

Айтиш керакки, XII–XIII асрларда Испаниянинг Толедо шаҳрида¹ фаолият юритган таржима мактаби Шарқ олимлари асарларининг Фарбдаги ilk тадқиқ марказларидан бири эди. Ўрта аср Европа халқлари фани ва маданияти тарихида Толедода бунёд этилган илмий мактаб сўзсиз, йирик илмий воқеа саналади. Шу боис илмий марказга алоқадор масалаларни ўрганиш борасида Farb мутахассислари қатор изланишларни амалга оширганлар. Бироқ, шунга қарамай, Толедо мактаби таъсис этилган йил ҳақидаги аниқ маълумот ҳозирга қадар маълум эмас. Айрим илмий тадқиқотларда мактабнинг ташкил топиши 1125–1151 йилларда Толедо архиепископи лавозимида ишлаган Раймондо де Сальвета номи билан боғланади. Унинг бевосита раҳбарлигига Толедо шаҳри черкови нинг² кутубхонасида жамланган асарларни таржима қилиш ва ўрганиш мақса-

¹ Пиреней ярим оролининг марказида жойлашган шаҳар. Шаҳар тўғрисидаги батафсил маълумот учун қаранг: Р а у о J.C. This is Toledo: History, Monuments, Legends. Toledo: Artes Graficas Toledo, 2002.

² Черков V–VI асрларда вестготлар томонидан бунёд этилган кичикроқ ибодатхона ўрнида курилган. Араб халифалиги даврида масjidга айлантирилди. Толедо араблардан озод қилингач, черков сифатида қайта тикланади. Архиепископ Раймондо ташабуси билан таъмирланган. 1227 йилдан бошлаб Муқаддас Мария бош черкови (исп. Catedral Primada Santa Maria de Toledo) номи билан юритилади. 1986 йилда ЮНЕСКО томонидан Бутунжаҳон ёдгорликлари рўйхатига киритилган.

дода маҳсус таржимонлар гуруҳи тузилади. Шу тариқа Толедо мактабининг ўзаги ҳисобланган таржимонлар жамоаси шаклланган. Тадқиқот давомида кўлга киритилган маълумотларнинг таҳлил натижасига таяниб, Толедо мактабининг шаклланиши ва фаолиятини З босқичга ажратиш лозим, деган холосага келдик. Чунки, ҳозирга қадар эълон қилинган мавзуга оид ишларда айни масала аниқ ва тизимли ёритилмаган. Бу босқичлар қуйидагилардан иборат:

I босқич. 1124–1151 йилларни ўз ичига олган мазкур даврда асосан аниқ ва табиий фан соҳалари: математика, астрология, астрономия ва тиббиётта тегишли асарлар таржима қилинган. Бу даврдаги таржималарнинг асосий қисми юқорида номи тилга олинган Раймондога бағишлиланган³. Бу Толедо мактабининг шаклланишида мазкур шахс муҳим роль ўйнаган деб холоса қилишга асос бўлади. Эътиборга лойиқ яна бир жиҳати шуки, айни босқичда Раймондо бўйруғи билан мактаб аъзоларига қулайлик яратиш учун Толедо бош черковининг биноси қайта таъмирланади ҳамда таржима ва асарларни ёзиш учун қўшимча маҳсус хоналар қурилади.

II босқич. Таржимонларнинг жуфтлик тарзда, ҳамкорликдаги фаолиятлари эътиборга лойиқ бўлиб, 1152 йилдан то XIII асрнинг биринчи ярмига қадар бўлган даврни ўз ичига олади. Қадимги юонон ва Шарқ олимлари фалсафага оид асарларининг таржималари мазкур даврда яратилган. Ушбу босқичда, табиий фанларга оид айрим асарларнинг таржималари қайта ишланади. Таржимонлар фаолияти учун яратилган шароитлар ва марказлаштирилган иш тартибидан келиб чиқиб, Толедо мактабининг тўла шаклланган ва таржимонларнинг сермаҳсул фаолият юритган даври сифатида шу босқични кўрсатиш мумкин. Бу даврда Толедо архиепископи лавозимида ишлаган Иоанн (1152–1166) ва Родриго (1202–1247)ларнинг ташкилотчилик борасидаги хизматлари катта бўлган. Масалан, улар бошчилигида мактаб таркибида таржималарни кўчириш ҳамда муқовалаш учун мўлжалланган маҳсус хоналар бунёд этилади.

III босқич бевосита Кастилия қироли Альфонс X нинг хукмронлик даврига, яъни 1252–1284 йилларга тўғри келади. Маълумотларга кўра, Альфонс X Толедо мактаби фаолиятини кўллаб-кувватлаб туриш баробарида, таржима қилинган асарларнинг айримларини шахсан ўзи муҳаррирлик текширувидан ўтказган ҳамда мактаб фаолиятини назорат қилиб борган⁴. Бу даврда, олдинги босқичларда лотин тилига ўтирилган асарлар давлат тили деб эълон қилинган кастиллаҳжасидаги испан тилига таржима қилина бошланади. Аниқ ва табиий фан соҳалари қаторида адабиётта доир асарларнинг таржима қилингани, таржимонларнинг якка тартибдаги фаолияти ҳамда таржималарнинг маҳсус тузатувчи — «eméndador» томонидан таҳrir қилинганлиги мазкур босқичнинг алоҳида ху-

³ G i l J.S. The translators of the period of Don Raymundo: Their Personalities and Translations (1125–1187) // Rencontres de cultures dans la philosophie médiévale. Traductions et traducteurs de l'Antiquité tardive au XIV^e siècle. Louvain-la-Neuve: Cassino, 1990. P. 109.

⁴ Gómez-Menor J. Alfonso X el Sabio, Un Toledano emperador de la cultura medieval. Toledo: Instituto Provincial de Investigaciones y Estudios Toledanos, 1985. P. 42.

сусиятларидан саналади. Шунга қарамай, айни даврда Толедо мактабининг фаолият доираси торайиб, унинг олдинги шухрати маълум маънода пасаяди. Бунга қирол ўзининг катта эътиборини янги ташкил этилган илмий-маданий марказ — Севильяга қаратганлиги сабаб бўлган.

Толедо мактабида бир томондан, қадимги юон-рим ҳамда ўрта аср Шарқ алломаларининг кўплаб нодир асарлари жамлангани, иккинчи томондан жамланган асарларнинг лотин тилига ўгирилгани ва муомалага киритилиши, учинчи тарафдан эса мазкур асарлар таъсирида бу ердан таникли олимларнинг етишиб чиққани — унинг ўрта асрларнинг энг машҳур илм даргоҳига айланиши ҳамда илмий адабиётларда «Толедо мактаби» ва «Толедо таржимонлар мактаби» деган номлар билан танилишига асос бўлди.

Мактабда фаолият юритган таржимонлар гуруҳи ўзагини Европанинг турли мамлакатларидан келганлар ташкил этган. Уларнинг фаоллари — испан: Севильялик Иоанн, Доминго Гундисальви, Испаниялик Иоанн ва Толедолик Марк; инглиз: Батлик Аделард, Сарешеллик Альфред ва Михайл Скот; итальян: Кремоналик Герард, Германлик Херман; яхудий: Ибн Дауд; флананд⁵: Брюгелик Родольф. Булардан ташқари, мактаб мутасаддилари ҳамда аъзолари Испаниянинг бошқа шаҳарларида истиқомат қилган таржимонлар билан ҳамкорлик алоқаларини олиб боришган. Шунингдек, бу таржимонлар ижодининг молиявий тъминоти ва рағбати ҳам кўп ҳолларда бевосита мактаб раҳбарияти томонидан амалга оширилган. Барселонада яшаган Авраам бар-Ҳия ва Тиволалик Платон; Сарагоссада яшаган Санталик Гюго ва Далматлик Херман; Сеговияда яшаган Честрлик Роберт; Наварада яшаган Кеттонлик Роберт ана шундай таржимонлар қаторига киради.

Айтиш керакки, Толедо мактабида таржима жараёни мураккаб тизимда юритилган бўлиб, вақт ўтиши билан бу тизим ўзгариб, ривожланиб борган. Яъни дастлабки вақтларда араб тилидаги асарлар биринчи маҳаллий кастил ёки яхудий тилларига ўтирилиб, сўнгра лотин тилига таржима қилинган. Аниқроғи, араб тилини билувчи шахс, асар таржимасини оғзаки равишда лотинчани билувчи шеригига маҳаллий кастил ёхуд яхудий тилида айтиб турган, иккинчи шахс, ўз навбатида эшитганларини лотин тилига ёзма таржима этиб борган. Бу жараёнга Толедо таржимонларидан айримларининг араб тилини, айримларининг эса лотин тилини билмаслиги сабаб бўлган. Шундан келиб чиқиб, мактаб фаолиятига назар ташланса, унинг аъзолари кўпинча ҳамкорликда фаолият юритганликларига гувоҳ бўлинади. Айрим ҳолларда бу услугу мураккаблик даражаси турлича бўлган асарлар таржима нусхаларининг ҳар хил хатоликлар билан яратилишига сабаб ҳам бўлган⁶. Шунинг учун, баъзи асарларнинг таржималарига кейинчалик тузатишлар киритилган.

⁵ Асосан, Бельгиянинг шимолида яшайдиган, тили герман тиллари оиласига мансуб халқ.

⁶ Баъзи маълумотлар учун қаранг: The Coherence of the Arabic-Latin Translation Program in Toledo in the Twelfth Century // Science in Context. Cambridge: Cambridge University Press, 2001. 14(1/2). P. 249–288.

Эътибор қаратилса, мактаб вакиллари орасида араб тилидаги асарни тўғридан-тўғри лотин тилига ўтириш салоҳиятига эга таржимонлар ҳам бўлган. Мисол учун, Батлик Аделард, Севильялик Иоанн, Кремоналик Герард, Толедолик Марк ва Германлик Херман шулар жумласидан. Булардан Герард, Марк, Херман ҳамда Толедо мактабининг ҳамкорлари ҳисобланмиш Тиволалик Платон ва Далматлик Херманларнинг таржималари ўзининг илмийлиги ва мукаммалиги билан ажраби туради. Севильялик Иоанн эса лотин тилига ўтирилаётган асарда келтирилган география ва ислом динига оид маълумотларни атайин тушириб қолдиранг. Шунингдек, у айрим асарларнинг фақат асосий мазмунини таржима қилган, холос. Албатта, бу каби «услуб» асарнинг илмий савиясига ўзининг сезиларли салбий таъсирини ўтказган. Айни «услуб» Батлик Аделард ижодига ҳам хосдир.

Куйида IX–XII асрларда ижод қилган Шарқ олимларининг Толедо мактабида лотин тилига ўтирилган китобларини фан соҳаларига ажратган ҳолда, хронологик тартибда тақдим этамизки⁷, жадвалда келтирилган аксар маълумотлар илгари республикамиз миқёсида эълон қилинган илмий адабиётларда зикр этилмаган эди. Келтириувчи асарлар европалик олимлар Мануэл Алонсо⁸, Мария-Тереза д'Альверни⁹, Чарльз Бернетт¹⁰, Хоше Гиль¹¹, Ричард Лемай¹², Мореен Робинсон¹³ нинг турли даврларда яратилган тадқиқот ишлари ва бошқа илмий

⁷ Рўйхатга Испаниянинг турли шаҳарларида истиқомат қилиб, араб тилида ижод қилган мусулмон олимларининг асарлари ҳам киритилган.

⁸ Alonso M. Notas sobre los traductores toledanos Domingo Gundisalvo y Juan Hispano. Madrid: Al-Andalus, 1943. Vol.8. (1). P. 155–188; Traducciones del arabe al latin por Juan Hispano, Ibn Dawud. Madrid: Al-Andalus. 1952. Vol.17.(1). P.129–151; Juan Sevillano, sus obras propias y sus traducciones. Madrid: Al-Andalus, 1953. Vol.18. (1). P. 17–49.

⁹ D'Alverny M-T. Translations and translators // Renaissance and Renewal in the Twelfth Century. Oxford: Clarendon Press, 1982. P. 421–462; Les traductions a deux interprètes, d'arabe en langue vernaculaire et de langue vernaculaire en latin // Traduction et traducteurs au Moyen Age, Actes du colloque international du CNRS. Paris: Editions du Centre National de la Recherche Scientifique, 1989. P. 193–206.

¹⁰ Burnett C. The Institutional Context of Arabic-Latin Translations of the Middle Ages: A Reassessment of the School of Toledo // Vocabulary of Teaching and Research between the Middle Ages and Renaissance. / Edit. O.Weijers. Turnhout: Brepols, 1995. P. 214–235; The Introduction of Arabic Learning into England. London: British Library, 1997; The Coherence of the Arabic-Latin Translation Program in Toledo in the Twelfth Century // Science in Context. Cambridge: Cambridge University Press, 2001. 14(1/2). P. 249–288.

¹¹ Gil J. The translators of the period of Don Raymundo: Their Personalities and Translations (1125–1187). // Rencontres de cultures dans la philosophie mădiyyale. Traductions et traducteurs de l'Antiquit? tardive au XIV^e siècle. Louvain-la-Neuve: Cassino, 1990. P. 109–119.

¹² Lemay R. Dans l'Espagne du XIIe siècle: Les traductions de l'Arabe au Latin // Annales ESC. Paris: Armand Colin, 1963.18. P. 639–665.

¹³ Robinson M. Johannes Hispalensis and the manuscript tradition the history surrounding the time of John of Seville and the spread of his work. Exeter: Exeter University, 2000; The History and Myths surrounding Johannes Hispalensis // Bulletin of Hispanic Studies October. Liverpool: Liverpool University Press, 2003. Vol. 80. (4). P. 443–470; The Heritage of Medieval errors in the Latin Manuscripts of Johannes Hispalensis (John of Seville). Madrid: al-Qantara, 2007. Vol. 28(1). P. 41–71.

адабиётлар асосида жамланди. Бироқ келтирилган китобларнинг аксари йўқолиб кетган бўлиб, манба ва илмий адабиётларда уларнинг фақатгина номлари ёки улар ҳақидаги қисқа парчалар сақланган, холос. Таъкидлаш лозим, ушбу рўйхатга киритилган асарлар ўрта аср Fарб фанлари ривожига катта таъсир кўрсаттанди.

ТОЛЕДО МАКТАБИДА ТАРЖИМА ҚИЛИНГАН АСАРЛАР РЎЙХАТИ

№	Асар номи ва муаллифи	Таржима номи	Таржимон	Таржима тили	Таржима йили
ФАЛАКИЁТ, РИЁЗИЁТ, ҲАНДАСА, ФИЗИКА, МЕХАНИКАГА ОИД АСАРЛАР					
1.	« <i>Тутилиши жумбоқлари тўғрисида номалар</i> » Машаллоҳ ибн Асарий (лот. Messahalla., 740–815)	«De rebus eclipsium» ({«Тутилиш тўғрисида»})	Севильялик Иоанн	Араб → лотин ¹⁴	1133–1142 йиллар оралиғи
2.	<i>Юқоридаги асар</i>	«Epistola Messahallah in rebus eclipsis Lune» (тўлиқ ҳолатдаги иккинчи таржима)	Севильялик Иоанн	Араб → лотин	1133–1142 йиллар оралиғи
3.	« <i>Боғланышлар ва усуллар китоби</i> » Машаллоҳ ибн Асарий	«Liber coniunctionis et receptionis»	Севильялик Иоанн	Араб → лотин	1133–1142 йиллар оралиғи
4.	« <i>Туғилиш сирлари тўғрисида</i> » Абу Али Яҳё ибн Фолиб ал-Ҳайёт (лот. Albohali Alchait., 770–835)	«De nativitatibus» («Туғилиш хусусида»)	Тиволалик Платон	Араб → лотин	1136 йил
5.	<i>Юқоридаги асар</i>	«De judiciis nativitatum» («Туғилиш тўғрисида муҳокамалар»)	Севильялик Иоанн	Араб → лотин	1153 йил
6.	« <i>Зиж</i> » Муҳаммад ибн Мусо ал-Ҳоразмий (лот. Algorithmus., 783–850)	«Tavole astronomiche» («Астрономик жадвал»)	Батлик Аделард	Араб → лотин	Иш 1126 йилнинг 26 январида яқунланган

¹⁴ «Араб тилидан лотинчага ўтирилган» деб ўқиш лозим.

№	Асар номи ва муаллифи	Таржима номи	Таржимон	Таржима тили	Таржима йили
7.	<i>Юқоридаги асар</i>	Таржима номи маълум эмас. Чунки у тўлиқ сақланмаган.	Далматлик Херман	Араб → лотин	XII асрнинг 40–60-йиллари
8.	<i>Юқоридаги асар</i>	«Tavole astronomiche» Батлик Аделард таржимасининг қайта ишланган тўлиқ нусхаси	Честерлик Роберт	Лотин	XII асрнинг биринчи ярми
9.	«Ҳинд ҳисобида қўшиши ва айриши китоби» ал-Хоразмий	«Liber Ysagogarum Alchorismi»	Батлик Аделард	Араб → лотин	1120–1130 йиллар оралиғи
10.	<i>Юқоридаги асар</i>	«Algoritimi de numero indorum» ({«Ал-Хоразмий ҳинд ҳисоби ҳақида»})	Испаниялик Иоанн ва Доминго Гундисальви	Кастил → лотин	1180–1190 йиллар оралиғи
11.	«Ал-жабр ва-л-муқобала ҳисоби ҳақида қисқача китоб» ал-Хоразмий	«Liber algebrae et almucabala»	Честерлик Роберт	Араб → лотин	1145 йил
12.	<i>Юқоридаги асар</i>	«Liber Alchoarismi de et almucabila tractaus»	Кремоналик Герард	Араб → лотин	1160–1187 йиллар оралиғи
13.	«Юлдузлар илмига киришинг катта китоби» Абу Маъшар ал-Балхий (лот. Albumaser., 787–886)	«Introductorium in Astronomiam» ({«Астрономияга кириш»})	Севильялик Иоанн	Араб → лотин	1133 йил (Португалия, Лимия шаҳри)
14.	<i>Юқоридаги асар</i>	«Liber introductorius in astronomiam Albumasaris»	Далматлик Херман	Араб → лотин	1140 йил
15.	«Юлдузлар илмига кириши ҳақида қисқача китоб» Абу Маъшар ал-Балхий	«Minus Liber introductorius in astronomiam»	Батлик Аделард	Араб → лотин	XII асрнинг биринчи ярми

№	Асар номи ва муаллифи	Таржима номи	Таржимон	Таржима тили	Таржима йили
16.	«Фалакиёт илми асослари ва самовий ҳаракатлар- нинг усуллари» Аҳмад ал-Фарғоний (лот. Alfraganus., тах. 798–865)	«Rudimentis astronomiae» ({«Астрономия асослари»})	Севильялик Иоанн	Араб → лотин	1135 йил
17.	Юқоридаги асар	«De rudimentis astronomiae» ({«Астрономия асослари ҳақида»})	Кремоналик Герард	Араб → лотин	1175 йил
18.	«Йиллар алмашиниши ва туғилиш тўғрисида башорат» Ёқуб ал-Киндий (лот. Alkindus., 800–873)	«Introductorium maiis» ёки «De magnis conjunctionibus»	Севильялик Иоанн	Араб → лотин	1133–1142 йиллар оралиғи
19.	«Юлдузлар тўғрисида фикрлар китоби» Ёқуб ал-Киндий	Таржима номи маълум эмас	Севильялик Иоанн	Араб → лотин	Таржима йили ноаниқ
20.	«Оптика» Ёқуб ал-Киндий	«Optica»	Кремоналик Герард	Араб → лотин	1160–1187 йиллар оралиғи
21.	«Майдон ва шакли Мене- лай теоремаси асосида ўрганиш» Собит ибн Курра (лот. Thebit., 836–901)	Таржима номи маълум эмас	Кремоналик Герард	Араб → лотин	1160–1187 йиллар оралиғи
22.	«Мунахжимлар жадвали тўғрисида китоб» Абу Бақр ал-Ҳасан ибн ал-Ҳосиб (лот. Albulbather Alchasibi., IX аср)	«De Nativitatibus»	Севильялик Иоанн	Араб → лотин	1133–1142 йиллар оралиғи
23.	«Туғилиши инқилоби» ал-Ҳосиб	«De revolutionibus nativitatum»	Тиволалик Платон	Араб → лотин	Таржима йили ноаниқ
24.	«Ал-жабр ва-л-муқобала» Абу Комил Шужъа ибн Аслам ал-Мисрий (лот. Auoquamel., 850–930)	«Liber mathematicis»	Севильялик Иоанн	Араб → лотин	1133–1142 йиллар оралиғи

№	Асар номи ва муаллифи	Таржима номи	Таржимон	Таржима тили	Таржима йили
25.	«Зижкитоби» ал-Баттаний (лот. Albategnius., 858–929)	«De motu stellarum»	Тиволалик Платон	Араб → лотин	1116 йил
26.	«Юлдузлар /жойлашуви/ ни муҳокама қилиш санъатига кириши» Абу-л-Сақр ал-Қабисий (лот. Alchabitius., ваф. 967 йил)	«Liber introduc- torius ad magi- sterium judiciorum astrorum» («Юлдузларни муҳокама қилиш ва баҳолаш билан таништириш китоби»)	Севильялик Иоанн	Араб → лотин	1144 йил
27.	«Ал-Мансур қонуни» Асар муаллифи номаълум Ёкуб ал-Киндий (лот. Alkindus., 800–873)	«Iudicia Almansoris»	Тиволалик Платон	Араб → лотин	1136 йил
28.	«Астурлоб асбоби тўғри- сида китоб» Маслама ал-Мажритий (лот. Methilem., ваф. 1008)	«Liber de compositione astrolabii»	Брюгтелик Родольф	Араб → лотин	Таржима йили ноаниқ
29.	«Оптика китоби» Ибн ал-Ҳайсам (лот. Alhazen., 965–1040)	«Liber de opticus»	Кремоналик Герард	Араб → лотин	Таржима йили ноаниқ
30.	«Само ва олам китоби» <i>Ибн Сино</i> (лот. Avicenna., 980–1037)	«De celo et mundo»	Доминго Гундисальви	Араб → лотин	Таржима йили номаълум
31.	«Толедо Зижси» Яхъян-Наққош аз-Заркалий (лот. Arsachel., 1029–1087)	«Canonis Arzachel»	Кремоналик Герард	Араб → лотин	Таржима йили ноаниқ
32.	«Доира /сфера/ тўғрисида» Нур ад-Дин ал-Батрухий (лот. Alpetragius., XII аср)	«De motibus celorum circularibus»	Михаил Скот	Араб → лотин	1217 йил
33.	«Ал-мажистий тузатмаси» Абу Муҳаммад Жобир ибн Афлан (лот. Geber., 1100–1150)	«Rectus Almagestus»	Кремоналик Герард	Араб → лотин	Таржима йили ноаниқ

№	Асар номи ва муаллифи	Таржима номи	Таржимон	Таржима тили	Таржима йили
ТАБОБАТТА ОИД АСАРЛАР					
34.	« <i>Амалиёт</i> » Яҳё ибн Сарафюн (лот. Johannes Serapion, IX аср)	«Breviarium medicine»	Кремоналик Герард	Араб → лотин	1160–1187 йиллар оралиғи
35.	« <i>Погоналар</i> » Ёқуб ал-Киндий	«De Gradibus»	Кремоналик Герард	Араб → лотин	1160–1187 йиллар оралиғи
36.	« <i>Кўз ҳақида ўн рисола</i> » Хунайн ибн Исҳоқ (лот. Johannitius, 809–877)	«Liber de oculorum»	Кремоналик Герард	Араб → лотин	1160–1187 йиллар оралиғида
37.	« <i>Жолинус асарларига кириши</i> » Хунайн ибн Исҳоқ	«Isagoge ad Tegni Galieni»	Толедолик Марк	Араб → лотин	1210–1234 йиллар
38.	<i>Юқоридаги асар</i>	«Liber isagogarum»	Толедолик Марк	Араб → лотин	1210–1234 йиллар
39.	« <i>Аниқлаш ва тавсифлаш китоби</i> » Исҳоқ ибн Исройл ибн Сулаймон (лот. Isaac Judaeus, такс. 832–932)	«De defini- tionibus»	Кремоналик Герард	Араб → лотин	1160–1187 йиллар оралиғида
40.	<i>Юқоридаги асар</i>	«De defini- tionibus»	Доминго Гундисальви	Араб → лотин	1180–1190 йиллар оралиғи
41.	« <i>Бош негизлар тўғрисида китоб</i> » ибн Сулаймон	«De elementis» («Негизлар»)	Кремоналик Герарди	Араб → лотин	1160–1187 йиллар оралиғида
42.	« <i>Мансурга бағишлиған тибга оид тўплам</i> » Абу Бакр ар-Розий (лот. Rhazes, 865–925)	«Liber almansoris»	Кремоналик Герард	Араб → лотин	1160–1187 йиллар оралиғи
43.	« <i>Бўлинши тўғрисида китоб</i> » ар-Розий	«Liber divi- sionum»	Кремоналик Герард	Араб → лотин	1160–1187 йиллар оралиғи

№	Асар номи ва муаллифи	Таржима номи	Таржимон	Таржима тили	Таржима йили
44.	« <i>Тибга кириш»</i> ар-Розий	«Introductio in medicinam»	Кремоналик Герард	Араб → лотин	1160–1187 йиллар оралиғи
45.	« <i>Бўғин қасалликлари</i> » ар-Розий	«De egritudinibus iuncturarum»	Кремоналик Герард	Араб → лотин	1160–1187 йиллар оралиғи
46.	« <i>Тибга оид рисолалар тўплами</i> » ар-Розий	«Locorum quorundam tractatum medecina»	Кремоналик Герард	Араб → лотин	1160–1187 йиллар оралиғи
47.	« <i>Китоб ат Тасриф</i> » Абу-л-Қосим аз-Захравий (лот. Abulcasis, 936–1013)	«Concessio ei data qui componere haud valet»	Кремоналик Герард	Араб → лотин	1160–1187 йиллар оралиғи
48.	« <i>Тиб қонунлари</i> » Ибн Сино	«Liber Canonis» («Қонунлар китоби»)	Кремоналик Герард	Араб → лотин	1160–1187 йиллар оралиғи
49.	« <i>Уржузга китоби</i> » Ибн Сино	«Cantica de Medicina»	Кремоналик Герард	Араб → лотин	1160–1187 йиллар оралиғи
50.	« <i>Жолинуснинг Буюк илм ига шарх</i> » Абу-л-Ҳасан Али ибн Ридвон ал-Мисрий (лот. Abenrudian., 988–1061)	«Expositio ad Tegni Galeni»	Кремоналик Герард	Араб → лотин	1160–1187 йиллар оралиғи
51.	« <i>Оддий дори-дармонлар тўғрисида китоб</i> » Ибн ал-Воғид (лот. Abengueft., 997–1074)	«De medicamentis simplicibus» ёки «De Medicinis universalibus et particularibus» («Тиббиётнинг умумийлиги ва ўзига хослиги»)	Кремоналик Герард	Араб → лотин	1160–1187 йиллар оралиғи

¹⁵ Жолинуснинг (Гален) бу асари лотин тилида «Ars Magna» ёки «De methodo-medendi» («Даволаш усуллари») деб номланади.

№	Асар номи ва муаллифи	Таржима номи	Таржимон	Таржима тили	Таржима йили
БИОЛОГИЯ, МЕТЕОРОЛОГИЯ, АЛ-КИМЁГА ОИД АСАРЛАР					
52.	« <i>Ал-Кимё китоби</i> » Абу Абдулоҳ Жобир ибн Ҳайён (лот. Geber., 721–815)	«Liber de compositione alchimiae» («Ал-кимёнинг тузилиши тўғрисида китоб»)	Честерлик Роберт	Араб → лотин	1144 йил
53.	« <i>Сирлар сири</i> » Абу Бакр ар-Розий	«Secretum secretorum»	Кремоналик Герард	Араб → лотин	1160–1187 йиллар оралигида
54.	« <i>Минералогия</i> » «Шифо китоби»нинг таркибий қисми Ибн Сино	«Avicennae Mineralia»	Сарешеллик Альфред	Араб → лотин	Таржима йили номаълум
55.	« <i>Ҳайвонлар тўғрисида</i> » «Шифо китоби»нинг таркибий қисми Ибн Сино	«De animalibus seu Abbreviatio Avicenna de animalibus» ёки «De animalium»	Михаил Скот	Араб → лотин	1232 йил
ФАЛСАФА, МАНТИҚ, ИЛОХИЁТ ВА АДАБИЁТТА ОИД АСАРЛАР					
56.	« <i>Рұх ва қалб ўртасидаги фарқ</i> » Куста ибн Луқа (лот. Constabulus., ваф. 912)	«De diffrentia spiritus et anima»	Севильялик Иоанн	Араб → лотин	1133–1142 йиллар оралиги
57.	« <i>Илмлар таснифи</i> » Абу Наср Форобий (лот. Alpharabius., 873–950)	«De scientiis» («Фанлар тўғрисида»)	Кремоналик Герард	Араб → лотин	1160–1187 йиллар оралиги
58.	« <i>Илмларнинг келиб чиқиши</i> » Абу Наср Форобий	«De ortu scientiarum» («Илмларнинг келиб чиқиши»)	Ибн Дауд ва Доминго Гундисальви	Араб → кастил → лотин	1150–1180 йиллар оралиги

№	Асар номи ва муаллифи	Таржима номи	Таржимон	Таржима тили	Таржима йили
59	«Бахт-саодат йўлига кўрсатма китоби» Абу Наср Форобий	«Liber excitativus ad viam felicitatis» («Бахт йўлига кириш китоби»)	Испаниялик Иоанн ва Доминго Гундисальви	Араб → кастил → лотин	1176–1178 йиллар оралиғи
60	«Масалалар манбаси» Абу Наср Форобий	«Fontes quastionum» («Тадқиқот манбалари»)	Испаниялик Иоанн ва Доминго Гундисальви	Араб → кастил → лотин	1176–1178 йиллар оралиғи
61	«Ақлнинг моҳияти тўғрисида китоб» Абу Наср Форобий	«De intellectu» («Ақл тўғри- сида»)	Испаниялик Иоанн ва Доминго Гундисальви	Араб → кастил → лотин	1176–1178 йиллар оралиғи
62	«Нотиқлик китоби» Абу Наср Форобий	Ушбу асарлар Арастунинг «Риторика» ва «Поэтика» номли рисолалари га ёзилган шарҳлар сифа- тида таржима қилинган	Германлик Херман	Араб → лотин	1240–1256 йиллар оралиғи
63	«Шеър китоби» Абу Наср Форобий				
64	«Шифо китоби» Ибн Сино	«Sufficientia»	Севильялик Иоанн	Араб → лотин	1133–1142 йиллар оралиғи
65	«Рӯҳ ҳақида китоб» («Шифо китоби»нинг таркибий бўлими) Ибн Сино	«Liber de Anima»	Ибн Дауд ва Доминго Гундисальви	Араб → кастил → лотин	1152–1166 йиллар оралиғи
66	«Метафизика» «Шифо китоби»нинг таркибий бўлими Ибн Сино	«Metaphysica»	Доминго Гундисальви	Араб → лотин	1180 йил
67	«Иккинчи Аналитикага шарҳлар». Арастунинг «Аналитика» асарининг иккинчи китобига ёзилган шарҳ, Ибн Сино	«Commentario Analytica Posteriora»	Испаниялик Иоанн ва Доминго Гундисальви	Араб → кастил → лотин	1176–1190 йиллар оралиғи
68	«Файласуфлар мақсади» ал-Фаззолий (лот. Algazel., 1058–1111)	«Liber Algazel» «ал-Фаззолий китоби»)	Ибн Дауд ва Доминго Гундисальви	Араб → кастил → лотин	1152–1166 йиллар оралиғи

Жами асарлар сони: 58 та, муаллифлар сони 28 нафар. Асарлардан 25 таси аниқ фанларга; 20 таси табиий фанларга; 13 таси ижтимоий фанларга оид. Улардан Машаллоҳнинг «Тутилиш жумбоқлари тўғрисида номалар» асари — 2; ал-Ҳайётнинг «Туғилиш сирлари тўғрисида» асари — 2; ал-Хоразмийнинг «Зиж»и — 3, «Ҳинд ҳисобида қўшиш ва айириш китоби» — 2, «Ал-жабр ва-л-муқобала» асари — 2; ал-Балхийнинг «Юлдузлар илмига кириш катта китоби» — 2; ал-Фарғонийнинг «Фалакиёт илми асослари ва самовий ҳаракатларнинг усулари» асари — 2; Ҳунайн ибн Исҳоқнинг «Жолинус асарларига кириш» асари — 2; ибн Сулаймоннинг «Аниқлаш ва тавсифлаш китоби» — 2 марта; қолган барча асарлар 1 маротабадан таржима қилинган.

Жами таржималар сони: 68 та. Таржима жараёнида 14 нафар таржимон иштирок эттан. Улардан Кремоналик Герард — 24 та; Севильялик Иоанн — 13 та; Тиволалик Платон — 4 та; Батлик Аделард, Честерлик Роберт, Доминго Гундисальви — 3 тадан; Далматлик Херман, Михаил Скот, Толедолик Марк, Германлик Херман — 2 тадан; Брюггелик Родольф ва Сарешеллик Альфред — 1 тадан; Испаниялик Иоанн ва Доминго Гундисальви ҳамкорликда — 5 та; Ибн Дауд ва Доминго Гундисальви ҳамкорликда 3 та асарни лотин тилига таржима қилишган.

Айтиш керакки, ушбу таржималар орқали Шарқ алломаларининг илмий назариялари бутун Farb мамлакатларига кириб борди ва минтақада илм-фаннинг шаклланишига замин ҳозирлаб, унинг кейинги тараққиётида дастуриламал вазифасини ўтади. Бу асарларнинг асрлар давомида европалик олимлар энг кўп мурожаат қилувчи ишончли манба ҳамда минтақа илм даргоҳларида асосий дарслик вазифасини ўтаганлиги билдирилган фикрнинг асосли эканини тасдиқлади.

Санаб ўтилган олимлар айрим китобларининг асл қўлёзмалари ҳозирга қадар сақланмагани, уларнинг матнлари айнан лотин тилидаги таржималари орқали бизгача етиб келганлиги ҳисобга олинса, Толедо мактабида олиб борилган таржимачилик ишларининг аҳамияти янада ортади.

Хуллас, Шарқ алломалари ичida Марказий Осиё замини етишириб берган мутафаккирларнинг беназир асарлари ўрта аср Европа халқларининг илмий ва маънавий салоҳиятини юксалтиришда энг асосий манба вазифасини ўтаган. Бу таржима этилган асарлар ичida уларнинг умумий сони бир неча бор кўп бўлгани ва қайта-қайта таржима этилгани билан белгиланади. Кейинги давр Farb олимларининг ўз тадқиқотларида айнан Толедо мактабида яратилган таржималаридан кенг фойдаланганликлари эса Шарқ олимлари асарлари ва таълимотларининг минтақа бўйлаб тарқалишида ушбу илмий марказнинг ўрни муҳим бўлганини англатади.

Таъкидлаш керак, ишда келтирилган маълумотлар мавзу юзасидан олиб борилаётган тадқиқотимизнинг навбатдаги натижаси ҳисобланади. Шундан келиб чиқиб, кейинги изланишларимиз давомида Шарқ олимларининг Толедо мактабида таржима этилган асарлари сони янада ортиши ва уларнинг муаллифлари рўйхати янада кенгайиши табиий.

O. MAHMUDOV

ТОЛЕДО ТАДҚИҚОТ МАКТАБИДА ШАРҚ ОЛИМЛАРИНИНГ ТАРЖИМА ҚИЛИНГАН АСАРЛАРИ ХУСУСИДА

Мақолада Шарқ алломаларининг Толедо мактабида таржима қилинган аниқ, табиий ва ижтимоий фанларга оид 60 га яқин асарлари рўйхати келтирилган. Бунда Фарб манбалари ва илмий адабиётларида келтирилган тарқоқ маълумотлар жамланиб, таҳлил этилган, таснифланган.

Калим сўзлар: Ўрта аср Шарқ алломалари, илмий мерос, фалакиёт, риёзиёт, ҳандаса, физика, механика, табобат, биология, метеорология, кимё, фалсафа, мантиқ, адабиёт, «Толедо мактаби», таржималар, таржимонлар, тадқиқ ва татбиқ.

O. MAHMUDOV

ПЕРЕВОДЫ ТРУДОВ УЧЕНЫХ ВОСТОКА В ИССЛЕДОВАТЕЛЬСКОЙ ШКОЛЕ ТОЛЕДО

В статье приведен список более 60 трудов ученых Востока по точным, естественным и гуманитарным наукам, которые были переведены на латынь в Толедской школе. Проанализирована и классифицирована информация, собранная из западных источников и научной литературы.

O. MAKHMUDOV

THE WORKS OF THE SCIENTISTS OF THE EAST TRANSLATED IN TOLEDO SCHOOL

The article provides a list of some 60 works of the scientists of the East on the exact, natural and humanity sciences, which were translated into Latin in Toledo school. It analyzes and classifies the information that is gathered from the Western sources and scientific literature.

ЭТНОЛОГИЯ

Х. ЖУМАНАЗАРОВ

ЎЗБЕК ХАЛҚ ТАБОБАТИДА УСТОЗ-ШОГИРДЛИК АНЬАНАЛАРИ

Тарихдан маълумки, ўтмишда касб-хунар устоз-шогирд анъанаси доирасида бўлиб, ота-она ўз фарзандига аввало ўз касбини ўргатган (*ота касб*) ёки кўзга кўринган устозга шогирдликка берган. Устоз ва шогирдлик тизими нафақат касб доирасида, балки умумий ижтимоий муносабатлар асосида шаклланган.

Халқимиз асрлар давомида тўплаган тажрибаларига асосланиб, ҳар бир касб доирасида миллий таълим-тарбия назариясини яратиб, устоз ва шогирдлар учун ўзига хос одоб-ахлоқ қонун-қоидалари, урф-одатлари, маданияти, хусусан анъаналари ишлаб чиқилган¹. Ҳар бир касб доирасида аждодлар томонидан устоз ва шогирдлар учун одоб-ахлоқнинг маҳсус қоидалари, илмлари, дуолари, миллий анъаналарига қатъий риоя қилиш талаб қилинган.

Шундай касблардан бири табобат бўлиб, ушбу касб тарихи узоқ асрларга бориб тақалади. Унда ҳам табиб ва шогирд ўргасидаги муносабатлар, амал қилиниши лозим бўлган қоидалар, устоз ва шогирд танлаш жараёнлари, шогирдни мустақил иш бошлашига доир анъаналар мавжуд. Ҳар бир касб эгаси билим ва малакасини имкон қадар ўз шогирдлари ва ёрдамчиларига ўргатган, натижада ўша касбнинг яшовчанлигини таъминлаган. Маълум бир касб ёки хунар йиллар давомида ўз-ўзидан йўқолиб кетмаслигининг сабаби устоз-шогирд муносабатларининг маҳсулидир. Маълумки, табобатда шогирд томонидан амалга ошириладиган барча хатти-ҳаракатнинг жавобгарлиги устознинг зиммасида деб билгандар. Умуман олганда ўзбек халқи орасидаги кенг тарқалган устоз-шогирд анъаналарини қуидаги жараёнларга ажратиш мумкин:

- шогирднинг ўзига устоз танлаши ва унинг мезонлари;
- устознинг шогирдларни саралаб олишдаги шартлари;
- устоз-шогирд анъаналарида устоз зиммасидаги вазифалар;
- устоз-шогирд анъаналарида шогирдлик шартлари;
- шогирдлик муддати ва фаолияти;
- шогирднинг мустақил фаолият юритишга руҳсат берилиши.

Устоз-шогирд муносабати асосан юқоридаги ҳаракат орқали давом этиб келмоқда. Аввало *устоз*³ деганда ўз касбини мукаммал биладиган ва ўша касбни бошқаларга ўргата оладиган шахс тушунилган. *Шогирд*⁴ деганда устоз кузатуви-

¹ Б у л а т о в С. Шогирд оқил бўлса // Фан ва турмуш. 1996. № 1. 28-6.

² Дала ёзувлари. Бухоро вилояти, Бухоро шаҳри. 2015 йил.

³ Устоз — муаллим, ўргатувчи, уста. Касб, хунар, илм ва шу кабиларни ўргатувчи, ўқитувчи. Ўзбек тилининг изоҳли луғати. IV жилд. Тошкент, 2007. 302-б.

⁴ Шогирд — ўрганувчи, халфа, издош. Бирор уста, мутахассис ёки олимдан хунар, касб, билим ўрганаётган шахс. Бирор кимсанинг иши ёки таълимотининг тарафдори, уни давом эттирувчи. Ўзбек тилининг изоҳли луғати. IV жилд. Тошкент, 2007. 590-б.

да ва раҳбарлигига ўша касб сирларини ўрганувчи назарда тутилади. Шогирд устанинг ўнг қўл ёрдамчиси ҳисобланади. Ҳар қандай устоз ҳам аввал шогирд бўлган, демак шогирд ҳам устоз бўлишга интилади⁵. Лекин устоз бўлиш ҳамма-га ҳам насиб қиласкермайди, бу даражага етишиш учун нафақат ўз касбининг устаси бўлиши, балки касб сирларини шогирдларга тўғри етказиб бериш қобилиятига ҳам эга бўлиши керак. Устоз қанчалик буюк бўлмасин, тарихда қанчалик чукур из қолдирган бўлмасин, ўз билимини, ҳунарини ишончли одамга қолдирмаса, унинг ишлари ўзидан сўнг барҳам топади⁶.

Маълум бир касбни эгалламоқчи бўлган шахс ўзи қизиққан соҳа доирасида кўзга кўринган устоз излайди ва унга шогирд тушмоқчилигини билдиради. Бунда устознинг билим даражаси, обрўси, яхши ахлоқий сифатлари, яратган мактаби, шогирдларининг сони ва етиштирган шогирларининг салоҳияти, баъзан ота-онаси ёки яқин қариндошларининг давлати муҳим ўрин тутади. Табобат соҳасида аксарият ҳолларда табиб ўз фарзандларига касб сирларини ўргатган, бунда фарзанднинг устоз танлаш борасида изланишига ҳожат қолмайди. Табибнинг ўғли бўлмаса ёки фарзандларида бу касбга иқтидор сезилмаса, ўз касб сирларини танлаб олган шогирдларига ўргатган. Тиббий билимларни фарзандлар эгаллаши натижасида табобат соҳасида машҳур сулолалар етишиб чиқди. Масалан, моштабиблар ва ҳ. к.

Тошкентлик машҳур «Моштабиб»лар фаолияти ҳақида Амир Темур даври манбаларида ҳам маълумотлар мавжуд. Ҳатто Моштабибларнинг аждоди Амир Темурдан аввал Чигатой улуси даврида «Хўжа хон табиб» номи билан машҳур бўлганлиги ҳикоя қилинади⁷. Сулола касбий сирларини ўз фарзандларига ўргатиши натижасида бугунги кунда ҳам фаолиятини сақлаб қолган ҳамда сувек синиши ёки чиқиши билан боғлиқ муолажалар устаси сифатида халқ орасида обрў қозонган.

Табибга шогирд тушиш мақсадида мурожаат бўлганидан сўнг, бўлажак устоз уларнинг орасидан иқтидорлиларини танлаб олган. Бу борада ҳар бир табибининг умумий ва шахсий шарти, талаблари бўлади. Умумий қоидалари қуйидагича:

- руҳий (психологик) соғлом бўлиши;
- жисмонан бенуқсон, тўрт мучаси соғ бўлиши;
- ижтимоий томондан ибратли бўлиши (ўзи ёки оиласида номига дод туширган шахснинг бўлмаслиги);
- муомала маданиятига эга бўлиши;
- сабрли бўлиши ва имкон қадар кучли хотирага эга бўлиши;
- касбга иқтидори намоён бўлиши керак.

Устоз табиб ана шу фазилатларни сезсанына шогирдликка қабул қилган ва узоқ вақт давомида шогирдига таълим берган. Шогирд табобатнинг қайси соҳасида қўпроқ иқтидорли бўлса (масалан: қон олиш, ташхис қўйиш, дори тайёр-

⁵ Б у л а т о в С. Шогирд оқил бўлса 28-б.

⁶ М у х т о р о в А. Уста ва шогирд одоби. Тошкент, 1999. 33-б.

⁷ Моштабиблар. Тошкент: Энциклопедия, 2009. 364-б.

лаш, синиқчилик ва ҳ. к.) шу тарафга йўналтирган⁸. Ҳар бир табибнинг шахсий синовлари ҳам бўлиб, шогирдан касб сирларини сақлаш (даво усули ва дори тайёрлаш жараёни), табобатнинг айрим соҳаларини яхши билишлик (масалан, қон олиш усули, вақти ва томирларни билиш, игна қўйиш нуқталаридан хабардор бўлиш) кабиларни талаб қилган.

Шогирд устознинг уйида ёки иш жойида (шифохонада) яшаб табиблик сирларини ўрганганд. Шогирд тарбиялашда устоз ҳам айрим хислатларга эга бўлиши лозим ёки устознинг ҳам зиммасига бир қанча масъулият юкланган. Бу талабларни шахсий ва касбий фазилатларга бўлиш мумкин. Юқорида таъкидлагани-миздек, табиб аввало шогирдни тўғри танлаб олиши зарур. Қадимда ҳар бир касб устози ўз шогирдларига нисбатан қаттиққўл, талабчан бўлган, шогирдлар учун маҳсус одоб талабларини ишлаб чиққан⁹. Устоз, аввало, ўз касбини му-каммал билиши, билими ва тажрибаларини шогирд билан бўлишиши, касб сирларини тўла ўргатиши, одоб-ахлоқ жиҳатидан шогирдларга намуна бўла олиши лозим бўлган. Шогирд табиб эса доимо устозига тақлид қилган ҳолда фаолият юритган, шу сабабли устоз табиб шогирдларига ўзи яхши билмаган ёки тўлақонли синовдан ўтмаган дори воситалари, даволаш ҳамда ташхис қўйиш усууларини ўргатмаган. Устоз шогирди камолига етгач, унга ўз вақтида фотиҳа бериши, шогирднинг умрини беҳуда сарфламасликка имкон қадар ҳаракат қилиши керак¹⁰. Шогирд мустақил иш бошлагандан сўнг ҳам мудом устоздан масла-ҳат ва йўл-йўриқ сўрашга муҳтож, бу пайтда устоз шогирдига ўзига рақобатчи кўзи билан қарамасдан, тиб сирларини ўртоқлашиши табобат касбининг олий кўринишларидан ҳисобланади. Қолаверса, шогирднинг устоздан ўзиши, улғайиб, улуғлик мартабасига эришиши устознинг қадрини заррача камайтирмаслиги¹¹, табиб ҳар қандай вазиятда ҳам шогирдининг устози мақомида қолишини ҳис қилиши зарур. Бугунги кунда ҳалқимиз орасида танилган А. Кенжав, М. Ҳамроев, С. Абдуллаев, Қ. Хонназаров каби устоз табибларнинг саъй-ҳаракати на-тижасида устоз-шогирдлик анъаналари янги босқичга чиқди.

Аммо, ҳар бир ҳунар турида ҳам уста касбининг нозик сирларини биринчи навбатда ўз ўелига ўргатиб келган, яъни ҳунар билан боғлиқ сирларни оиласдан ташқарига чиқармасликка ҳаракат қилган¹². Табобат илми ютуқлари ва қўлга киритилган ижобий хуласалари, аввало, инсон тақдиди билан бевосита боғлиқ бўлганлиги учун даволаш усууларининг устоз томонидан кенг илмий муомала-га киритилиши кўп кузатилган. Бу табобатда устозларнинг ўзига хос мактаб

⁸ Дала ёзувлари. Самарқанд вилояти, Нарпай шаҳри. 2015 йил.

⁹ Юлдашев Ҳ. Кичик мутахассислар тайёрлашда «устоз-шогирд одоби» анъаналаридан фойдаланишнинг илмий-услубий асослари. Педагогика фанлари номзоди ... дисс. автореф. Тошкент, 2006. 9-б.

¹⁰ Дала ёзувлари. Фарғона вилояти, Миндон қишлоғи. 2014 йил.

¹¹ Матов Ҳ. Устозлар ибрати улуғликка ундейди // Ҳуррият. 2014 йил, 2 октябрь. № 118.

¹² Далатова С. Марказий Осиё ҳунармандчиллик бирлашмалари: анъаналар, урф-одатлар, маросимлар // Шарқшунослик. 2014. № 17. 40-6.

яратиши билан ҳамоҳанг бўлиб, табиблар орасида «фалон табибнинг даволаш усули» номи билан машҳурликка эришган¹³. Ўз номига эга даволаш усуллари бугунги кунда ҳам табиблар орасида кенг тарқалган. Жумладан, бугунги кунда ҳам ҳалқимиз орасида «тандир билан даволовчи табиб», «очлик орқали даво берувчи», «илон табиб» каби атамалар пайдо бўлган.

Табиблик қасбини ўрганаётган шогирдлар ҳам қатор шартларни бажариши мажбурий бўлиб, барча шогирдлар учун илм олишга бўлган интилиш бирламчи ҳисобланади. Бундан ташқари шогирдда қуидаги хислатлар ҳам жам бўлиши керак:

— *шогирдинг сабрлилиги*. Тиб илмини ўрганиш узоқ ва маşaқатли иш, шу сабабли табиблар умри давомида битта ёки иккита шогирд тайёрлаганлар ва мустақил фаолият юритишга рухсат берганлар. Шогирд ўн-ўн беш йил давомида тажриба тўплаган. Устоздан ўрганган тажриба натижасида эса мустақил 30—40 йиллаб табобат билан шуғулланиш мумкин бўлган¹⁴. Ҳозирда фаолият юритаётган аксарият табибларнинг икки ёки учта шогирди бор, ундан ортиқ эмас;

— *шогирд зеҳнининг ўтқирилиги*. Табиблар барча даволаш сирларини ҳам сўз билан изоҳлаб бермаганлар. Шогирд кузатиш, турли кичик тажрибалар ўтказиш, устознинг иш услубини таҳлил қилиш орқали ҳам табиблик мақомига чиққанлар. Жумладан, шогирд устоз табибнинг беморни қабул қилиши, ўзаро савол-жавоби, маслаҳатини эшишиб, қандай дори беришини кузатади. Шунинг натижасида шогирд ҳам устоздек табиб бўлиб етишади¹⁵. Тошкентлик Козимхон табиб ўз шогирдларига бир гиёҳни кўрсатиб, ўша гиёҳни қаердан бўлса ҳам топиб келишни буюрган, шу орқали шогирдларининг зеҳнини синагани ҳақида хотиралар шогирдлари томонидан бот-бот тилга олинади;

— *шогирдинг озодалиги*. Табибнинг энг яқин ёрдамчиси шогирдdir. Шогирдинг интизоми тиббий жиҳозлар ва дори тайёрлаш асбобларини тоза сақлаши, ўзи ҳам тозаликка риоя қилиши (ҳар бир тиббий ҳаракатдан сўнг қўлини ва анжомларни тозалаши), иш жараённида тоза кийимда бўлиши ва беморларга бўлган муносабатида кўринади;

— *шогирдинг одоби*. Шогирдинг одоби юқорида келтирилган барча хислатларнинг ўзида намоён бўлишидир. Умумий ҳолатда устоз шогирдидан покизаликни, иш вақтида чалғимасликни, эгри ва номаъқул ишларга яқин йўламасликни талаб қилганлар¹⁶. Шу билан биргаликда устоз рухсатисиз мустақил муолажа қилмаслик, билмаган дорини буормаслик каби шартлар ҳам бўлган.

Бўлажак табибнинг шахсий хислатлари ҳам шогирдлик муддатини белгилаган. Бир манбада «Устози ўн етти йил мобайнида Муҳиддин Умаровни тиб илми билан

¹³ Дала ёзувлари. Сурхондарё вилояти, Термиз шаҳри. 2015 йил.

¹⁴ С е й ф у л ь м у л ю к о в И. К вопросу о табибизме в Узбекистане // Медицинская мысль Узбекистана. 1928. № 9—10. 67-б.

¹⁵ К у ш е л е в с к и й В. Материалы медицинской географии и санитарного описания Ферганской области. Новый Маргелан, 1891. 241-б.

¹⁶ Б у л а т о в С. Шогирд оқил бўлса 30-б.

куроллантириди, ўзининг юксак ахлоқий сифатлари билан иқтидорли шогирдини инсон зотига катта меҳр-муҳаббат, унинг дардларига беқиёс ҳамдардлик руҳида тарбиялади¹⁷, дейилади. Демак, шогирдлик муддати қарийб йигирма йилгача давом этган. Бу даврда нафақат тиб илми, балки одоб-ахлоқ, хўжалик юритиши, тозалик ва муомала маданияти каби илмлар устоз томонидан ўргатилади.

Табиб ўз шогирдини йиллар давомида тарбиялар экан, босқичма-босқич тиб илмини ўргата бошлайди. Шогирдлик муддати давомида устоз томонидан табобат сирлари бир қанча тизим асосида ўргатилади:

— гиёҳларни таний олиш ва йигиш вақтини ўрганиши. Табибининг асосий куроли қўли бўлса, ашёси гиёҳ ҳисобланади. Шу сабабли гиёҳларнинг тури, ўзига хос сифатларини билиш ва уларни навига қараб йигиш мавсумини билиш зарур. Анъанавий тарзда гиёҳларни йигиш эрта баҳордан кеч кузга қадар давом этган¹⁸. Шогирд аввало шу жиҳатни ўрганиши лозим. Масалан, термизлик табиб шогирдлик даврида устози билан туркман тоғидан тожик тоғигача бўлган гиёҳларни ўргантган ва бунга анча вақт сарфлаганини айтади¹⁹;

— ташхис қўйши. Табобатда қуйидаги тадбирлар орқали ташхис қўйиш мумкин: бемор танасидан чиққан чиқиндишларга қараб, қон томир уришини ўлчаш орқали, bemorning тери рангига қараб ва оғзаки сўров орқали²⁰. Ташхис қўйиш жараёни жуда мураккаб бўлиб, айрим вазиятларда алдамчи ҳолатлар ҳам кузатилади. Бу жараён шогирд зеҳни ва ақлининг умумий бирлашиш жараёнидир. Устоз табибларнинг шогирдлар кўз ўнгидаги ташхис қўйишининг сабаби шунда. Бу даврда шогирднинг «кўзи пишиб» борган;

— оддий ва мураккаб дориларни тайёрлай олиш. Табиб, аввало, шогирдига дори учун хомашё йигишини (гиёҳларни керакли вазнда олиш, касалликка қараб янги ёки қутилганини ишлатиш, гиёҳнинг неча йиллиги кабилар) ва изчилик билан содда дорилардан мураккаб дориларга қадар тайёрлашни ўргатади. Бу жараён бевосита устоз назоратида, кейинчалик мустақил равишда амалга оширилади. Халқ табобатида дорилар турли кўринишда тайёрланган: толқон, бўтқа, шарбат, кулча (таблетка), малҳам ва ҳоказо²¹;

— касалликларни турига қараб даволаш. Шогирдлик мақомининг энг олий даражаси бўлиб, устоз назоратида касалликларнинг олдини олиш ва керакли муолажаларни белгилаш амалга оширилади. Бу ҳолатда шогирддан эгаллаган барча билимларни кўллаш ва устоз ўгитларини бажариш талаб қилинади. Шогирд юқорида келтирилган барча билим ва кўникмаларга эга бўлганидан сўнг устоз уни мустақил фаолият юритиши учун тайёрлай бошлайди. Маълум вақт ўтганидан сўнг мавжуд тартиб асосида шогирд имтиҳон топширади.

¹⁷ Жўраев Ж., Жўраев М. Табобат хазинасидан жавоҳирлар. Тошкент, 2012. З-б.

¹⁸ Дала ёзувлари. Сурхондарё вилояти, Термиз шаҳри. 2015 йил.

¹⁹ Дала ёзувлари. Сурхондарё вилояти, Термиз шаҳри. 2016 йил.

²⁰ Салоев М. Урф-одат ва саломатлик // Фан ва турмуш. 1991. № 3. 12-б.

²¹ Бу ҳақда батафсил қаранг: Собиро в С. Хоразм анъанавий табобатида доривор ўсимликларни ўрганиш ва улардан фойдаланиш. Хива, 2011. 52–60-б.

Ўтмишда ҳам шогирднинг мустақил иш бошлиш жараёни мураккаб синовлардан сўнг амалга оширилган. Ҳатто «Авесто»да ҳам шогирдлар ўқишини узоқ йиллар давом эттирганлиги ва мустақил фаолиятга бир қанча синовлардан сўнг қўйилганлиги айтилади²². Ёки табибликни касб қилишни истаган киши, аввало, гувоҳлар иштирокида учта касални муваффақиятли даволаб, ўз маҳоратини кўрсатиши зарур ҳисобланган²³, шундан сўнг у табиб мақомига эга чиқсан. Манбаларда келтирилишича, марғилонлик табибининг шогирдлик мақоми тугагач, ундан устозини (ўз отасини) операция қилиш сўралган ва бу иш муваффақиятли бажарилиб, мустақил фаолиятга рухсат берилган²⁴.

Шогирднинг мустақил фаолият бошлиши нафақат табобат соҳасида, балки барча касб-хунар вакиллари орасида ҳам маълум удумлар ва маросимларни бажариш орқали амалга оширилган²⁵. Табобат соҳасида эса шогирд мавжуд синовлардан ўтиб, эл назарига тушгач (айрим ҳолларда қўли енгил табиб номи берилади) оқ фотиҳа бериш маросими ўtkазилади. Аксар ҳолларда бу жараён устознинг хонадонида ташкил қилиниб, ўз даврининг кўзга кўринган ҳакимлари иштирок этишган. Маросимда табобат пири Луқмони Ҳаким ҳаққига дуо ўқилиб²⁶, шогирд устозга бош-оёқ сарпо берган. Устоз эса ўз шогирдига табобатга оид бирор анжом совға қилган, одатда шогирд табобатнинг қайси соҳасида иқтидорли бўлса шунга оид предмет берилган (масалан, доригар бўлса ҳовонча берилган). Устознинг табобатга оид асбобларни шогирдига бериши бежиз эмас²⁷, бу ўша касбни давом эттириш шарти, унга доғ туширмаслик кафолатини шогирдидан талаб қилишидир. Ҳозир ҳам шогирд табиблар мустақил фаолиятни йўлга қўйган бўлса-да, ҳар йили маълум вақтда устози ёки унинг оиласи ҳолидан хабар олиш ҳамда оқ фотиҳа олиб қайтиш мақсадида устоз хонадонига ташриф буюриш одати сақланиб қолинганини айтишади.

Табобат соҳасида устоз-шогирд анъанасининг юзага келиши ва сақланиши бевосита ушбу касбнинг ҳалқ орасида катта обрўга эга эканлигини кўрсатади. Қадимдан табиблар нафақат оддий ҳалқ орасида, балки кўпчилик зиёли кишилар ўртасида ҳам чексиз ишонч ва катта ҳурматга, обрў ва эътиборга эга бўлганлар²⁸. Бунинг сабаби — табиблар барча фанларни билиши ва уларни амалда

²² П а р м о н о в С. Қадимги шарқ табобати // Сиҳат-саломатлик. 1999. № 3. 23-б.

²³ Қ о д и р о в А. Ўзбекистон тиббиёти тарихи. Тошкент. 2001. 33-б.

²⁴ Л ы к о ш и н Н. Сартарашъ (туземный брадобрей и цирюльник) // Туркестанские ведомости. 1903, 18 сентября. № 75.

²⁵ Бу ҳақда батафсил қаранг: Г о р д л е в с к и й В. Из жизни цехов в Турции. К истории Ахи // Азиатский музей. Записки коллегии востоковедов. Т. 11. Вып. 2. Л., 1927. 239–243-б.; П е щ е р е в а Е. Городское гончарное производство Средней Азии. Москва—Ленинград, 1959. 312–312-б.; Ф у л о м о в С., Б у л а т о в С. Шарқона уста-шогирд одоби. Тошкент, 2000.; Ю л д о ш е в Х., Б у л а т о в С. Устоз ва шогирд одоби. Тошкент, 2005.

²⁶ Дала ёзувлари. Бухоро вилояти, Қоракўл тумани. 2015 йил.

²⁷ Б у л а т о в С. Шогирд оқил бўлса 30-б.

²⁸ М ў м и н о в а Г. Ҳалқ табобати тарихидан // Сиҳат-саломатлик. 1999. № 1. 19-б.

қўллай олишидадир. Инсоният қандай муҳитда ва қайси жамиятда яшамасин доимо табиблар хизматига эҳтиёж сезган. Табобатда ташхис қўйиш, гиёҳлардан дори тайёрлаш, даволаш илк бор ҳалқ томонидан асрлар давомида тўплланган тажрибалар асосида юзага келган бўлса-да, кейинчалик бу жараён касб даражасига кўтарилиб, илмий асосга эга бўлгач, маълум доирада ўрганила бошланди. Ҳатто давлат аҳамиятига молик соҳа даражасида долзарблашиб, ҳукumat доирасида эътиборга эга бўлди. Яъни табиблик маълум касб доирасига кўтарилигач, устоз-шогирдлик анъанаси яратилди. Табиблик обрўли ва сермашаққат касб. Табибининг биргина хатоси, уни йиллар давомида йиққан обрўсини йўққа чиқариши мумкин. Шу сабабли табиблиқ шогирдлик чегараси ёки илм олиш муддатини аниқ белгилаб бўлмайди. Устоз-шогирдлик даврида эса табобатга оид бирламчи билимлар ўргатилиб, шогирдда табобатга доир малака ва кўнника шакллантирилади. Шогирд кўнникмага эга бўлгачгина ҳақиқий табиб сифати берилган. Лекин унинг шогирдлик мақоми устози вафот этгунга қадар давом этса, илм олиш жараёни умрининг охиригача чўзилган.

Табобат соҳасига доир устоз-шогирд анъанаси бошқа ҳунар соҳаларига қаранганде кам ўрганилган. Сабаби аксарият табиблар ўз фарзандари ичидан шогирд танлаган, чунки бу қасбни эгаллаганлар ҳурмат-эътиборга эга бўлса, иккинчидан ҳунар сирлари билан боғлиқлиги эди. Шу сабабли бундай анъаналарни тўлақонли ўрганиш айrim сирларни очишига сабаб бўлиши мумкин эди. Мустақиллик йилларда «Ҳалқ табобат академия»сининг ташкил қилиниши ва табиблар фаолиятига кенг йўл очилиши бу соҳада сезиларли ўзгаришларга сабаб бўлди. Бугунги кунда табобат соҳасида устоз-шогирд анъанаси бошқа қасблар сингари давом этмоқда ва янгидан-янги талаблар, шартлар қўшилиши натижасида замонавийлашмоқда. Жумладан замонавий тиббиёт жиҳозларининг кириб келиши, аксарият тиббий асарларнинг хорижий тилларда эканлитиги ҳам бу соҳага бироз таъсир қилди. Бугунги кунда айrim табиблар шогирдларининг турли хорижий тилларни билиши ва имкон қадар тиббий маълумотга эга бўлиши (ўрта маҳсус маълумот)га эътибор қаратмоқдалар. Шогирдларнинг замонавий техникикалардан мукаммал фойдаланиши, хорижий тилларни билиши бевосита устозлар фаолияти самарадорлигини оширади.

X. ЖУМАНАЗАРОВ

ЎЗБЕК ХАЛҚ ТАБОБАТИДА УСТОЗ-ШОГИРДЛИК АНЬАНАЛАРИ

Мақолада халқ табобатида устоз-шогирд анъаналари таҳлил қилинган. Устозлик мақоми ва шогирдлик одоби ҳамда муддати каби масалалар турли адабиётлар ва этнографик материаллар асосида кўрсатиб берилган.

Калит сўзлар: табиб, одоб-ахлоқ, тиббий маданият, удум, иқтидор, синов, тажриба, билим.

X. ЖУМАНАЗАРОВ

ТРАДИЦИИ НАСТАВНИЧЕСТВА В УЗБЕКСКОЙ НАРОДНОЙ МЕДИЦИНЕ

В статье проанализированы традиции учителей и учеников в узбекской народной медицине. На основе разнообразного этнографического материала и научной литературы освещены такие вопросы, как статус учителя, воспитание учеников, период ученичества и др.

KH. JUMANAZAROV

THE TRADITIONS OF TEACHER AND LEARNER IN UZBEK MEDICINE

In the article the traditions of a teacher and learner of uzbek national medicine is analyzed. Such problems as the status of the teacher, learner's courtesy and period of teaching and learning are demonstrated by the help of different literature and ethnographic materials.

ФИКР ҲАҚИДА ФИКР

А. АСҚАРОВ

«ЎЗБЕК ХАЛҚИННИГ КЕЛИБ ЧИҚИШ ТАРИХИ» АСАРИ БҮЙИЧА БИЛДИРИЛГАН МУЛОҲАЗАЛАРГА ЖАВОБ

«O'zbekiston tarixi» журналининг 2015 йил 3-сони, мунозара рукнида бизнинг қаламимизга мансуб «Ўзбек халқининг келиб чиқиш тарихи» (Тошкент: O'zbekiston, 2015. 675 бет) монографияси юзасидан т.ф.д., проф. А. Сагдуллаев ва т.ф.д., проф. А. Ашировларнинг фикр ва мулоҳазалари билдирилган мақолалар¹ чоп этилган. Биз ушбу асар муаллифи сифатида бу мақолаларга ўз муносабатимизни билдиришни лозим топдик.

Т.ф.д., проф. А. Сагдуллаев мақоласида эътибор қаратган мулоҳазалар асосан ўзбеклар этногенези муаммоси атрофида бўлиб, бу масалада монография муаллифи катта илмий иш бажарганигини эътироф этади ва асарнинг I ва II бобларида «Миллий автохтонизм концепцияси»нинг туб моҳияти ва у билан боғлиқ назарий ва методологик масалалар ҳамда ўзбек халқининг келиб чиқиш тарихи акс этган илмий адабиётлар таҳлилини ижобий баҳолайди. Шу билан бирга, проф. И. Жабборовнинг илмий иқтибосларсиз ёзилиб, 2008 йилда «Шарқ» нашриётида чоп этилган «Ўзбеклар (анъанавий хўжалиги, турмуш тарзи ва этномаданияти)» асари ҳақида китобда билдирилган танқидий фикрларга қўшилмайди (журналнинг 72-бетида). Унингча «И. Жабборов китоби мақсад ва вазифасига кўра, ўзбеклар этногенези масаласида ўз фикр-мулоҳазаларини эркин ифода этган асар», ва ўз фикрини давом эттириб, «монография муаллифининг мураккаб тарихий муаммоларни таҳлил қилиш жараённида илмий адабиётларга иқтибос бериш лозимлиги ҳақидаги фикри албаттга ўринли» деб якунлайди. Афсуски, тақризчи проф. И. Жабборов китоби ўзбеклар этногенези масаласида ўтган асрнинг 50–60-йилларидағи тасаввурлардан нарига ўта олмаганлиги ҳақида оғиз очмайди.

А. Сагдуллаев танқидий эътиrozлар билдиришда давом этиб, «А. Асқаровнинг тадқиқотида сўнгги йилларда этногенез ва этник тарих муаммоларига бағишлиланган мақола ва илмий тадқиқотларда қўлланилган замонавий усуллар етарли даражада инобатга олинмаган» (73-бет) дейди. Аслида А. Сагдуллаев юқорида ижобий баҳолаган монографиянинг 1-бобида айнан замонавий усуллар ҳақида гап боради. Афсуски, А. Сагдуллаевга маъқул тушган этносга боғлиқ замонавий усулларда ҳар қандай халқ тарихининг энг муҳим босқичи — этногенез масаласи инкор этилади. Тақриз қилинаётган монографияда эса, айнан этногенез ва

¹ Сагдуллаев А. А. Асқаровнинг янги асарида таклиф этилган ўзбеклар этногенези концепцияси ҳақида баъзи мулоҳазалар // O'zbekiston tarixi. 2015. № 3. 72–79-б.; Аширов А. Ўзбек халқининг этногенези ва этник тарихига оид монография ҳақида. Шу жойда. 80–87-б.

этник тарих ҳақидаги асосий қарашлар таҳлили ўз аксини топган. Ўзбеклар икки тарихий илдиз қоришувидан ташкил топган автохтон халқ эканлигини асословчи яна қандай замонавий усувлар бор? Танқидий мақолада улар ҳақида бирор ишора ҳам кўзга ташланмайди. А. Сагдулаевнинг китоб ҳақидаги танқидий эътиrozларидан яна бири, ишда К. Шониёзов фикр ва мулоҳазалари билан ўхшаш томонлар кўп (ўша бетда), дейди. Дарҳақиқат, монография билан яхшироқ таниш бўлсангиз, ишнинг илмий концепциясида биз К. Шониёзов билан бир позициядамиз. Шунинг учун ҳам муаммога ёндашувда бир-бири мизга ўхашалик бор. Аммо, ўзбек халқининг этник ва миллат тарихи масаласида мустақил қарашларимизга ҳам эгамиз. Улар ҳақида китобда тегишли маълумотлар берилган.

Танқидчи-такризчи эътиroz билдирган боблардан бири «Ўрта Осиё халқлари тарихининг янгича даврлаштириш масаласи» бўлиб, унда «янгича ёндашув кўзга ташланмайди» (ўша бетда). Чунки, «ибтидоий тўда даври», «ибтидоий уруғчилик жамоаси», «матриархат», «патриархат» ва «ҳарбий демократия» каби кишилик тарихининг босқичлари ўз даврида Л.Г. Морган томонидан таклиф этилган ғоялар бўлиб, тарих фанида улар умум эътироф қилинган тушунчалардир. Таъкидлаш жоизки, Л.Г. Морган хизматлари китобда айтилган, булар китоб муаллифи учун янгилик эмас. Аммо, муҳтарам танқидчимиз муаллифни тушунмабди. Мен китобда совет даврида кенг қўлланиб келинган, кишилик тарихининг 5 та ижтимоий-иқтисодий формациясига муносабат билдириб, бу даврий схемада кишилик тарихининг биринчи формацияси «Ибтидоий жамоа тузуми» деб аталиб, унинг таркибига одамзоднинг пайдо бўлишидан то дастлабки синфий жамият таркиб топгунига қадар ўтган давр киритилган, яъни унга «ибтидоий тўда даври» ҳам киритилган. Ваҳоланки, «Ибтидоий тўда даври» одамсимон илк аждодларимизнинг одам бўлиб шаклланиш давридир (становление самого человека). Бу даврда одамзоднинг илк аждодлари — Зинжантроп, Питекантроп, Фергантроп, Синантроп, Неандерталлар яшаган. Уларда ҳали никоҳ, оила, уруғчилик, жамоачилик бўлмаган. «Ибтидоий уруғчилик жамоаси» эса Homo sapiensлардан (ақлли одамлар давридан) бошланган. Шу боис, мен собиқ совет даври нашрларида кенг қўлланиб келинган ибтидоий жамият тарихини (яъни биринчи «ижтимоий-иқтисодий формация»нинг) икки босқичга, яъни «Ибтидоий тўда» ва «Ибтидоий уруғчилик жамоаси» босқичларига бўлишни тўғри деб топмадим. Чунки, кишилик тарихининг «Ибтидоий тўда даври»да илк аждодларимиз ҳали росмана одам ҳолатига кирмаган эди. Кишилик жамияти эса, айнан ибтидоий уруғчилик, илк жамоачиликдан, оналар илоҳийлаштирилган жамоачиликдан, илк аждодларимизнинг ҳайвоний ҳис-туйгулардан қутулиб, росмана одам ҳолатига, ақлли одам, фикрловчи одам шаклига кирган давридан бошланади. Кишилик жамиятининг «Ибтидоий уруғчилик жамоаси» эса, ўз навбатида бир неча босқичларга бўлинган. Бу ҳақда даврлаштириш бобида тўлиқ маълумотлар берилган. Танқидчимиз эса, мен назарда тутган асл мақсадни тушуниб етмаган.

«Муаллифнинг таъкидлашича, — дейди танқидчимиз — «милодий III—IV асрларгача ўрта Осиёда «ҳарбий демократия» тизими ҳукм сурган. Шунингдек, мил. авв. VII—милодий IV асрларда минтақадаги цивилизация марказлари ва давлатларнинг таркиб топиши қайд этиб ўтилган. Бу жойда масалага ойдинлик киритиш лозим, чунки «ҳарбий демократия» ва «цивилизация» ҳар хил тарихий тушунчалар бўлиб, Ўрта Осиёда уларнинг вужудга келиши хронологияси ни бир-бири билан ажralган ҳолда, аниқ кўрсатиб бериш зарур». А. Сагдулаевнинг танқидий мулоҳазасида даврий схемамиздаги II давр («Ибтидоий уругчилик жамоаси ва мулк эгалигининг шаклланиш даври»)нинг юқори хронологик чегараси назарда тутилган бўлса, шуни айтиш мумкинки, унинг «ҳарбий демократия» босқичи Ўрта Осиё шароитида илк темир (mil. avv. VII—IV асрлар) ва антик давр (mil. avv. IV аср охири — милодий IV асрлар)ни ўз ичига олади. Антик даврининг Қанг (Кангкия) ва Даван-Дайюан (Парфана) давлатларида бошқарув жанубнинг Юнон-Бақтрия ва Кушон давлатларидан фарқ қилиб, бошқарув тизими «ҳарбий демократия» даврининг демократик принциплари асосида қурилганлиги тарихчи-археологларнинг ҳеч бирига сир эмас. «Ҳарбий демократия» атамасини Ўрта Осиё минтақасининг жанубий вилоятларига нисбатан ишлатилса, унинг хронологик чегараси илк темир даврига тўғри келади. Ҳарбий демократия тушунчаси Бақтрия, Маргиёна, Парфия, Хоразм ва Суғдиёна каби ўлкаларга нисбатан ишлатилганда, у фақат илк темир даври хронологиаси билан монандидir. Цивилизация тушунчаси эса, туб моҳият ва мазмун жиҳатидан ҳарбий демократия тушунчасидан фарқ қилиб, у кўпроқ аждодларимизнинг ўтроқ деҳқончилик маданияти, шаҳарсозлик ва илк давлатчилик маданиятига нисбатан ишлатилиши ҳам ҳеч кимга сир эмас. А. Сагдулаев «муаллиф минтақада ҳарбий демократия босқичида «зардуштийлик ва буддавийлик, монийлик, насронийлик ва шаманизм ёйилади» (82-бет) деб ёзган», дейди. Аслида эса, мазкур бобнинг якунида «жамият мафкуравий асосини дастлаб табиат ҳодисаларига сифиниш: тотемистик, анимистик, сеҳргарлик (матриархатда), оташпастлик диний қарашлари (патриархатда), сўнг (ҳарбий демократия босқичида) эса зардуштийлик ва буддавийлик, монийлик, насронийлик ва шаманизм ташкил этган», деб ёзилган. «Мазкур бобда,— дейди тақризчи,— илк ўрта асрлар тарихига оид кашоварзлар, озодкор ва гувакорлар ижтимоий гуруҳларини хронологик ва мазмун жиҳатидан бронза, илк темир ва антик даври билан боғлаш бироз шубҳа уйғотади». Мен бундай деб ўйламайман. Чунки, ерга, чорвага бўлган хусусий мулкнинг пайдо бўлиши сўнгги бронза даврига бориб тақалади. Бу хуносалар археологик материаллар таркиб топиши кашоварзлар ижтимоий гуруҳининг пайдо бўлишига олиб келган. Бу жараён аждодларимиз ҳайвонлардан транспорт воситаси сифатида фойдаланишга ўтгандаридан сўнг, чорвадор жамоаларда эса эртароқ, бронза давридан юз бера бошлиди. Бу жараён узоқ давом этади, унинг якуни илк ўрта асрларда жамиятнинг асосий ижтимоий, иқтисодий таянчига айланади. Бу ҳақда китобда асосли таҳ-

лилий хulosаларга келинган. Бу ҳам кенг кўламли археологик материаллар таҳлили асосидаги янгича қарашлар туркумига киради. Танқидчимиз бронза, илк темир ва антик даврларга хос қандайдир ижтимоий қатламларни белгиловчи маҳсус тушунчалар борлигига ишора қилган. Уларни илк ўрта асрлар даври атамалари билан алмаштиришга жиддий зарурият йўқлиги ҳақида гапиради. Аммо, улар қандай атамалардан иборат эканлигини айтмайди.

Энг ачинарлиси шундаки, китобда келтирилган турли хил расмлар ва хариталар, V–VII бобларда келтирилган ўзбек ҳалқи аждодларининг ўтроқ ва чорвадор этник қатламларига тегишли археологик материаллар этногенез ва этник тарих учун бевосита ахборот бермас эмиш (тақризда, 74-бет). Авваламбор, археологик ва антропологик материалларсиз ҳар қандай ҳалқнинг этногенез тарихини ёзиш мумкин эмас. Наҳотки, археолог А.Сагдулаев учун сополларнинг ўта қисқа тавсифи, хом гиштларнинг ўлчамлари, мудофаа деворлари ва ертўлалар характеристири ўзбек ҳалқи этник таркибини ўрганишда, хронологик, этномаданий ва миграциялар билан боғлиқ ахборотлар олишда бирламчи манба бўлиб хизмат этиши маълум бўлмаса!?

«Китобда, — дейди танқидчимиз, — у ёки бу давр археологик ёдгорликлари ва маданиятларининг маҳсус сарлавҳаси остида ёритилган... Бундай ёндашувга тегишли айрим саволларнинг пайдо бўлиши табиийdir. Қандай қилиб ҳали муайян элат, ҳалқ маълум бўлмаган қадимги даврларда, шу жумладан, олис бронза даврида, археологик ёдгорликлар ва моддий манбалар «ўзбек ҳалқи этник асосини» ташкил этиши мумкин? Археологик артефактларда, антропологик қиёфада, тил ҳақида муайян ахборот, маълумот сақланиб келганими?» — дея таажжубланади. Танқидчимиз «ўзбек ҳалқи аждодларининг моддий маданияти ҳақида сўз юритиш, эҳтимол тўғридир», деган хulosага келади. Аммо, «ўзбек ҳалқининг келиб чиқишидан далолат берувчи ёдгорликларини баён этишда Саразм ёдгорлигидан бошлаш мақсадга мувофиқ эмас. Бу ўзгалар миллий тарихини ўзлаштиришни англатади», дейди (74-бет). Бироқ китобга ҳозирги Туркманистоннинг Копетдог' этакларидан Зарафшон водийсига кириб келган энеолит ва илк бронза даврига оид Саразм ёдгорлиги ҳақида тегишли маълумотларнинг киритилиши илмий зарурият эди. Чунки, ўзбек этник тарихининг бир илдизи қадимги эроний тилли сүғдий аждодларимизга бориб тақалади. Боз устига, Саразм ёдгорлиги Ўзбекистон Республикаси худудининг марказий қисмини ташкил этган Зарафшон водийсида, 1929 йилда собиқ совет мағкурачилари томонидан ўрнатилган Ўзбекистон ва Тожикистон Республикалари чегара пунктидаги қишлоқда жойлашган.

«Китобда келтирилган хариталарга, — дейди тақризчи, — ёдгорликларни жойлаштиришда хатоликлар кўзга ташланади. Бир қатор ёдгорликлар ўз географик жойида эмаслиги қайд қилинган». Ҳақиқатда, китобда бу камчиликлар учрайди, ёдгорликларнинг кўплиги ва уларни харитага аниқ масштаб билан жойлаштириш қийинлиги боис, айрим хатоликлар юз берган. Аммо, китобга бир неча хил хариталарни киритишдан кўзланган мақсал, уларни аниқ ўз гео-

график ўрнига жойлаштириш эмас, балки қадимда аждодларимизнинг ҳозирги Ўзбекистон ҳудудларида қанчалар кенг тарқалганлигини намойиш этиш бўлган. Хатолар келгуси нашрларда тузатилади.

Тақризчининг яна бир эътирози муаллифнинг «янгича қарашлар ва ёндашувлар» изоҳида қадимги Хитой ёзма манбаларига асосланиб, орийларни прототуркийлар билан локализациялаш фояси бўлди. Ушбу баҳсларда, дейди у, жаҳоннинг машҳур олимлари икки асрдан ортиқ вақт баҳсларда иштирок этиб, орийлар келиб чиқиш жиҳатидан Евроосиёнинг эронзабон қабила ва элатларидир, деган фоя билан изланишлар олиб боришилар-да, кутилмаганда А. Асқаров уларни ва уларнинг издошларини «евроцентризм»да айблаб, ўзининг бироз муваффақиятсиз чиққан концепцияси асосида, «орийлар муаммоси»ни тубдан қайта кўриб чиқиш лозимлигини тантанали равишда эълон қиласиди. Аммо, А. Асқаровнинг ўзи 1981 йилда чоп этилган мақоласида: «Гарчи лингвист бўлмасам-да, мен Ўрта Осиёни эроний тилларнинг ilk юзага келган маркази дейишим мумкин, дея тахмин қилишга ўзимни ҳақли деб биламан, шимолий вилоятлардан бу ерга чорвадор қабилаларнинг (орийлар) келишидан анча илгари маҳаллий аҳолининг тили эроний бўлган², деб ёзгани маълум». Дарҳақиқат, Сополли маданияти ёдгорликларини ўрганиб юрган кезларимда, шундай холосага келганман. Буни мен инкор этмайман. Аммо, ҳеч қаҷон, собиқ совет даври фан даргалари Евроосиё даштларининг бронза даври аҳолиси, айниқса, Андроново маданияти қабилалари эроний тилли эди, деган евроцентрик лингвистларнинг Авесто ривоятларига асосланган «илмий» фаразларига қўшилмаганман. Чунки, Тоғли Олтойда яшаган Андроново маданияти аҳолисининг прототуркий эканлигини совет даври тарих фани тан олса-да, нега моддий маданияти ва антропологик типи улар билан бир бўлган Евроосиё даштларининг Сруб-Андроново маданиятларининг аҳолиси қадимги эроний тилли қабилалар бўлиб қолганлиги мени ҳайратга солар эди. Яқингача Андроново маданиятининг аҳолиси қайси тилда сўзлашганлиги ҳақида ҳеч қандай ёзма маълумот ийӯқ эди. Қадимги Хитой ёзма манбаларига қилинадиган иқтибослар Л.Я. Бичурин асарларига асосланар эди. Қадимги Хитой ёзма манбаларининг аслияти асосида қайта ўқилиши туфайли Жанубий Сибирь даштларида, Енисей дарёси ҳавзаларида мил. авв. III-II минг йилликларда туркий тилли хуннларнинг аждодлари тиеклар (хитойча дилар), хулар (хитойча рунг, ривем) каби жанговар чорвадор прототуркий қабилалари яшаганлиги аниқланди. Бу ҳақда китобда кенг маълумотлар берилган. Мен 2007 йилда чоп этилган «Ўзбек халқининг этногенези ва этник тарихи» деб номланган ўқув қўлланмамиизда прототуркий тилли орийларни мил. авв. II минг йилликнинг ўрталаридан жанубга миграцияси туфайли, уларнинг туб жойли шимоли-шарқий эроний тилли қабилалар билан илк бор қоришуви, яъни ўзбек халқининг этногенез тарихи бошланди, деган бўлсан, 2015 йилда чоп этилган «Ўзбек халқининг келиб чиқиш тарихи» китобимда бу фикрлар

² А скаров А. Южный Узбекистан во II тысячелетии до н.э. Этнические проблемы истории Центральной Азии в древности. Москва, 1981. 178-б.

мавжуд археологик ва антропологик материалларнинг янгича таҳлили ва уларга янгича қарашлар асосида янада ривожлантирилди, яъни прототуркий аждодларимиз ҳам қадимги эроний тилли аждодларимиз каби автохтон эканлиги ҳақида илмий қарашлар ўргага ташланди. Тўғри, бу ҳали ўта мунозарали муаммо, аммо масаланинг қўйилиши илмий-назарий жиҳатдан мантиқан тўғридир. Фанда у ёки бу масалада турил хил қарашларнинг бўлиши табиий ҳол. Тарихий ҳақиқатлар уларсиз юзага келмайди.

Китобда прототуркийларнинг аслзода суворийларига нисбатан орий атамаси ишлатилган. Уларнинг оддий прототуркий аҳолидан фарқининг археологик белгилари кўрсатилган. Бундан ташқари, бронза даврининг орий-прототуркийлари биргина ўзбек халқининг аждодлари бўлиб қолмасдан, балки улар қозоқ, қирғиз, туркман, уйғур, татар каби туркий тилли қардошларимизнинг ҳам аждодларидир. Боз устига, ўзбек халқи этногенези ҳақида гап кетганда, унинг келиб чиқиши икки илдизли этник қатламларнинг узоқ асрлар давомидаги қоришувидан ҳосил бўлган янги этнос эканлиги китобда қайта-қайта айтиб ўтилган.

Оппонентимиз асосан танқидий фикрлардан ташкил топган ушбу мақоласида яна олис аждодлар тили масаласига қайтиб, А. Аскаровнинг «неолит даври Жойтун маданиятининг авлодлари бўлган бронза даврининг аҳолиси шарқий эроний тил соҳиблари бўлганлиги ҳақида илмий қарашлар мавжуд. Тарихий илдизлари Калтаминон маданиятига бориб тақалувчи Замонбобо, Тозабоғёб, Қайроқкум, Евроосиё даштларининг Сруб ва Андроново маданиятлари аҳолиси эса, қадимги хитой ёзма манбалари ва археологик изланишларга кўра, протовтуркийлар эканлигига шубҳа қолмайди, деган нуқтаи назари илмий жиҳатдан асослаб берилмаган», дейди. Сагдуллаев тарих фанида илмий фаразлар олис ўтмишимиз даврида, Ўрта Осиё ҳудудий доирасида, ҳали ёзув пайдо бўлмаган кезларда, мавжуд археологик ва антропологик материалларнинг мантиқий таҳлили асосида яратилади. Аммо, айнан муаммо ечимида протовтуркийлар фойдасига асос берувчи қадимги Хитой «шилари» қолдирган иероглиф ёзувлари ҳам бор-ку! Бироқ, китобнинг VIII ва XII бобларида А. Сагдуллаев эътиrozларига тегишли асосли жавоблар мавжуд.

А. Сагдуллаев эътиrozларига берган жавобларимга якун ясад айтиш мумкинки, фанда пайдо бўлган ҳар бир янги тоя қанчалар асосли бўлмасин, дастлаб қаршиликларга учраши табиий ҳол. Бундан муаллиф чўчимайди, аксинча туғилган эътиrozлар муаммо ечими бўйича келгусида янгидан-янги тадқиқотлар олиб боришига туртки бўлади.

Т.Ф.д., профессор А. Аширов ҳам мақоласида ушбу ўта мураккаб муаммо, унинг илмий ечими ва китобда кўтарилган долзарб масалалар юзасидан ўзининг объектив баҳосини берган. Шу билан бирга, муаллифнинг унга қадар муаммо илмий ечимига бағишланган асарларда кўпроқ асосий ургу, унинг туркий илдизига қаратилиб, ўзбек халқининг ўтроқ асосларига эътибор кам қаратилди, деган мулоҳазаларига бироз эътиroz билдиради. Бу эътиrozга юзаки қаралса, танқидчи ҳақли, аммо масала ечимига чуқурроқ ёндашилса, мен ки-

тоб муаллифи сифатида ҳақли бўлиб чиқаман. А. Аширов ўзбек халқининг этник тарихида аждодларимизнинг ўтроқ қатламига ҳам катта эътибор берилган лигини асослаш асносида устози К. Шониёзовнинг «Ўзбек халқининг шаклланиш жараёни» асари II боб, I банди («Ўзбек элатининг илк аждодлари»)га иқтибос қилиб, шу параграфда (103–151-бетлар) ўзбек халқининг ўтроқ этник асоси кенг ёритилган, деган фикрни келтиради. Аслида, К. Шониёзов асарининг бу банди муаллифнинг ўзи ёзишига қараганда, Ўрта Осиё қадимги ва илк ўрта асрлар этник дунёсининг қисқа тарихий очерки бўлиб, бу банднинг бошланишида ўтроқ аждодларимиз маданиятига тегишли атиги иккита ёдгорлик (Сополлитепа ва Чуст) тилга олинади. Бутун бошли 48 варақдан иборат матнда илк темир, антик ва илк ўрта асрлар даврининг ўтроқ деҳқончилик марказлари аҳён-аҳёнда тилга олинниб, асосий ургу чорвадор гуруҳларнинг этник таҳдилига бағишинади.

А. Аширов мақоласида (журналда 83-бет) «муаллифнинг монографияси ўзбек халқи тарихи уч босқичдан, яъни этногенез, этник ва миллат тарихидан иборат эканлиги ҳақидағи қарашларга асосланган этнос концепцияси асносида таҳдил қилинган. Этник тарихга бундай ёндашув тўғри эканлигини маъкуллаган ҳолда шуни ҳам таъкидлаш керакки, этнология фанида бу борада бошқача қарашлар ҳам мавжуд. Жумладан, академик К. Шониёзовнинг фикрича, «этник тарих ўрганилаётган халқнинг ибтидоийликдан бошлаб, бир қанча тарихий босқичларни ўтиб, то бизгача давом этиб келган катта даврни қамраб олади. Бошқача қилиб айтганда, этник тарих тушунчаси этноснинг қадимда ва илк ўрта асрларда мавжуд бўлган илдизларини, уларнинг алоҳида этник жамоа (этник бирлик) бўлиб шаклланиш даврини ҳамда этноснинг кейинги тарихий тараққиёт тарихининг (то миллат бўлиб шаклланишига қадар) ўтган даврини ўз ичига олади»³. Бироқ, ҳар иккала муаллиф ҳам этнос-халқнинг шаклланиши миллатнинг шаклланишига тўғри келмайди, деган умумий холосага келадилар. Ҳар иккала муаллифнинг фикрича, миллатнинг шаклланиши этногенетик жараён каби узоқ давом этадиган тарихий жараён бўлиб, миллат этник тарихнинг энг юқори чўққиси, камолот босқичики, бу босқичга қўтарилиган халқнинг давлати миллат номи билан юритилади, аниқ ҳудудий чегарада муомалада бўлган умумхалқ-миллат тили давлат тили мақоми даражасига қўтарилиди, ўзликинглаш даражаси фуқароларнинг ҳаёт мазмунига, кундалик турмуш тарзига айланади. Аслида миллатга берилган бу таъриф факат китоб муаллифига (А. Асқаровга) тегишли бўлиб, аксинча академик К. Шониёзов ўзининг «Ўзбек халқининг шаклланиш жараёни» номли фундаментал асарининг I боб, этнос назаријасига бағишинган 4-бандида (77-бет) «элат ва миллат атамалари фанда ҳали обдан такомиллашганича йўқ», шу банднинг 86-бетида эса «Этнография фанида элатни (миллатни ҳам) белгиловчи бир қанча аломатлар мавжуд: ҳудуд, тил, иқтисод, маданият, тарихий қисматнинг умумийлиги, онг сезими, этнос-

³ Шониёзов К. Ўзбек халқининг шаклланиш жараёни. Тошкент, 2001. 80-б.

нинг уюшқоқлиги маълум бир давлат доирасида бўлиши, ўз этник номига (этнонимига) эга бўлиши, дин умумийлиги ва бир қанча бошқа аломатлар», деган фикрни билдирган. К. Шониёзов келтирган аломатлардан «этноснинг уюшқоқлиги бир давлат доирасида бўлиши» ва «ўз этник номига (этнонимига) эга бўлиши» ҳақиқатда этноснинг миллат босқичига тегишли, «дин умумийлиги» эса этноснинг ҳар иккала босқичига ҳам тегишли бўлиши мумкин. Қолганлари абстракт кўринишда, уларга таърифий аниқлик киритилмагунча бирор нарса дейиш қийин.

Монография муаллифи, дейди А. Аширов, «миллат капитализмнинг ижтимоий маҳсулни ҳисобланади. Агар мана шу методологик принципга асосланадиган бўлсак, ўзбек халқининг миллат тарихи XIX аср охири – XX асрнинг бошларидан бошланган» лигини таъкидлайди. «Аммо, бизнингча, — дейди А. Аширов, — бу қараш бирмунча баҳсли бўлиб, замонавий этнологияда ҳам бу муаммоли қараш ҳисобланади». Чунки, бундай қараш XX асрнинг 80-йилларидан бошлаб хорижий мутахассислар томонидан жиддий мунозара мавзуига айланди... Сўнгти ўн йилликларда миллат билан боғлиқ анъанавий қарашларда инқиlobий ўзгаришлар юз берди. Хорижий олимлар фикрича, миллат, аввало, сиёсий уюшма шакли ва ундан кейин этник ва ижтимоий бирлашма феномени ҳисобланади ... миллат тасаввурдаги тузилма бўлиб, жамоавий ҳаракатларга асос бўлади ва қатъий воқеиликка айланади. Бу борада Э. Гелнер миллат ва миллатчиликка индустриал жамият асос бўлган деб ёзса, Б. Андерсон миллат индустриал жамиятта ўтиш босқичи, деб таъкидлаган. Шу боис, китобда миллат назарияси билан боғлиқ фанда альтернатив бошқа илмий қарашлар ҳам борлигини эслаб ўтилса мақсадга мувофиқ бўлар эди». Миллат назарияси билан боғлиқ қатор альтернатив қарашлар борлиги ҳақида эслаб ўтиш масаласида А. Аширов ҳақли. Аммо, бу масалада миллаттага «сиёсий уюшма», «инсон тасаввуридаги тузилма», «турли этнос вакилларининг жамоавий уюшмаси» сифатида қараш тарихан хатодир. Э. Гелнер ва айниқса Б. Андерсон қарашлари тарихий ҳақиқатга яқин, бизнинг қарашларимизнинг ўзгача ибораларда айтилиши десак, хато бўлмайди. А. Аширов китобнинг II бобида адабиётлар таҳлили асносида ижобий фикрлар билдириб, устози асарида («Ўзбек халқининг шаклланиш жараёни») қўйилган баъзи бир камчиликлар ҳақида билдирган мулоҳазаларимни баҳсли деб ҳисоблайди. Бу ҳақда юқорида фактлар асносида жавоб қилинди. Тақризчимиз китобнинг қатор боблари мазмун ва моҳиятига ижобий муносабат билдириб, монографиянинг археологик материаллар тавсифига бағищланган V–X бобларини ўқувчи томонидан мутолаа қилиниши оғир кечади, натижада оддий ўқувчига бироз қийинчиликлар туғдиради... масала ечимини топиш жарабёнида бироз чалкашликларга олиб келиши мумкин, деган эътиroz билдирган. А. Ашировнинг мулоҳазалари бир жиҳатдан тўғри, аммо бу талаба учун ўқув қўлланмаси ёки дарслик эмас, балки фундаментал академик асар, изланувчи-тадқиқотчилар учун манба, илмий ва илмий-методологик асар ҳамdir.

Тақриз якунида проф. Адҳамжон Аширов «умуман олганда, мазкур асарда муаллифнинг ҳозиргача Ўзбекистон тарихи ва этнология фанида етарлича ишланмаган этногенез ва этник тарих, ўзбек халқининг келиб чиқиш тарихи муаммолари ечимига қаратилган муҳим илмий хуласалари баён қилинганлиги ни қайд этиб, академик А. Асқаровнинг илмий тадқиқоти ўзбек халқи этногенези ва этник тарихини ўрганишга муҳим ҳисса қўшиши ва ўрганилаётган муаммо тарихшунослигига ўзининг муносабатини билдирилган», деган фикрға келади.

A. ASKAROV

**«ЎЗБЕК ХАЛҚИННИГ КЕЛИБ ЧИҚИШ ТАРИХИ»
АСАРИ БҮЙИЧА БИЛДИРИЛГАН МУЛОҲАЗАЛАРГА ЖАВОБ**

Мақолада муаллиф «Ўзбек халқининг келиб чиқиш тарихи» асари бўйича «O'zbekiston tarixi» журналининг 2015 йил 3-сонида чоп этилган А. Сагдуллаев ва А. Ашировларнинг мулоҳазаларига ўз муносабатини билдирилган. Муаллиф ўзининг ўзбек халқи этногенези ҳақидаги концепциясига мақолада билдирилган эътиrozлар ва кўрсатилган камчиликлар юзасидан илмий асосланган жавобларини келтиради.

A. ASKAROV

**ОТВЕТ НА СУЖДЕНИЯ О КНИГЕ
«ЎЗБЕК ХАЛҚИННИГ КЕЛИБ ЧИҚИШ ТАРИХИ»**

Автор статьи высказывает свое мнение о суждениях А. Сагдуллаева и А. Аширова, напечатанных в журнале «O'zbekiston tarixi», 2015, №3, в связи с изданием его книги «Ўзбек халқининг келиб чиқиш тарихи» и приводит научно обоснованные и аргументированные ответы на указанные в этих суждениях недостатки и критику по поводу его концепции о этногенезе узбекского народа.

A. ASKAROV

**AN ANSWER TO THE JUDGEMENTS ABOUT THE BOOK
«ЎЗБЕК ХАЛҚИННИГ КЕЛИБ ЧИҚИШ ТАРИХИ»**

The author of the article states his opinion on the judgements of A. Sagdullaev and A. Ashirov printed in the magazine «O'zbekiston tarixi», 2015, issue3 regarding the publication of his book «Ўзбек халқининг келиб чиқиш тарихи». The author expresses scientifically well-founded arguments concerning the articles' shortcomings and criticism addressed to the concept of ethnogenesis of the Uzbek people.

Ю Б И Л Е Й

A. АНАРБАЕВ

**АКАДЕМИК АҲМАДАЛИ АСҚАРОВНИНГ
ЎЗБЕКИСТОН АРХЕОЛОГИЯ ФАНИ
РИВОЖИГА ҚЎШГАН ҲИССАСИ**

Ўзбекистон ФА нинг академиги, Ўзбекистонда хизмат кўрсатган фан арбоби, Абу Райхон Беруний номидаги давлат мукофотининг лауреати, тарих фанлари доктори, археолог, профессор Аҳмадали Асқаров 1935 йил 25 сентябрда Наманган вилояти Норин тумани Учтепа қишлоғида таваллуд топди. У Низомий номидаги Тошкент давлат педагогика институтининг тарих факультетига 1953 йилда ўқишига кириб, унинг тўлиқ курсини 1957 йилда имтиёзли диплом билан тамомлаган. Талабалик йилларида ёки ўзбек археологиясининг отаси, академик олим Яхё Гуломовнинг илмий маъruzаларини тинглаб, археология фанига бўлган қизиқиши уйғонди ва у киши билан бўлган мулоқотлар ёш Аҳмадали Асқаровнинг фандаги ҳаёт йўли ва илмий йўналишини белгилаб берди.

Аҳмадали Асқаров Ленинград (ҳозирги Санкт-Петербург) шаҳрида СССР ФА Археология институтининг Ленинград бўлимида аспирантурада таникли археолог-олим М.П. Грязнов раҳбарлигига номзодлик диссертацияси устида илмий тадқиқот олиб борди. 1963 йилда номзодлик диссертациясини¹ муваффақиятли ҳимоя қилгач, Ўзбекистон ФА Тарих ва археология илмий-тадқиқот институтида дастлаб кичик илмий ходим (1961–1963), сўнг катта илмий ходим (1963–1966), кейинроқ археология йўналиши бўйича директор ўринбосари (1966–1970) лавозимларида хизмат қилди.

Аҳмадали Асқаров 1970 йили Самарқандда янги ташкил этилган Археология институтининг директори этиб тайинланди. Янги институтни ва кадрларни шакллантиришда Аҳмадали Асқаровнинг илмий ташкилотчилик хизматини алоҳида қайд этиш зарур. Унинг ташаббуси билан 1987 йили Самарқанд археология институти қошида номзодлик диссертациялари бўйича ҳимоя кенгаши ташкил этилди. Кейинроқ эса у минтақавий докторлик ҳимоя кенгашига айлантирилди, институт базасида бир неча бор минтақавий, бутуниттироқ ва халқаро миқёсда илмий конференциялар, симпозиумлар ташкил этилди, ўзига хос «Самарқанд археология мактаби» шаклланди.

Аҳмадали Асқаров 1976 йилда докторлик ишини² якунлаб, 1977 йил Москва-да СССР ФА Археология институти қошидаги илмий кенгашда ҳимоя қилди.

¹ Аскаров А. Низовья Зарафшана в эпоху бронзы. Автореф. канд. дисс. Ленинград, 1962. 19 б.

² Аскаров А. Бронзовый век южного Узбекистана (К проблеме развития локальных очагов древневосточной цивилизации). Автореф. докт. дисс. Москва, 1976. 44 б.

А. Асқаровнинг илмий-ташкилотчилик қобилияти ва археология фанида эришган ютуқлари уни аввал (1984) ЎзФА мухбир аъзоси, кейин (1987) эса академиянинг ҳақиқий аъзолигига сайланishiга олиб келди. Академик А. Асқаров 1987–1992 йилларда Ўзбекистон ФАнинг тарих, тиљшунослик ва адабиётшунослик бўлимининг академик-котиби, Академия президиуми ҳайъати аъзоси бўлиб ишлади. 1991–1994 йилларда Ўзбекистон Республикаси Фанлар академияси Тарих институти директори, 1994 йил июлидан 1998 йил март ойигача Ўзбекистон Фанлар академияси президиуми аъзоси, тарих, тиљшунослик ва адабиётшунослик бўлимининг раиси вазифаларида ишлади.

Аҳмадали Асқаров бутун илмий фаолияти давомида академик Я.Ф. Фуломов археологик илмий мактабининг изчил давомчиси сифатида археолог кадрлар тайёрлаш ишига алоҳида эътибор бериб келди. Унинг шахсий ташабbusи билан Россиянинг Москва, Санкт-Петербург, Новосибирск каби йирик марказларида ўнлаб ўзбекистонлик ёш мутахассислар таҳсил олдилар. Уларнинг барчаси номзодлик ва докторлик диссертацияларини ҳимоя қилдилар. Ҳозирда уларнинг аксарияти Ўзбекистонда тарих ва археология фанига хизмат қилмоқдалар.

Аҳмадали Асқаров илмий раҳбарлигига 20 та номзодлик диссертациялари ва 4 та докторлик иши муваффақиятли ҳимоя қилинди.

Олим Ўзбекистон тарих фанининг жонкуяр тарғиботчиси ҳамdir. У 50 дан ортиқ ҳалқаро симпозиум ва конференцияларда археологиянинг долзарб мавзулари бўйича чиқишлилар қилган. Бирлашган Миллатлар Ташкилотининг ЮНЕСКО бўлими томонидан нашр этилаётган олти жилдлик — «Марказий Осиё цивилизацияси тарихи» муаллифларидан биридир. 1989–1991 йиллари ЮНЕСКО томонидан уюштирилган ҳалқаро экспедициялар ишида фаол қатнашди. 1991 йили эса «Буюк Ипак йўли — мулоқотлар йўли» ҳалқаро экспедициясига покистонлик таниқли археолог олим, профессор Аҳмад Дани билан биргаликда илмий раҳбарлик қилди. 1986 йилда у Германия археология институтининг хорижий мухбир аъзоси этиб сайланган.

Аҳмадали Асқаров америкалик профессор Ричард Фрай билан бирга 1991 йил Алмати шаҳрида бўлиб ўтган ЮНЕСКОнинг семинар кенгашида Марказий Осиё тадқиқотлари институтини тузиш ташабbusи билан чиқди. Бу марказ Қозогистон, Қирғизистон, Тоҷикистон, Туркменистон, Ўзбекистон каби мустақил ёш давлатларнинг жаҳон цивилизациясидаги тарихий ўрнини ўрганишда ҳал қилувчи аҳамият касб этади. 1995 йил 5 июлда Самарқандда 12 давлат вакиллари иштирокида бўлиб ўтган ҳалқаро конференцияда «Марказий Осиё тадқиқотлари ҳалқаро институти» очилиши ҳақида битим имзоланди. 1995 йил 26 августда эса ЮНЕСКО бош раҳбари проф. Федерико Майор иштирокида ушбу ҳалқаро институтнинг расмий очилиш тантанаси бўлди.

А. Асқаров Марказий Осиё археологиясининг йирик вакили сифатида 2014 йил Жаҳон археология энциклопедиясига киритилган.

Аҳмадали Асқаров жамоатчи олим, фан ютуқларининг толмас ташвиқотчи-си ҳамdir. «Ўзбекистон археологияси» илмий журналининг таҳrir ҳайъати аъзоси,

ЎзФАнинг «Ўзбекистонда ижтимоий фанлар», «Фан ва турмуш» журналларида узоқ йиллар таҳририят аъзоси ва бош муҳаррир ўринбосари, Москвада чиқадиган «Российская археология» журнали таҳрир ҳайъати аъзоси бўлиб фаолият кўрсатди.

А. Аскаров ўз илмий фаолияти давомида 60 дан ортиқ китобга, жумладан Археология институтида чоп этиладиган «Ўзбекистон моддий маданият тарихи» илмий тўпламининг 14 жилдига бош муҳаррирлик қилган.

У бир неча бор ҳалқ депутатлари Самарқанд шаҳар советининг депутати, 1990–1995 йилларда 259 Норинкапа сайлов округидан 12-чақириқ Республика Олий Совети депутати ҳамда Республика Олий Совети таркибида «Фан, ҳалқ таълими ва маданий меросни асрар қўмитаси» раиси этиб сайланди.

Академик А. Аскаров кейинги йилларда (2001–2011) Низомий номидаги ТДПУда «Ўзбекистон тарихи ва археологиясининг долзарб муаммолари» бўйича маҳсус курсдан лекциялар ўқиди.

Аҳмадали Аскаровнинг илмий фаолияти бевосита археологик амалиёт билан боғлиқ, у Бухоро, Қарши-Сурхон чўлларида, Тошкент ва Фарғона воҳаларидан тортиб то узоқ Сибирь кенгликлари гача бўлган ҳудудларда кўплаб изланнишлар ўтказган фидойи тадқиқотчи. Шунингдек олим Бойкўл (Байкал), Красноярск, Моҳондарё, Жанубий Туркманистон археологик экспедициялари илмий-тадқиқот ишларида фаол қатнашди.

А. Аскаров ўз илмий изланишларини Бухоро вилоятининг шимоли-фарбий даштларида жойлашган бронза даври ёдгорликларини ўрганишдан бошлади. Унинг бу борада қилган ишлари қўйи Зарафшон ва унинг ирмоқлари бўйлаб устоз академик Я.Ф. Фуломов олиб борган илмий қидириув ишларининг давомидир. Я.Ф. Фуломов 1951 йилда Зарафшон дарёсининг қўйи ирмоқларидан бири бўйлаб жойлашган Замонбобо кўли ёқасидан энеолит ва илк бронза даврига оид қадимги қабристонни топиб, археологик қазишмалар олиб борди. Бу кашфиёт «Замонбобо маданияти» номи остида қатор мамлакатлар тарихий энциклопедияларида ўз ўрнини топди. А. Аскаровнинг чўл-дашт минтақалари аҳолиси маданиятларига бағишлиган илмий изланишлари унинг 20 дан ортиқ илмий мақолаларида, рисола ва «Первобытная культура и возникновение орошающего земледелия в низовьях Зарафшана» номли китобда ўз аксини топган³.

А. Аскаровнинг илмий фаолиятидаги етакчи йўналишлардан яна бири Жанубий Ўзбекистон ҳудудидаги бронза даври ёдгорликларининг ўрганилиши ва уларнинг қадимги Бақтрия Шарқ цивилизациясида тутган ўрни масаласидир. У бронза даврига оид Сополлитепа ёдгорлигини тўлиқ очиб ўрганди. Кейинчалик, Пшактепа, Кучуктепа, Жаркўтон, Бўстон каби қадимги шаҳар ва қишлоқ қолдиқларида археологик тадқиқотлар олиб бориб, ноёб топилмаларни қўлга киритишга эришли. Бу тадқиқотларнинг натижаси 6 та илмий монография ва 100 дан ортиқ илмий рисола ва мақолаларда ўз ифодасини топди.

³ Гулямов Я., Исламов У., Аскаров А. Первобытная культура и возникновение орошающего земледелия в низовьях Зарафшана. Ташкент: Фан, 1966. 267 с.

А. Асқаров изланишларининг муҳим илмий хulosаларидан яна бири Шимолий Бақтрияда қадимги Шарқ цивилизациясининг янги ўчғи — ўтрок дәхқончилик ва илк шаҳарсозлик маданиятининг «Сополли маданияти» номи остида фанга киритилиши бўлди. Бу маданиятининг келиб чиқиши ва унинг ривожланиш босқичлари бой археологик материаллар асосида исботлаб берилди. Ушбу ижодий изланишлар А. Асқаровнинг йирик асари⁴ нашр этилиши билан яқунланди.

Олимнинг муҳим илмий изланишларидан яна бири «Чуст маданияти» типидаги ёдгорликларнинг Ўрта Осиё ҳудудлари бўйлаб кенг тарқалиши ва уларнинг келиб чиқиши муаммосини ойдинлаштиришга қаратилди. Бу масалада А. Асқаров Сурхондарёдаги Кучуктепа ва унга ўхшаш ёдгорликларда илмий изланишлар олиб бориб, «Ўзбекистондаги Чуст, Бургулик, Кучуктепа каби археологик комплексларнинг шаклланиши туб жойли чорвадор сак қабилалари бир қисмининг ўтроклашиб, дәхқончилик билан шуғулланиши билан бевосита боғлиқ» деган хulosага келди. Ўтган асрнинг 70-йилларидаёт А. Асқаров анъанавий қарашлардан фарқли ўлароқ, урбанизация жараёни Ўзбекистонда анча эрта бошланганини қаттиқ ҳимоя қилди.

Илк шаҳарларнинг пайдо бўлиши ва ривожланиш босқичларини ўрганишда А. Асқаровнинг Сополли, Жарқўтон, Бўстон, Кучуктепа каби ёдгорликларда олиб борган қазишма ишлари алоҳида аҳамият касб этди. Сополлитепада шаҳар маданиятининг дастлабки белгилари кузатилган бўлса, Жарқўтонда илк шаҳарнинг барча элементлари мавжуд эди, яъни бундан 3,5 минг йил олдинги шаҳар маданияти билан боғлиқ оташпаратлик ибодатхонаси, шаҳар ҳокимининг саройи, мудофаа девори билан ўралган «Арк» қолдиқлари очилди.

А. Асқаров илк шаҳарларнинг пайдо бўлиши ва ривожланиши борасидаги туркум кашфиётлари учун гуруҳ илмий раҳбари сифатида 1985 йилда Ўзбекистоннинг Абу Райҳон Беруний номидаги Давлат мукофотига сазовор бўлди.

Тарихимиздаги энг муҳим, нозик ва илмий ечимини кутаётган масалалардан бири — бу ўзбек ҳалқининг келиб чиқиши тарихи муаммосидир.

А. Асқаровнинг этник тарих соҳасидаги муҳим хulosаларидан бири прототурк этник қатламнингprotoэроний тилли этник қатлам билан автохтон, азалдан ёнма-ён яшаб келган этник бирлик эканлиги ҳақидаги фоясидир. Узоқ вақт фанда туркий тилли ҳалқлар ҳозирда яшаб турган она ватанларига Олтой томондан кўчиб келган, деган мавхум фикр бор эди. Бу гоянинг акси ўлароқ, А. Асқаров илмий изланишларида антропологик ва археологик материалларга асосланиб, Авесто турлари аслида ўз тарихий илдизларига кўра, прототуркийлар бўлганлигини асослашга ҳаракат қиласди.

Академик Аҳмадали Асқаровнинг этногенез масаласида илгари сураётган фоялари, баъзи бир қарашлардан кескин фарқ қилиб, ўзбек ҳалқининг келиб чиқиши тарихини кўшини тоҷик, қирғиз, туркманлар тарихи билан бир бутунликда, яхлит ҳолда ўрганиш муҳимлигини таъкидлайди.

⁴ Асқаров А.А. Древнеземледельческая культура эпохи бронзы юга Узбекистана. Ташкент: Фан, 1977. 232 б.

ЁШ ТАДҚИҚОТЧИ МИНБАРИ

O. ЖАЙНАРОВ

ТУРКИСТОНДА БАНК ТИЗИМИНИНГ ШАКЛЛАНИШИ ВА РИВОЖЛАНИШ МАСАЛАЛАРИ: МУСТАҚИЛЛИК ДАВРИ ИЛМИЙ АДАБИЁТЛАРИ ОБЗОРИ

Мустақиллик йилларида тарихни холисона ўрганиш бошлангандан сўнг¹, Ўзбекистон тарихининг кўплаб саҳифаларида янгича ёндашувлар асосида ёзилган тадқиқотлар яратила бошланди. Хусусан, мустамлака даври тарихининг турли масалаларига ҳам катта эътибор қаратилди, тадқиқотчилар томонидан ҳали истеъмолга киритилмаган архив маълумотлари асосида кўплаб монографиялар чоп этилди. Ушбу даврда Россия империясининг Туркистондаги иқтисодий сиёсатига доир кўплаб диссертациялар², монографиялар³, илмий мақолалар⁴ яра-

¹ Бу жараён Президент И.А. Каримов томонидан 1998 йил 26 июнда бир гуруҳ тарихчилар билан бўлган учрашувда асосий масала сифатида кўтарилган эди.

² Юлдашев Р. XIX аср охири XX аср бошларида Туркистонда миллий буржуазиянинг шаклланиши. Тарих фан. номз. дисс. автореф. Тошкент, 1994; Тогаева А. Тошкент-Оренбург темир йўли ва унинг Туркистон ижтимоий-иқтисодий ҳаётида тутган ўрни. Тарих фан. номз. дисс. автореф. Тошкент, 2010; Жамолходжи И. Фарғона водийсида нефть саноатининг шаклланиш ва ривожланиши тарихи (1860–1917 йиллар). Тарих фан. номз. дисс. автореф. Тошкент, 2004; Тайронов Й. XX аср бошларида Туркистон тадбиркорларининг ижтимоий-сиёсий ҳаётидаги фаолияти. Тарих фан. номз. дисс. автореф. Тошкент, 2011.

³ Мусаев Н. Туркистонда капиталистик ишлаб чиқариш муносабатларининг вужудга келиши (XIX аср охири XX аср бошлари). Тошкент, 1995; XIX аср иккинчи ярми XX аср бошларида Туркистонда саноат ишлаб чиқаришининг шаклланиши. Тошкент: Иқтисод-Молия, 2008; Зиёев Х. Ўзбекистонда пахта яккаёкимлиги учун кураш ва унинг оқибатлари (XIX аср охири XX аср бошлари). Тошкент, 1999; Тарих шоҳидлиги ва сабоқлари. Д.Алимова мұҳаррирлiği остида. Тошкент: Шарқ, 2001; Болтабоев С. Туркистонда вақф мулклари тарихи. Намангандар, 2005; Курхмедов А. XIX аср иккинчи ярми XX аср бошларида Самарқанднинг иқтисодий ва маданий ҳаёти. Тошкент: Фан, 2009; Остонов О. Зарафшон воҳасида хунармандчilik ва савдо-сотиқ (XIX аср охири XX аср бошлари). Тошкент: Шарқ, 2009.

⁴ Зияев Д. XIX аср иккинчи ярми XX аср бошларида чоризм миллий бойликларини ўзлаштириш сиёсати // O'zbekiston tarixi. 2000. № 1.2. 22–34-б.; XIX аср охири XX аср бошларида Туркистон шаҳарлари тадбиркорлик тарихидан // O'zbekiston tarixi. 2007. № 3. 18–30-б.; Жамолходжи И. Туркистонда рус ва хорижий нефть ширкатларининг фаолияти // O'zbekiston tarixi. 2004. № 2. 58–69-б.; Сугуралиева Ф. Из истории создания и деятельности финансово-хозяйственных учрежденний в Туркестане // O'zbekiston tarixi. 2005. № 1. 64–71-б.; Турсунов Р. XX аср бошидаги миллий матбуотда Туркистондаги ижтимоий-иқтисодий ҳаёт масалалари // O'zbekiston tarixi. 2007. № 1. 74–86-б.; Тайронов Й. XX аср бошларида Туркистондаги ижтимоий-иқтисодий ва сиёсий ҳаёт масалаларининг миллий матбуотда ёритилиши // O'zbekiston tarixi. 2008. № 4. 47–54-б.; Носиров О. Туркистон тоф-кон саноатида акциядорлик жамиятлари ва ширкатлар // Мозийдан садо. 2008. № 37. 30–32-б.; Курбонов Ч. XIX аср охири XX аср бошида Россия империясининг Ўрта Осиёда бож сиёсатини ташқи ва ички савдога таъсири // O'zbekiston tarixi. 2010. № 1. 20–29-б.

тилди. Иқтисодий ҳаётнинг муҳим таркибий қисми бўлган банклар фаолияти бўйича ҳам кўплаб илмий изланишлар олиб борилган. Бу изланишларни мазмун ва моҳиятига кўра икки даврга бўлиш мумкин.

Биринчи даврга мустақилликнинг бошланишидан то Ўзбекистон Республикаси Вазирлар Маҳкамасининг 1998 йил июлдаги ЎзР ФА «Тарих институти фаолиятини такомиллаштириш тўғрисида»ги қарор чиққунга қадар йилларда яратилган тадқиқотларни киритиш мумкин. Ушбу йилларда ўрганилаётган мавзу бўйича яратилган тадқиқотларнинг доираси катта бўлмаса-да, улар муҳим илмий аҳамиятга эга ҳисобланади. Хусусан, мустақилликнинг дастлабки йилларида чоп этилган Н. Авазовнинг мавзуга доир илмий мақоласида⁵ Маҳмудхўжа Беҳбудийнинг ушбу соҳани ривожлантириш учун аввалимбор, иқтисод соҳаси учун зарур мутахассисларни тайёрлаш керак ва Туркистон келажаги иқтисодчи мутахассислар қўлида, дея таъкидланган фикри келтириб ўтилган. Шунингдек, мақолада М. Беҳбудийнинг миллий бойликни сақлаб қолиш юзасидан билдирган фикрлари ва маҳаллий бойларга мурожаати ҳамда миллий банклар хусусидаги фикрлари ҳақида қимматли маълумотлар берилган.

Яна бир тадқиқотчи X. Авазованинг илмий изланиши⁶ эса мустақиллик йилларида ушбу мавзу бўйича яратилган асосий диссертацион тадқиқотлардан ҳисобланади. Муаллиф ўлкада банклар фаолиятини ёритишида катта ҳажмдаги архив ҳужжатларини илмий истеъмолга киритган. Ушбу тадқиқот ишида X. Авазова биринчи навбатда рус капитали ўлкага кириб келишининг ижтимоий-иқтисодий ҳаётга таъсирини кўрсатиб берган. Шунингдек, Туркистонда дастлабки банкларнинг очилиш тарихи ҳақида ҳам маълумотлар берилган. Унда келтирилишича, Туркистондаги Давлат банкининг биринчи бўлими 1875 йилда Тошкент шаҳрида очилган. Кейинчалик Давлат банкининг ўлкадаги фаолияти кенгайиб, унинг бўлимлари 1890 йили Самарқандда, 1893 йили Қўқонда, 1894 йили Бухорода, 1895 йили Ашхободда, 1910 йилда эса Андижон ва Олма-Отада ташкил этилган⁷.

Маълумки, Россия империяси Туркистонни босиб олгандан сўнг бу ерда пахтачилик соҳасини кенгайтиришга зўр бериб ҳаракат қилди. Шу муносабат билан пахтачилик билан боғлиқ масалаларда давлат банкларининг рақобати янада кучайди. Бу рақобатда фақат ўзининг шахсий йирик капиталига эга бўлган банкларгина голиб чиққан. Шунингдек, X. Авазованинг тадқиқотида ўлкада монополияларнинг ташкил этилишида банкларнинг роли, дастлабки тижорат банкларининг очилиши ва фаолияти масаласига ҳам батафсил тўхталиб ўтилган.

⁵ Авазов Н. Банкларга мусулмон саркорлари керакдур // Ҳаёт ва иқтисод. 1991. № 4. 64–66-б.

⁶ Авазова X. XIX аср охири XX аср бошларида Туркистонда банк ва фирмаларнинг ривожланиши. Тарих. фан. номз. дисс. Тошкент, 1997.

⁷ Авазова X. XIX аср охири XX аср бошларида Туркистонда банк ва фирмаларнинг ривожланиши 95–117-б.

Хусусан, тижорат банклари асосан ўз капиталларини пахтачилик соҳасига киритганларни, бунда уларнинг ўлгадаги фаолият юритаётган савдо уйлари ва ширкатлари билан ҳамкорликда иш олиб борганлиги кўрсатиб берилган.

Кўринадики, муаллиф асосан ўлгадаги банкларнинг пахтачилик соҳасидаги фаолиятига қўпроқ аҳамият бериб, уларнинг бошқа соҳалардаги иштирокини етарлича ёритмаган. Шунга қарамасдан ушбу илмий изланиш Туркистонда банкларнинг шаклланиши ва ривожланишини илк бор алоҳида тадқиқот объекти сифатида ўргангандиги билан муҳим аҳамиятта эга.

Мавзуга доир тадқиқотлар таҳлили шуни кўрсатадики, мустақилликнинг дастлабки йилларида ушбу мавзуни ёритиш бўйича илк уринишлар рўй берди. Бу даврда яратилган тадқиқотларда мавзуга ёндашишда методологик камчиликлар кузатилса-да, бироқ уларда келтирилган фактлар мавзу бўйича олиб борилган кейинги изланишларга ўзининг катта ҳиссасини қўшди.

Иккинчи давр эса ЎзР Вазирлар Маҳкамасининг «Ўзбекистон Республикаси Фанлар академияси Тарих институти фаолиятини такомиллаштириш тўғрисида»ги қароридан кейин яратилган тадқиқотларни ўз ичига олади. Таъкидлаш керакки, бу даврда мустамлака даврининг иқтисодий жиҳатларини ёритиб бе-рувчи тадқиқотлар сони кўпайди, шунингдек, мавзуларга ёндашувда методологик ўзгаришлар рўй берди.

Ушбу йилларда мавзуга доир яратилган тадқиқотларни ҳам икки гурӯхга ажратиши мақсадга мувофиқ бўлади. Биринчи гурӯхга диссертацион тадқиқотлар⁸ киради.

Бошқа тадқиқотлардан фарқли ўлароқ, Н. Потапова ўз илмий изланишида асосан Туркистондаги тижорат банкларининг фаолиятига эътибор қаратган. Муаллиф кенг ҳажмдаги ҳали истеъмолга киритилмаган архив манбалари, статистик материалларни таҳлил қилиш орқали ўлгадаги тижорат банклари, хусусан, Москва тижорат банки, Москва ҳисоб банки, Петербург акционерлик банки, Рус-Осиё банки, Азов-Дон банки ва бошқа банкларнинг молиявий операцияларига баҳо берган.

⁸ Потапова Н. История предпринимательства в Туркестане (вторая половина XIX — нач. XX вв.). Дисс... канд. ист. наук. Ташкент, 2002; Фаффоров Ш. Россия империясининг Туркистонга аҳолини кўчириш сиёсати (XIX асрнинг иккинчи ярми XX аср бошлари). Тарих фан. докт. дисс. Тошкент, 2003; Турсунов Р. ХХ аср бошида Туркистондаги ижтимоий-иктисодий жараёнларга миллий тараққий парварларнинг қарашлари. Тарих фан. номз. дисс. Тошкент, 2008; Носиров О. XIX аср охири XX аср бошларида Туркистонда акциядорлик жамиятлари ва ширкатлари тарихи. Тарих. фан. номз. дисс. Тошкент, 2009; Шодмонова С. Даврий матбуотда Туркистоннинг ижтимоий-иктисодий ва маданий аҳволи масалалари (1870—1917 йиллар). Тарих фан. докт. дисс. Тошкент, 2011; Тўхтабеков К. Чор Россиясининг биринчи жаҳон уруши йилларида Туркистон ўлкасида ўтказган иқтисодий сиёсатининг мустамлакачилик моҳияти. Тарих фан. номз. дисс. Тошкент, 2011; Жумасев У. Россия империясининг Туркистондаги солиқ сиёсатининг шаклланиши, асосий босқичлари ва тараққиёти. Тарих фан. номз. дисс. Тошкент, 2012.

Тадқиқотчи, бу даврда ўлкада фаолият юритаётган тижорат банкларини икки тармоқча ажратади: Москва ва Петербург тижорат банклари тармоги. У ўз тадқиқотида ана шу икки гурӯҳдаги банклар фаолиятини ёритиб берган. Хусусан, муаллиф Рус-Осиё банкининг Туркистондаги фаолиятига тўхталиб, унинг тижорат банклари ичиди етакчи ўрин эгаллаганини таъкидлайди. Ушбу банк ўз капиталларини ўлкада нафақат пахта савдо-сотигига, балки Ўрта Осиё нефть соҳасига ҳам кириттган⁹. Тадқиқотда келтирилишича, Рус-Осиё банки биринчи жаҳон уруши йилларида ўз фаолиятини кенгайтиради ва катта даромадга эга бўлиб олади. Унинг сармояси 1914 йилда 73,3 млн. рубль бўлган бўлса, 1916 йилга келиб 87 млн. рублни ташкил этади¹⁰. Бундан ташқари тадқиқотда ўлкада ер банкларининг очилиши, маҳаллий тижорат банклари, жумладан, Ўрта Осиё тижорат банки ва унинг фаолияти ҳам ёритилган.

Ш. Фаффоров ўзининг докторлик диссертациясида ўлкадаги банк муассасаларига умумий баҳо бериб, уларнинг фаолиятига чуқур тўхталмаган. Тадқиқотчи асосан Туркистонда фаолият юритаётган банкларнинг империянинг марказий губернияларидағи аҳолини ўлкага кўчирилишидаги ролини кўрсатиб, уларнинг ўлкада мустамлакачилик сиёсатида фойят муҳим роль ўйнаганлигини таъкидлайди¹¹. Тадқиқотда келтирилишича, чет эл ва Россия банклари сарфланган маблағдан кўпроқ фойда олиш учун ўлкада нефть, мис рудасини қазиб олиш, олтингугурт, алебастр ва бошқаларни ишлаб чиқаришни фаоллик билан кучайтириб боришди¹². Бундан ташқари тадқиқотда империя ҳукуматининг турли ўйлар билан ўлкада маҳаллий банкларнинг ташкил этилишига йўл қўймаётганлиги ҳам кўрсатиб берилган.

Р. Турсунов номзодлик диссертациясида¹³ маҳаллий маърифатпарварларнинг ўлкадаги банклар фаолиятига муносабати масаласига тўхталиб ўтган. Бунда муаллиф, «Садои Туркистон», «Садои Фарғона», «Улуғ Туркистон», «Ойна» каби даврий матбуот саҳифаларида эълон қилинган маҳаллий тараққийпарварлар, хусусан, Махмудхўжа Беҳбудий, Саидносир Миржалилов, Мухтор Бакир, Абдулла Авлоний кабиларнинг мақолаларидан фойдаланган. Муаллифнинг фикрича, жадид намояндайлари нафақат ўлканинг маданий ҳаётида, балки ижтимоий-иқтисодий ҳаётида ҳам фаол иштирок этганлар. Хусусан, уларнинг Туркистонда миллий банк очишга бўлган саъи-ҳаракатлари бунинг ёрқин мисоли бўла олади¹⁴.

⁹ Потапова Н. История предпринимательства в Туркестане (вторая половина XIX — нач. XX вв.). Дисс... канд. ист. наук. Ташкент, 2002. 108-б.

¹⁰ Потапова Н. История предпринимательства в Туркестане (вторая половина XIX — нач. XX вв.) ... 109-б.

¹¹ Фаффоров Ш. Россия империясининг Туркистонга аҳолини кўчириш сиёсати (XIX асрнинг иккичи ярми XX аср бошлари). Тарих фан. докт. дисс. Тошкент, 2003. 116-б.

¹² Ўша манба, 118-б.

¹³ Турсунов Р. XX аср бошида Туркистондаги ижтимоий-иқтисодий жарабёнларга миллий тараққийпарварларнинг қарашлари. Тарих фан. номз. дисс. Тошкент, 2008.

¹⁴ Батафсил қаранг: Турсунов Р. Кўрсатилган асар. 74–82-б.

Яна бир тадқиқотчи О. Носиров ҳам ўзининг диссертацион тадқиқотида Туркистондаги акциядорлик тижорат банкларининг фаолиятига эътибор қаратган. Тадқиқотда келтирилишича, ўлкадаги акциядорлик тижорат банкларига банк устави бўйича қўйидаги молиявий операцияларни амалга оширишга руҳсат берилган:

- 1) рус ва чет эл савдо векселларини ҳисобга олиш;
- 2) 9 ойгача бўлган кредитлар ва ссудалар бериш;
- 3) вексел ва бошқа фоизли қофозлар бўйича тўловлар олиш;
- 4) учинчи шахслар орқали Давлат фоизли қофозларини пай, акция ва облигацияларни сотиш ва сотиб олиш;
- 5) хусусий шахслар ва савдо уйлари маҳсулотларини сотиш¹⁵.

Ўрганилаётган даврда ўлкада дастлаб Москва акциядорлик тижорат банкларининг ўрни катта бўлган бўлса, XX аср бошларига келиб эса Петербург банкларининг роли кучайган. Муаллиф тадқиқотида XIX асрнинг сўнгги чорагига қадар ушбу банкларнинг Туркистон иқтисодий ҳаётига жиддий таъсир кўрсатмаганлигини таъкидлайди. Бунга асосий сабаб сифатида эса ўлкада саноат корхоналарининг камлиги, акциядорлик жамиятларига чекловларнинг мавжудлиги ҳамда империя ҳукуматининг молиявий сиёсати давр талабига мослашмаганини келтириб ўтади¹⁶.

Ушбу тадқиқотда асосан ўлкадаги йирик акциядорлик тижорат банклари, хусусан, Москва савдо банки, Москва ҳисоб банки, Волга-Кама, Рус-Осиё, Азов-Дон, Сибирь савдо банкларининг фаолиятига кенг тўхталиб ўтилган. Тадқиқотчи, Рус-Осиё банкининг ўлкадаги фаолиятини таҳтил қилас экан, унинг биринчи бўлими дастлаб 1895 йилда Самарқандда очилиб, қисқа вақт давомида эса ўлканинг деярли барча катта шаҳарларида: Кўқон, Андижон, Наманган, Самарқанд, Тошкент, Марғилон, Ашхобод, Марв, Бухоро, Урганч, Қарши ва Вернийда банк бўлимларининг фаолият бошлаганлигини таъкидлайди. Рус-Осиё банки ўлкадаги бошқа акциядорлик тижорат банкларидан фарқли ўлароқ ўлка иқтисодиётининг турли тармоқларига кредитлар ажратган. Хусусан, муаллифнинг келтирилишича, ушбу банк пахтачилик соҳасидан ташқари, ўлкадаги темир йўллар курилиши, төғ-кон саноати, турли соҳадаги акциядорлик жамиятлари, савдо-саноат ширкатлари, савдо уйлари ва якка тартибда иш юритувчи тадбиркорларни молиявий жиҳатдан таъминлаб турган¹⁷.

С. Шодмонованинг тадқиқотида эса Туркистонда банкларнинг ташкил этилиши ва уларнинг фаолияти даврий матбуот материаллари асосида таҳтил қилинган. Бунда муаллиф, асосан, «Туркестанские ведомости», «Окраина», «Садои Фарғона», «Садои Туркистон», «Самарқанд» каби газеталарда эълон қилинган

¹⁵ Носиров О. XIX аср охири XX аср бошларида Туркистонда акциядорлик жамиятлари ва ширкатлари тарихи. Тарих фан. номз. дисс. Тошкент, 2009. 42-б.

¹⁶ Ўша манба, 46-б.

¹⁷ Ўша манба, 51-б.

мақолалардан фойдаланган. Тадқиқот ишининг мавзуга бағишланган параграфида¹⁸ ўлкада банкларнинг фаолиятига маҳаллий аҳолининг муносабати, банкларнинг савдогарлар, тадбиркорлар фаолиятидаги ўрни, уларнинг йиллик ҳисоботлари, аҳолига кредит беришда тижорат банкларининг иштироки ва бошқа шу каби масалалар таҳлил қилинган. Хусусан, тадқиқотчи «Садои Туркистон» газетасидаги мақолаларга таяниб, ўлкада фаолият кўрсатаётган банкларни учта турга ажратади. Булар давлат банки, акционерлик ҳамда «заёмний кредит» банкларидир¹⁹. Шунингдек, муаллиф ўз тадқиқотида ўлка ижтимоий-иқтисодий ҳаётида маҳаллий тараққийпарварларнинг ролини кўрсатиб, уларнинг маҳаллий банклар очилишидаги иштирокини ижобий баҳолайди. Жумладан, тадқиқотда маҳаллий тараққийпарварлар 1914 йилда деҳқонларни қарздорликдан қутқариш, қишлоқ хўжалигини ривожлантириш мақсадида маҳсус банк очиш ташаббуси билан чиқишиганини қелтириб ўтилган. Бир сўз билан айтганда, тадқиқотчи ўз тадқиқотида даврий матбуотдаги мавзуга оид мақолаларни таҳлил қиласар экан, банкларнинг ўлка ижтимоий ҳаётидаги ўрнига кўпроқ аҳамият қаратганлигини кўришимиз мумкин.

К. Тўхтабековнинг тадқиқотида эса давлат банклари, акционерлик тижорат банклари ҳамда ер банклари, воситачи банк бўлимларининг биринчи жаҳон уруши йилларида ўлкада ўтказган молиявий операциялари турли статистик жадваллар, архив манбалари асосида ёритиб берилган. Тадқиқотчи давлат банкининг ўлкадаги фаолиятига тўхталиб, Давлат банкининг пул маблағлари асосан икки йўналиш, яъни воситачи тижорат банклари ҳамда омонат кассалари фирма ва кредит жамиятлари орқали тақсимланганлигини келтириб ўтади. Бу даврда кўпроқ давлат банкларида тозаланмаган пахта ҳисобидан кредит берилиши улар учун энг фойдали ва деярли ҳеч қандай сарф-харажатлар талааб қўлмайдиган тадбир эканлиги таъкидланади²¹. Муаллиф давлат банкининг фаолиятини таҳлил қиласар экан, биринчи жаҳон уруши йилларида ушбу банкнинг ўлка иқтисодий ҳаётидаги мавқеи пасайган деган хulosага келади.

Бу даврда давлат банкларидан фарқли ўлароқ, тижорат банкларининг роли янада ошган. Сабаби улар кўпроқ векселлар ва буюртмалар асосида ўз фаолиятларини олиб боришган. К. Тўхтабеков тадқиқотида келтирилишича, ўрганилаётган даврда ҳусусий тижорат банкларининг сони ортиб борган. Хусусан, 1912 йилда ўлкада уларнинг 10 та марказий ва 33 та бўлимлари фаолият кўрсатганлиги қайд этилган. Шунингдек, муаллиф биринчи жаҳон уруши йилларида Туркистонда омонат кассаларининг очилиши ва уларнинг фаолияти масаласига ҳам

¹⁸ Шодмонова С. Даврий матбуотда Туркистоннинг ижтимоий-иқтисодий ва маданий аҳволи масалалари (1870–1917 йиллар). Тарих. фан. докт. дисс. Тошкент, 2011. 157-б.

¹⁹ Ўша манба, 161-б.

²⁰ Ўша манба, 162-б.

²¹ Тўхтабеков К. Чор Россиясининг биринчи жаҳон уруши йилларида Туркистон ўлкасида ўтказган иқтисодий сиёсатининг мустамлакачилик моҳияти. Тарих фан. номз. дисс. Тошкент, 2011. 66-б.

кенг тўхталиб ўтган. Мисол учун Туркистондаги биринчи омонат кассаси 1873 йилда очилган бўлса, 1903 йилда уларнинг сони 21 та, 1917 йилда эса 190 тага яқинни ташкил этганлиги келтириб ўтилади²².

У. Жумаевнинг номзодлик ишида эса давлат ва тижорат банкларининг паҳтачилик соҳасидаги фаолиятига кўпроқ аҳамият берилган. Тадқиқотчи банкларнинг паҳтачилик соҳасига ажратган кредитлари, банкларнинг ўлка маҳаллий аҳолисига таъсири, уларнинг мустамлака ҳукуматнинг солиқ сиёсатида тутган ўрни ва бошқа шу каби масалаларга ҳам кенг тўхталган. Муаллиф ўз мавзуси доирасидаги ҳали тўлиқ истеъмолга киритилмаган архив манбаларидағи маълумотлар асосида Давлат ва тижорат банкларининг фаолиятини баҳолар экан, банкларнинг кредитлар бериш тизими Туркистон паҳтачилигини рус саноатчилари манфаатларига бўйсундирилишига олиб келган деган фикрни билдириб ўтган. Шунингдек, муаллиф, бу борадаги фикрини давом эттириб, Россия банкларининг паҳта билан савдо қилиш фаолияти империя ҳукуматининг амалдаги қонунчилигини четлаб ўтиш асносида уларнинг даромадини кўпайтириб, Туркистоннинг улкан маблағларининг эгаллаб олинишига имкон яратганини таланишига олиб келганлигини таъкидлайди²³.

Тадқиқотнинг иккинчи гурӯҳига мавзуга доир яратилган илмий асарлар, монографиялар ва илмий мақолаларни киритиш мумкин.

Н. Мусаев ўз монографиясида²⁴ Туркистонда саноат ишлаб чиқаришнинг шаклланишидаги объектив ва субъектив шароитлар, саноатнинг ўзига хос хусусиятлари, ўлқада монополиялашган бирлашмаларнинг пайдо бўлиши ва уларнинг саноат ишлаб чиқаришдаги тутган ўрни каби масалаларга тўхталган. Шу билан бир қаторда ўлқада саноатнинг шаклланишида банкларнинг ролига ҳам аҳамият берib ўтган. Монографияда келтирилишича, ўлқада фаолият юритаётган давлат банклари савдогарлар ва саноатчиларнинг сармояга бўлган талабларини тўла қондира олмаганлиги сабабли хусусий тижорат банклари юзага кела бошлади²⁵. Муаллиф ўлқадаги хусусий тижорат банкларининг фаолиятини юқори баҳолаб, уларнинг нафақат паҳтачилик соҳаси, балки ўлқадаги барча саноат тармоқларидағи молиявий операцияларда иштирок этганлигини таъкидлаб ўтади. Хусусан, 1893 йилда Тошкентда ташкил этилган Волга-Кама банки ўлкага дон маҳсулотлари келтириш билан боғлиқ ҳаражатларни маблағ билан таъминлаб, асосий «нон банки»га айланган. Рус-Осиё банки эса ўз капиталини Ўрта Осиё нефть соҳасига киритиб, нефть соҳаси билан шуғулланувчи «Санто» жамиятини маблағ билан таъминлаган²⁶. Шунингдек, монографияда ўлқадаги банклар

²² Тўхтабеков К. Кўрсатилган асар. 68-б.

²³ Жумаев У. Россия империясининг Туркистондаги солиқ сиёсатининг шаклланиши, асосий босқичлари ва тараққиёти. Тарих фан. номз. дисс. Тошкент, 2012. 139-б.

²⁴ Мусаев Н. XIX асрнинг иккинчи ярми XX аср бошларида Туркистонда саноат ишлаб чиқаришнинг шаклланиши. Тошкент: Иқтисод-Молия, 2008. 165-б.

²⁵ Ўша манба, 136-б.

²⁶ Ўша манба, 139-б.

фаолиятида хориж капиталининг иштироки²⁷, уларнинг ширкатлар ва савдо уйлари билан ҳамкорлиги, банкларнинг ўзаро рақобати каби масалаларга ҳам эътибор қаратилган. Муаллиф ўлкадаги банклар фаолиятини таҳлил қилас экан, унинг фикрича банкларнинг асосий даромадини пахтанинг деҳқонлардан арzon сотиб олиниши ва саноат марказларига қиммат баҳода сотилиши, воситачилик ҳақи, фирмаларнинг даромадига шериклиги ташкил қилган²⁸.

Кўринадики, муаллиф ўз монографиясида архив манбалари, статистик жадваллардаги маълумотлар асосида тижорат банкларининг фаолиятига қўпроқ ургу берган.

ЎзР ФА Тарих институти томонидан 2011 йилда чоп этилган Ўзбекистонда тадбиркорлик фаолияти тарихига оид монографияда ҳам архив манбаларидаги маълумотлар асосида ўлкадаги тижорат банклари, хусусан, Москва ҳалқаро савдо банки, Москва ҳисоб банки, Москва савдогар банки, Волга-Кама, Рус-Осиё, Азов-Дон каби банкларнинг молиявий операциялари таҳлил қилинган. Монографияда тижорат банклари ўз фаолиятларини асосан ўлкадаги савдо уйлари ва ширкатлари билан ҳамкорликда олиб борганлиги келтириб ўтилган. Хусусан, унда келтирилишича, Москва ҳисоб банки пахтачилик соҳасидаги ўз молиявий операцияларини «Л Кноп», «Андреевск савдо-саноат уюшмаси», «Акаука Крафт» савдо уйлари, шунингдек, «Ака-ука Вадиевлар», «Юсуф Давидов» каби маҳаллий савдо уйлари ҳамкорлигига амалга оширган²⁹. Шунингдек, монографияда статистик жадваллардаги маълумотлар асосида 1912 йилда ўлкадаги тижорат банкларининг сони ҳам келтирилган.

Мустақиллик йилларида яратилган илмий адабиётларда таҳлил қилинаётган мавзуга алоҳида тўхтамаган. Жумладан, «Ўзбекистон ҳалқлари тарихи» китобида банклар пахтачилик соҳасидаги воситачиликда асосий бўғин бўлганилиги келтириб ўтилса³⁰, кейинги йилларда яратилган Ўзбекистон тарихига оид монографик адабиётларда эса ўлкадаги банклар фаолияти умуман таҳлил қилинмаган. Фақаттинга уларда давлат ҳамда тижорат банкларининг сони келтириб ўтилган³¹.

«Тарих шоҳидлиги ва сабоқлари» номли монографияда банкларнинг ўлка ижтимоий ҳаётидаги таъсирига эътибор қаратилиб, уларнинг пахта олди-сотди-

²⁷ Ўлкадаги тижорат банклари маблағларининг асосий қисмини чет эл капитали ташкил этган. Масалан, Рус ташқи савдо банки капиталининг 40% немис капиталистларига, Азов-Дон банкининг 8 млн. рубли немис капиталига, 10 млн. рубли француз капиталига, Рус-Осиё банкининг 36,7%, Кўшма банкнинг 79%, Рус савдо саноат банкининг 58 %, Сибирь банкининг 40 % француз капиталига тегишли эди.

²⁸ Мусаев Н. XIX асрнинг иккинчи ярми XX аср бошларида Туркистанда саноат ишлаб чиқаришнинг шаклланиши. Тошкент: Иқтисод-Молия, 2008. 141-б.

²⁹ Очерки истории формирования и развития предпринимательства в Узбекистане. Ташкент, 2011. 92-б.

³⁰ Ўзбекистон ҳалқлари тарихи. II жилд. Тошкент: Фан, 1993. 155-б.

³¹ Ўзбекистоннинг янги тарихи. Биринчи китоб. Туркистан чор Россияси мустамлакачилиги даврида. Тошкент: Шарқ, 2000. 238-б; Содиков Х., Жўраев Н. Ўзбекистон тарихи. Тошкент: Шарқ, 2011. 279-б.

си билан боғлиқ фаолияти таҳлил қилинган. Асарда ўлқадаги банкларнинг пахтачилик соҳасида «Ўргимчак инлари»ни ташкил қилиб, уларнинг бу соҳада мустаҳкам ва кенг доирага эга эканлиги таъкидланади. Бундан ташқари, ушбу асарда Фаргона вилоятида пахта хариди билан шуғулланган саккизта банкнинг фаолияти ҳам келтириб ўтилган³².

Илмий тўпламлар ва журнallарда ҳам бир қатор мавзуга доир эълон қилинган мақолалар мавжуд. Уларнинг сони кўй бўлмаса-да, бироқ мавзунинг моҳиятини очиб беришга хизмат қиласди. Жумладан, Р. Турсуновнинг илмий мақолаларида³³ ўлқадаги банкларнинг фаолияти миллий матбуот материаллари асосида таҳлил қилинган. Муаллиф ўз мақолаларида Туркистондаги давлат ҳамда акционерлик банкларига маҳаллий зиёли қатламнинг муносабатини кўрсатиб берган.

Шунингдек, Р. Турсунов банклар фаолиятига оид даврий матбуот материалларини қиёсий таҳлил қилиш орқали уларда юзага келган муаммоларнинг асл сабабларини очиб беришга ҳаракат қилган ва маълум маънода буни уддалаган. Хусусан, маҳаллий тараққий парварларнинг бу даврдаги энг асосий мақсади ўлкада миллий банк очиш масаласи эканлигини муаллиф ўз мақоласида келтириб ўтганлиги³⁴ фикримизнинг исботидир.

Н. Потапованинг мақоласида эса, ЎзР МДА да сақданаётган иқтисодий соҳага оид фонdlар, шунингдек фондлардаги банклар фаолиятини ўзида акс эттирган ҳужжатларнинг умумий тавсифи келтириб ўтилган. Шу билан бир қаторда муаллиф, ўз мақоласида ўлқадаги банклар фаолиятини ёритиб берувчи манбалар қаторига маҳсус журналларни, хусусан, «Туркистон қишлоқ ҳўжалиги» ва «Марказий пахта комитети» кабиларни ҳам киритади. Муаллифнинг келтиришича, Туркистон генерал-губернаторлиги девонхонаси фонди (И-1)да ўлқадаги банклар фаолиятини ўзида акс эттирган кўплаб материаллар мавжуд. Жумладан, ушбу фонdda Тошкент, Волга-Кама тижорат банклари, Давлат банкининг Тошкентдаги бўлими, Москва ҳисоб банки ва бошқа банкларнинг ўлқадаги фаолияти ва молиявий операцияларига доир турли мазмундаги ҳужжатлар сақланган³⁵.

Ўрганилаётган даврда ушбу мавзу бўйича тарихчи олимлардан ташқари иқтисодчи мутахассислар ҳам ўз илмий изланишларини олиб бордилар. Ш.Ташматовнинг докторлик диссертацияси³⁶ ана шундай тадқиқотлардан бири ҳисобланади. Гарчи муаллиф ўз тадқиқотида мустамлака даврида ўлкада фаолият кўрсатган

³² Тарих шоҳидлиги ва сабоқлари. Тошкент: Шарқ, 2001. 131-б.

³³ Турсунов Р. XX асрдаги миллий матбуотда Туркистондаги ижтимоий-иктисодий ҳаёт масалалари // O'zbekiston tarixi. 2007. № 1. 74–86-бетлар; XX аср бошида Туркистондаги ижтимоий-иктисодий жараёнларни ўрганишда «Садои Туркистон» муҳим манба сифатида. Тарихшунослик ўқишли. Тошкент, 2010. 191–200-б.

³⁴ Турсунов Р. XX асрдаги миллий матбуотда Туркистондаги ижтимоий-иктисодий ҳаёт масалалари // O'zbekiston tarixi. 2007. № 1. 84-б.

³⁵ Потапова Н. Обзор архивных источников по истории предпринимательства в Туркестане во второй половине XIX — нач. XX века // O'zbekiston tarixi. 2001. № 1. 59-б.

³⁶ Ташматов Ш. Ўзбекистонда банк тизимининг шаклланиши ва ривожланиши тарихи. Иқтисод фан. докт. дисс. Тошкент, 2006.

банк муассасаларининг фақатгина молиявий операцияларини таҳлил қилган бўлсада, бироқ ушбу тадқиқот XIX аср охири XX аср бошларида Туркистон ҳудудида мавжуд бўлган банкларнинг фаолиятини тўла ўрганишда катта роль йўнайди.

Умуман, Туркистонда банкларнинг шаклланиши ва ривожланиш масалалари тарихига оид мустақиллик даври тадқиқотлари таҳлили натижаларидан келиб чиқиб шуни айтиш мумкинки, тадқиқотчилар ушбу мавзуни ўз илмий изланишларида етарлича ёритганлар. Бироқ, шуни таъкидлаш жоизки, мавзунинг барча жиҳатларини ўзида акс эттирган фундаментал тадқиқот ватан тарихшунослигига ҳозирга қадар яратилмаган.

O. ЖАЙНАРОВ

ТУРКИСТОНДА БАНК ТИЗИМИНИНГ ШАКЛЛАНИШИ ВА РИВОЖЛАНИШ МАСАЛАЛАРИ: МУСТАҚИЛЛИК ДАВРИ ИЛМИЙ АДАБИЁТЛАРИ ОБЗОРИ

Мақолада мустамлака даврида Туркистонда мавжуд банклар фаолияти бўйича мустақиллик йилларида олиб борилган тадқиқотлар таҳлил қилинган. Бунда асосий эътибор давлат ва тижорат банклари фаолиятини ўрганиш масаласига қаратилган. Шунингдек, мақолада ўрганилаётган даврда яратилган мавзуга доир тадқиқотлар икки гурӯхга ажратиб таҳлил қилиниб, истиқболда ўрганилиши зарур бўлган мавзулар доираси аниқланган.

Калим сўзлар: мустақиллик, Туркистон, мустамлака даври, кредит, омонат кассаси, тижорат банклари, молиявий операция, Рус-Осиё банки, акциядорлик.

O. ЖАЙНАРОВ

ВОПРОСЫ ФОРМИРОВАНИЯ И РАЗВИТИЯ БАНКОВСКОЙ СИСТЕМЫ В ТУРКЕСТАНЕ: ОБЗОР НАУЧНОЙ ЛИТЕРАТУРЫ ПЕРИОДА НЕЗАВИСИМОСТИ

В статье приведен анализ научной литературы, опубликованной в Узбекистане в новейший период по формированию и развитию банковской системы в Туркестане в конце XIX — начале XX в., позволивший выявить два периода в ее изучении: первый (1991—1997 гг.) характеризуется появлением исследований по становлению банковского дела в Туркестане, второй (1998—2015 гг.) связан с коренными изменениями в исторической науке и появлением первых фундаментальных исследований по данной проблематике. Основное внимание удалено изучению работ, посвященных деятельности коммерческих банков.

O. JAYNAROV

THE ISSUES OF THE DEVELOPMENT AND FORMATION OF BANKING SYSTEM IN TURKESTAN: REVIEW OF SCIENTIFIC WORKS OF THE INDEPENDENCE PERIOD

The article analyzes the scientific literature published in modern Uzbekistan on the formation and development of the banking system in Turkestan in the late 19th — early 20th centuries, which allowed to identify two periods in its study. The first period (1991—1997) is characterized by the appearance of the first studies on the establishment of banking in Tukestan, the second (1998—2015 years) is associated with radical changes in historical science and emergence of the first fundamental studies on this subject. Main attention is paid to the study of works devoted to the activities of commercial bank.

**«ЎЗБЕКИСТОН РЕСПУБЛИКАСИ МАРКАЗИЙ ДАВЛАТ АРХИВИНИНГ
МАНБАШУНОСЛИК СОҲАСИ РИВОЖИДАГИ РОЛИ».
2015 ЙИЛ ҲАМКОРЛИҚДА БАЖАРИЛГАН НАШРЛАР
СЕМИНАР-ТАҚДИМОТИ ХУСУСИДА**

Маълумки, тарихни ёритишида манбаларнинг ўрни алоҳида аҳамиятлидир. Бундай манбалар сирасига архив материаллари ҳам кириб, бугунги кунда улардан Ўзбекистон тарихини ёритишида кенг кўламда фойдаланилмоқда. Бу жараёнда ҳозиги кунга келиб фан, таълим ва ишлаб чиқаришнинг интеграцияси йўлга қўйилганлиги эътиборга моликдир. Айнан шундай ишларнинг сарҳисобига бағишланган семинар-тақдимот 2016 йил 24 февралда Ўзбекистон Республикаси Марказий давлат архивида бўлиб ўтди.

«Ўзбекистон Республикаси Марказий давлат архивининг манбашунослик соҳаси ривожидаги роли: 2015 йил ҳамкорликда бажарилган нашрлар семинар-тақдимоти» номи остида ўтган ушбу тадбир Ўзбекистон Республикаси Фанлар академияси Тарих институти, «Ўзархив» агентлиги, Ўзбекистон Республикаси Марказий давлат архиви, Ўзбекистон Республикаси Олий ва ўрта маҳсус таълим вазирлиги ҳузуридаги Ўзбекистоннинг энг янги тарихи масалалари бўйича Мувофиқлаштирувчи методик марказ, Мирзо Улугбек номидаги Ўзбекистон Миллий университети тарих факультети «Манбашунослик ва архившунослик» кафедраси ҳамкорлигига олиб борилган ишларнинг сарҳисоби, қўлга киритилган натижалар ва соҳада мавжуд муаммоларни мухокама этишга бағишланди.

Семинарда Ўзбекистон Республикаси Фанлар академияси Тарих институти «Тарихшунослик ва манбашунослик» бўлими томонидан олиб борилаётган «Ўзбекистонда таълим тарихи ва тарихшунослиги: тажриба, муаммолар, ривожланиш ва ўрганиш» лойиҳаси доирасида ЎзР МДА фондларида сақланаётган Ўзбекистон ҳудудида таълим тизимининг мустамлака ва совет даврига оид материалларни ўз ичига қамраб олган, икки жилдлик ҳужжатлар тўплами «История образования в архивных источниках» (по материалам ЦГА РУз). Том I (1867 – 1917 гг.). Сборник документов¹; том II (1917–80-е гг.). Сборник документов² ва «Ўзбекистон тарихи. Хрестоматия (1860–1917 йиллар)»³ номи билан нашр этилган хрестоматияларнинг тақдимоти бўлиб ўтди.

¹ История образования в архивных источниках (по материалам ЦГА РУз). Том I. (1867–1917 гг.). Сборник документов. Д.А. Алимова, У.А. Абдурасолов, Х.И. Абдурасолова и др. Тошкент: Yangi nashr, 2015. 204 б.

² История образования в архивных источниках (по материалам ЦГА РУз). Том II. (1917–80-е гг.). Сборник документов. Д.А. Алимова, У.А. Абдурасолов, Х.И. Абдурасолова и др. Тошкент: Yangi nashr, 2015. 504 б.

³ Ўзбекистон тарихи. Хрестоматия (1860–1917 йиллар). 4-жилд. Тошкент: Navro'z, 2014. 501 б.

«Ўзархив» агентлиги директори А.Ҳ. Абдулаев кириш сўзида ушбу хрестоматияларнинг аҳамияти ҳақида алоҳида тўхталиб ўтди. Бу хрестоматиялар архив тизими, фан ва таълимнинг ҳамкорликда олиб борилган ишларининг натижаси эканлигини ва келажакда ҳамкорлик йўналишлари кўплигини таъкидлади. Шунингдек А.Ҳ. Абдулаев архив ишида, хусусан, тадқиқотчилар билан ишлашда мавжуд баъзи муаммоларга ҳам тўхталиб ўтди.

ЎзР ФА Тарих институти директори т.ф.д. Р.М. Абдулаев тарихчи олимлар ва архив ходимлари ўргасида айнан шундай семинар ўtkазиш зарурати анчадан бери мавжудлиги, архив манбаларининг тарихчилар учун аҳамияти хусусида тўхталди. Шунингдек, ёш тадқиқотчиларга ҳар томонлама ёрдам беришнинг долзарблиги ҳамда таҳлил, илмий асос ва муқобил манбаларга асосланган тадқиқотларни олиб бориш лозимлиги ҳақида фикр билдири.

Ўзбекистон Миллий университети тарих факультети декани т.ф.н., доц. М.М. Ҳайдаров тақдим қилинаётган китобларнинг аҳамияти, архивчи мутахассисларни тайёрлашнинг долзарблиги ҳақида мушоҳада юритиб ва тарих факультетидаги фаолият юритаётган «Архившунослик» йўналишида ишлаб чиқариш, фан ва таълим интеграцияси амалиёти йўлга қўйилгани ва соҳада қилиниши лозим бўлган вазифалар ҳақида тўхталди.

Ўзбекистоннинг энг янги тарихи масалалари бўйича Мувофиқлаштирувчи методик марказ директори т.ф.н., доцент З.А.Сайдбобоев эса таълим тарихига багишлиланган ушбу хрестоматия тарихчилар, архивчилар ва илм аҳли учун жуда катта аҳамиятта эга эканлигини таъкидлаган ҳолда, хрестоматиянинг яратилиши ҳақида тўхталиб ўтди. Ушбу хрестоматиянинг Олий ва ўрта маҳсус таълим вазирлиги томонидан берилган гувоҳномага ва ўкув нашр мақомига ҳам эга эканлиги унинг аҳамиятини янада оширишини таъкидлади.

Семинар-тақдимотда режалаштирилган маърузалар доирасида Ўзбекистон Республикаси Марказий давлат архиви директори А.Ж. Махамматов «ЎзР МДАда тадқиқотчилар илмий фаолиятини ташкиллаштириш масалалари» номли мавзууда маъруза қилиб, архивда ишлаш тартиби, ахборот хавфсизлиги масаласи, архивларга келувчи тадқиқотчилар ва кўрсатилган хизматлар ҳақида статистик маълумотлар, чет эллик тадқиқотчилар билан ишлаш тартиби тўғрисида маълумот бериб ўтди.

ЎзРФА Тарих институти етакчи илмий ходими, лойиҳа раҳбари, т.ф.д., профессор Д.А. Алимова тақдим қилинаётган хрестоматиянинг яратилишида қандай тамоийилларга асосланилгани, кўриб чиқилган 3600 дан зиёд ҳужжатдан 500 таси саралаб олиниб, унинг таркибига киритилганлиги ва ушбу ҳужжатларда таълим тизими тарихи ҳар томонлама қамраб олишга ҳаракат қилинганини айтиб ўтди. Д.А. Алимова ушбу ҳужжатлар тўпламиининг яратилиши ўзР ФА Тарих институти, ЎзР МДА ва ЎзМУ нинг ҳамкорликда олиб борган ишлари натижаси эканлигини таъкидлади.

ЎзР ФА Тарих институти етакчи илмий ходими т.ф.д., профессор Д.Ҳ. Зияева «Ўзбекистон тарихи. Хрестоматия (1860–1917 йиллар)» китобининг 4-жилдини

тақдим этди. Д.Х. Зияева ушбу хрестоматияни тузишга кўплаб тарихчи олимлар жалб этилганлиги, уларнинг саъй-ҳаракатлари билан қўлёзмалар, архив хужжатлари ва турли асарлардан фойдаланилганлигини таъкидлади. Хрестоматия бобдан иборат бўлиб, унга киритилган ҳужжатлар ва хорижий манбаларнинг аксарияти биринчи маротаба илмий муомалага киритилганлиги ва унинг таркибий тузилиши ҳақида маълумот бериб ўтди.

ЎзМУ Тарих факультети «Манбашунослик ва архившунослик» кафедраси мудири, т.ф.н., доцент З.Б. Раҳмонқулова «Тарихий таълим, архившунослик ва архив иши интеграцияси муаммолари ҳақида» номли маъruzасида мустақиллик йилларида Ўзбекистонда малакали архившунос кадрларни тайёрлаш мақсадида ЎзМУ тарих факультетида архившуносликнинг ўқитилишига алоҳида эътибор берила бошланганлиги, 2003–2004 ўқув йилида «Манбашунослик ва маҳсус тарихий фанлар» (ҳозирда «Манбашунослик ва архившунослик») кафедраси қошида «Архившунослик» бакалавр таълим йўналиши очилганлиги, йўналиш талабаларига назарий билимларни бериш баробарида уларни амалий билим ва кўнникмалар билан мустаҳкамлашга катта эътибор қаратилганлигини таъкидлади.

ЎзРФА Тарих институти катта илмий ходими, т.ф.н., доцент М.С. Исакова «Архив ишини ўрганишнинг бальзи муаммолари тўғрисида» номли маъruzасида архив иши соҳасида олиб борилаётган ислоҳотлар аҳамияти, халқаро тажрибаларнинг ўрганилиши ва маҳаллий архивларда жорий этилиши ҳақида маълумот бериб ўтди. Шунингдек, М.С. Исакова чет эл, айниқса, гарбий Европада тадқиқотчилар Ўзбекистон архив тизими тўғрисида ҳали-ҳамон етарли маълумотга эга эмасликлари ва соҳада олиб борилган ислоҳотлардан бехабар эканликларини айтиб ўтди. Бу ҳолатни бартараф этиш учун ахборот алмашинуви жараёнини кенгайтириш мақсадга мувофиқ бўлишини таклиф қилди.

Семинар муҳокамасида қатнашчилар кенг иштирок этдилар. Ш.Б. Мухамедов, Н.А. Мустафаева, Н.А. Муҳамедов, С.А. Агзамходжаев, Р.Н. Шигабиддинов, Р.Р. Назаров, Б.М. Бабаджановлар маъruzалар юзасидан савол-жавоблар, архив иши ва архивларда тадқиқотчилик фаолиятига доир долзарб масалалар бўйича фикр билдиридилар.

Семинар сўнгтида иштирокчилар томонидан илгари сурилган фикрларни амалиётта татбиқ қилишни таъминлаш мақсадида таклифлар ишлаб чиқилди.

Ж. Адилов

МУАЛЛИФЛАР ҲАҚИДА МАЪЛУМОТ

Н. Аллаева	ЎзР ФА Тарих институти катта илмий ходим-изланувчиси, т.ф.н.
Ш. Хўжаева	ЎзР МДА катта илмий ходими
Н. Исматова	ЎзР ФА Тарих институти кичик илмий ходими
М. Тўхтаева	ЎзР ФА Тарих институти катта илмий ходим-изланувчиси
С. Нуржанов	ЎзР ФА Қорақалпогистон бўлими, Қорақалпогистон гуманитар фанлар илмий-текшириш институти катта илмий ходими, т.ф.н.
О. Маҳмудов	Фарғона давлат университети катта илмий ходим-изланувчиси
Х. Жуманазаров	ЎзР ФА Тарих институти кичик илмий ходими
А. Асқаров	ЎзР ФА академиги, т.ф.д., профессор
А. Анарбаев	ЎзР ФА Археология институти Тошкент бўлими мудири, т.ф.н.
О. Жайнаров	ЎзМУ Тарих факультети иккинчи босқич магистратура талабаси
Ж. Адилов	ЎзМУ Тарих факультети «Манбашунослик ва архившунослик» кафедраси ўқитувчиси

Журнал мўқовасида: Фаёзтепа. Будда ибодатхонаси. Деворий сурат (I-II асрлар).
На обложке журнала: Фаязтепа. Буддийский монастырь. Настенная живопись (I-II вв.)



Индекс 1027

ISSN 2010-7234. O'zbekiston tarixi. 2016. № 1